

二十四史九通政典類要合編

元

第 四 冊

蘇子雲

PDG

二十四史九通政典類要合編元目錄

卷一百三十七 元一

帝系

帝號歷年 皇太后皇后 皇子

卷一百三十八 元二

封建

諸王表 同姓封建 異姓封爵 不辨同異姓諸王 外戚封建 緇流封

爵 乳保封爵

卷一百三十九 元三

職官

官制總敘 宰相 吏部 戶部 禮部 兵部 刑部 工部 樞

密院 大都督府 御史臺 廉訪司 大宗正府 大司農司 大兵農

司 大都督兵農司 國史院 翰林院 內八府宰相 集賢院 宣政

院 宣慰使司 宣徽院 大禧宗禋院 太常禮儀院 典瑞院 太史

院 太醫院 奎章閣學士院 藝文監 侍正府 起居注 將作院

通政院 中政院 儲政院 都威衛使司 衛候直都指揮使 內宰司
諸總管府 都護府 崇福司內史府 萬戶都總使司 諸駙馬 大都留
守司 上都留守司 武備寺 太僕寺 尚乘寺 長信寺 長秋寺
承徽寺 長甯寺 長慶寺 太府監 度支監 中尙監 章佩監 經
正監 都水監 祕書監 司天監 回回司天監 行中書省 儒林提
舉司 官醫提舉司 鹽運使司 鹽課提舉司 市舶提舉司 茶鹽轉運
司 運糧萬戶府 諸路總管 府州攷刺史 脫脫禾孫 勛爵 官階
俸例

卷一百四十 元四

選舉

科目 知貢舉 舉官 考課 磨敘 吏道 方伎 童科 辟召

資選 封贈

卷一百四十一 元五

學校

太學 祠祭褒贈先聖先師錄後 幸學養老 郡國鄉黨之學

卷一百四十二 元六

食貨上

食貨總敘

農桑

水利田

稅糧

科差

戶口丁中

海運

卷一百四十三 元七

食貨下

鈔法

鹽法

鐵冶

茶法

酒課

商稅

市舶

歲課

額外課

歲賜

市糴

振恤

卷一百四十四 元八

禮一 吉

郊天

大雩

祭日月

祀后土

社稷

祭先農

祭先蠶

祭宣聖

祀山川

天子七祀

告祭

祭風雨雷師星斗

天子宗廟

神御殿

后妃宗廟

卷一百四十五 元九

禮二 吉

皇太子皇子廟

大臣家廟

功臣專祠附

時享薦新

禘祫

祀古帝王

名臣附 巡狩 功臣配享 祓禊祈禳 諸雜祠 淫祠附 宗戚

助祭 國俗舊禮

卷一百四十六 元十

禮三賓

三恪二王後 藩屬朝覲 行省貢獻 四夷貢獻

卷一百四十七 元十一

樂一

樂制 律呂

卷一百四十八 元十二

樂一

樂器 節樂之器 樂縣 樂歌 樂舞 文舞器 武舞器 舞表

樂隊 樂服

卷一百四十九 元十三

輿服

冕服總敘 天子冕服 冠帽頂笠附 皇太子冠服 百官冠服 士民冠

服 服色等第 質孫總敘 天子質孫 百官質孫 后妃命婦服飾

圭璧璽符印押 車輅 太皇太后皇太后車輅 皇太子皇子車輅 百官士

民車輿 儀仗 崇天鹵簿 外仗 儀衛

卷一百五十四 元十四

運歷一

天文總敘 簡儀 仰儀 大明殿燈漏 正方案 圭表 景符 闕

几 西域儀象 四海測驗 日食 日變 月食月變 季晷 月犯

五星

卷一百五十一 元十五

運歷二

流星 星晝見 五星聚舍 客星 天鼓鳴 雜星變 隕星 虹霓

甘露 霖雨 雨變 風霾 風變 大雪 隕霜 木冰 雹

雷震 諸氣 歷總敘 二十八宿度 十二次宿度 日月行道

中星

卷一百五十二 元十六

兵上

兵制 禁衛軍 國宿軍 儀仗軍 扈從軍 看守軍 巡邏軍

邊軍

卷一百五十三 元十七

兵下

鎮戍兵 馬政 驛政 軍器 舟師水戰 屯田

卷一百五十四 元十八

刑

刑制 詳讞 徒流精淺附 赦宥 恤刑 平反 贖刑 決斷 守

正 峻酷

卷一百五十五 元十九

輿地

州郡 河源 西北地附錄 安南州郡附錄

卷一百五十六 元二十

四裔

高麗 耽羅 日本 安南 緬國 占城 暹國 瓜哇 琉球

三嶼國 馬八兒等國

二十四史九通政典類要合編卷二百二十七

元一

帝系 帝號曆年 皇太后皇后

太祖法天啓運聖武皇帝諱特穆津姓却特氏蒙古部人也其十世祖勃端察爾母曰阿倫果幹嫁
托本默爾根生二子長曰布固哈塔吉次曰博克多薩勒濟固旣而夫亡阿倫果幹寡居夜寢夢白
光自天墜入化爲金色神來趨臥榻阿倫果幹驚覺遂有娠產一子卽勃端察爾狀貌奇異沉默寡
言家人謂之癡獨阿倫果幹語人曰此兒非癡後世子孫必有大貴者阿倫果幹歿諸兄分家實不
及之勃端察爾曰貧賤富貴命也貲財何足道獨乘青白馬至巴爾圖放拉之地居焉居數月有民
數十家自騰格哩呼喇之野逐水草來遷勃端察爾結茅與之居及勃端察爾歿子巴噶哩台哈必
齊嗣生子曰瑪哈多丹瑪哈多丹之妻曰摩納倫生七子而寡摩納倫性素剛急時雅賽爾部有羣
小兒掘田間草根以爲食摩納倫乘車出適見之怒驅車徑出輾傷諸兒有至死者雅賽爾因忿怨
盡驅摩納倫馬羣以去摩納倫諸子聞之不及被甲往追之摩納倫私愛令子婦載甲赴之已無及
矣旣而果爲所敗六子皆死雅賽爾遂乘勝殺摩納倫滅其家唯一長孫海都尙幼乳母匿諸積木
中得免海都稍長納沁率巴喇呼齊格諸民共立爲君海都旣立帥兵往攻雅賽爾臣屬之形勢寔
大列營帳於巴喇噶罕河上跨河爲梁以便往來由是四傍部族歸之者漸衆海都歿子拜星呼爾

嗣拜星呼爾斡子敦巴該嗣敦巴該斡子噶布勒汗嗣噶布勒汗斡子巴爾達木嗣巴爾達木斡子伊蘇克依嗣國勢愈盛大伊蘇克依崩至元三年十月追諡烈祖神元皇帝扎實甘布者部長王汗之弟也王汗名托里受金封爵爲王番言音重故稱王爲王汗初王汗之父呼爾察和斯必璽旣卒王汗嗣位多殺戮昆弟其叔父珠爾帥兵於王汗戰逼於哈拉衮隘敗之僅以百餘騎脫走來奔于烈祖烈祖親爲將兵逐珠爾走西夏復奪部眾歸于王汗王汗德之遂相與爲盟稱爲諸達烈祖崩王汗之弟額爾克哈喇怨王汗多殺之故復叛歸奈曼部奈曼部長伊納克齊爲發兵伐王汗盡奪其部眾與之王汗走河西回鶻回回二國奔契丹旣而復叛歸帝以其與烈祖交好遣近侍往招之帝親迎撫勞遂會于圖喇河上尊王汗爲父未幾帝伐默爾奇斯部與其部長托克托戰于瑪尼齊山掠其資財田禾以遺王汗王汗因此部眾稍集居亡何王汗自以其勢足以有爲不告於帝獨率兵攻默爾奇斯部人敗走托克托奔博囉呼察隘王汗大掠而還於帝一無所遺帝不以屑意會奈曼部長博囉汗不服帝復與王汗征之至克實克巴克實之野遇其前鋒額特圖博囉領百騎來戰見軍勢漸逼走據高山其馬鞍轉墜擒之曾未幾何帝復與奈曼部驍將齊蘇實巴爾二人遇會日暮各遣營壘約明日戰是夜王汗多燃火營中示人不疑潛移部眾於別所及旦帝始知之因頗疑其有異志退師薩里河旣而王汗亦還至圖喇河王汗子伊勒哈及其叔扎實甘布來會齊蘇等察知之乘其不備襲虜其部眾于道伊勒哈奔告王汗王汗命伊勒哈與布爾古特共追之且遣使

來曰奈曼不道掠我人民太子有四良將能假我以雪恥乎帝頓釋前憾遂遣保爾濟穆呼哩博囉罕齊拉袞四人帥師以往師未至伊勒哈已追及齊蘇與之戰大敗布爾古特已成擒流矢中伊勒哈馬胯幾爲所獲須臾四將至擊奈曼走盡奪所掠歸王汗已而與皇弟哈扎爾再伐奈曼拒闕於和倫扎色山大敗之盡殺其諸將族衆積屍以爲京觀奈曼之勢遂弱帝欲爲長子卓沙求昏於王汗文超爾必濟王汗之子托斯和亦欲尚帝女噶沁必濟俱不諧自是頗有違言咸癸亥王汗父子謀欲害帝乃遣使者來曰向者所議媾事今當相從請來飲布輝察爾

布輝察爾華言許親酒也

帝以爲然率十

騎赴之至中道心有所疑命一騎往謝帝遂還王汗謀既不成議舉兵來侵圍人齊哩克齊聞其事

密與弟巴達告帝帝即馳軍阿蘭塞悉核輜重於他所遣哲哩木爲前鋒俟王汗至即整兵出戰先

與珠勒根部遇次與董阿部遇又次與浩爾賓喀們部遇皆敗之最後與王汗親兵遇又敗之時帝

諸族阿勒坦呼濟爾在王汗左右帝因遣阿里哈誚責王汗就令告之曰昔者吾國無主以色辰岱

酬二人實我伯祖巴勒噶特之裔欲立之二人固辭乃以汝呼濟爾爲伯父訥袞之子又欲立之汝

又固辭然事不可中輟復以汝阿勒坦爲我祖呼都拉之子又欲立之汝又固辭於是汝等推戴吾

爲之主初豈我之本心哉不自意相迫至於如此也三河祖宗肇基之地毋爲他人所有汝善事王

汗王汗性無常遇我尚如此況汝輩乎我今去矣我今去矣阿勒坦等無一言帝既遣使於王汗遂

進兵虜鴻吉哩別部尼勒堅行至班朱爾河水方渾帝飲之以誓衆有伊奇喇斯部人布圖者爲果

二

囉羅部所敗因遇帝與之同盟哈扎爾別居哈拉衮山妻子爲王汗所虜挾幼子托勸走來會于河上時王汗形勢盛強帝微弱勝敗未可知衆頗危懼凡與飲河水者謂之飲渾水言其曾同艱難也汪罕兵至帝與戰于哈蘭真沙陀之地汪罕大敗其臣按彈火察兒札木合等謀弒汪罕弗克往奔乃蠻谷力台把憐等部稽顙來降帝移軍幹難河源謀攻汪罕復遣二使往汪罕僞爲哈撒兒之言曰我兄太子今既不知所在我之妻孥又在王所縱我欲往將安所之耶王儻棄我前愆念我舊好卽束手來歸矣汪罕信之因遣人隨二使來以皮囊盛血與之盟及至卽以二使爲向導令軍士銜枚夜趨折折運都山出其不意襲汪罕敗之盡降克烈部衆汪罕與亦刺合挺身遁去汪罕出走路逢乃蠻部將遂爲其所殺帝旣滅汪罕遂進兵伐乃蠻駐兵於建忒該山先遣虎必來哲別二人爲前鋒太陽罕至自按臺營於沆海山與蔑里乞部長脫脫克烈部長阿憐太石狻刺部長忽都花別吉暨禿魯班塔塔兒哈答斤散只兀諸部合兵勢頗盛帝與乃蠻軍大戰至晡禽殺太陽罕諸部軍一時皆潰夜走絕險墜崖死者不可勝計明日餘衆悉降於是采魯班塔塔兒哈答斤散只兀四部亦來降己而復征蔑里乞部其長脫脫奔太陽罕之兄卜魯欲罕其屬帶兒兀孫獻女迎降俄復叛去帝至察寒寨遣孛羅歡沈白二人領右軍往平之

元史太祖紀

元年丙寅帝大會諸王羣臣建九旂白旗卽皇帝位於鄂諾河之源諸王羣臣共上尊號曰青吉斯

皇帝是歲實金泰和之六年也

元史太祖紀

二十二年丁亥秋七月壬午不豫己丑崩于薩里川哈喇圖之行宮臨崩謂左右曰金精兵在潼關南據連山北限大河難以遽破若假道于宋宋金世讎必能許我則下兵唐鄧直搗大梁金急必徵兵潼關然以數萬之衆千里赴援人馬疲弊雖至弗能戰破之必矣言訖而崩壽六十六至元三年冬十月追諡聖武皇帝至大二年冬十一月庚辰加諡法天啓運聖武皇帝廟號太祖在位二十一年帝深沉有大略用兵如神故能滅國四十遂平西夏其奇勲偉跡甚衆惜乎當時史官不備或多失於紀載云

元史太祖
祖紀

戊子年是歲皇子圖類監國

元史太祖
祖紀

太宗英文皇帝諱諤格德依太祖第三子母曰光獻皇后鴻吉哩氏太祖伐金定西域帝攻城略地之功居多太祖崩自和博果之地來會喪

元史太祖
宗紀

元年己丑夏至固爾班蘇巴克之地皇帝圖類來見秋八月己未諸王百官大會於吉魯爾河齊達

勒敖拉地以太祖遺詔卽皇帝位于奎騰阿喇勒始立朝儀皇族尊屬皆拜頌大扎薩克

華言大法令也

議伐金

元史太祖
宗紀

四年壬辰秋九月圖類薨帝遷龍庭

元史太祖
宗紀

五年癸巳春正月庚申金主奔歸德夏四月蘇布特進至青城崔立以金太后王氏后圖克坦氏梁王從恪荆王守純等至軍中蘇布特遣送行在遂入南京六月金主奔蔡塔齊爾率師圍之

元史太祖
宗紀

六年甲午春正月金主傳位于宗室子承麟遂自經而焚城拔獲承麟殺之宋兵取金主餘骨以歸

金亡

元史太
宗紀

十三年辛丑春二月獵于齊齊克察罕澤帝有疾詔赦天下囚徒帝癆冬十一月丁亥大獵庚寅遷至謁特古呼蘭山溫都爾哈瑪爾進酒帝歡飲極夜乃罷辛卯遲明崩于行殿在位十三年壽五十有六追諡英文皇帝廟號太宗帝有寬弘之量忠恕之心量時度力舉無過事華夏富庶羊馬成羣旅不齋糧時稱治平

元史太
宗紀

壬寅年春大皇后尼瑪察氏始稱制

元史太
宗紀

歲辛丑太宗崩壬寅春大皇后肅瑪錦氏稱制起壬寅止乙巳凡四年

續通考
帝系考

定宗簡平皇帝諱庫裕克太宗長子母大皇后尼瑪察氏以丙寅年生帝太宗嘗有言以皇孫實勒們爲嗣太宗崩皇后臨朝會諸王百官於達蘭達巴之地遂議立帝

元史定
宗紀

元年丙午秋七月卽皇帝位于昂吉蘇默托里之地帝雖御極而朝政猶出於大皇后云

元史定
宗紀

三年戊申春三月帝崩于杭錫雅爾之地在位二年壽四十有二葬起鰲谷追諡簡平皇帝廟號定

宗

元史定
宗紀

庚戌年定宗崩後議所立未決當是時已三歲無君其行事之詳策簡失書無從考也

元史定
宗紀

憲宗桓肅皇帝諱莽賽扣魯宗圖類長子也母曰莊獻太后奇味氏諱纒勒噶塔納威及辰十二月

三日生帝時鴻和岱部知天象者言帝後必大貴故以莽賚扣爲名

莽賚扣華言長子也

太宗在潛邸養以爲

子屬昂輝皇后撫育之既長爲娶果囉囉部文呼爾察爲妃分之部民及睿宗薨乃命歸藩邸歲戊

申定宗崩朝廷久未立君中外恟恟咸屬意於帝而覲覲者衆議未決諸王巴圖穆格額喀布格綏

克托台奇爾大將烏蘭哈達薩納台特們德爾伊蘇布哈成會于阿爾圖和賚之地巴圖首建議推

戴時定宗皇后烏拉海額實所遣使者巴拉在坐曰昔太宗命以皇孫實勒們爲嗣諸王百官皆與

聞之今實勒們故在而議欲他屬將實之何地耶穆格曰太宗有命誰敢違之然前議立定宗由皇

后托里格喀勒與汝輩爲之是則違太宗之命者汝等也尙誰咎耶巴拉語塞烏蘭哈達曰莽賚扣

聰明睿知人咸知之巴圖議良是巴圖卽申令於衆衆悉應之議遂定

元史憲宗紀

元年辛亥夏六月西方諸王伯爾克托海特穆爾東方諸王伊克托歡伊遜克阿齊台塔齊爾伯勒

格台西方諸大將巴哩濟等東方諸大將伊蘇布哈等復大會于奎騰敖拉之地共推帝卽皇帝位

於鄂諾河實勒們及諸弟諾果等心不能平有後言帝遣諸王寶喇與孟克薩勒帥兵覲之諸王伊

蘇蒙克布琳哈扎爾等後期不至遣布琳濟達率兵備之遂改更庶政

元史憲宗紀

九年己未夏六月帝不豫秋七月辛亥留精兵三千守之餘悉攻重慶癸亥帝崩于釣魚山壽五十

有二在位九年追諡桓肅皇帝廟號憲宗帝剛明雄毅沉斷而寡言不樂燕飲不好侈摩雖后妃不

許之過制初太宗朝羣臣擅權政出多門至是凡有詔旨帝必親起草更易數四然後行之

元史憲宗紀

以上諸帝俱未建元

續通考
帝系考

世祖聖德神功文武皇帝諱呼必賚睿宗皇帝第四子母莊聖太后奇味氏以乙亥歲八月乙卯生及長仁明英睿事太后至孝尤善撫下納鴿吉哩氏爲妃歲辛亥六月憲宗卽位同母弟惟帝最長且賢故憲宗盡屬以漠南漢地軍國庶事歲丁巳冬十二月入覲憲宗于伊克德呼蘇之地議分道攻宋以明年爲期歲戊午冬十一月戊申馮牙于開平東北是日啓行歲己未春二月會諸王于邢州夏五月駐小濮州秋七月甲寅次汝南八月丙戌渡淮辛卯入大勝關宋戍兵皆遁壬辰次黃陂甲午遣廉希憲招臺山寨比至于戶董文炳等已破之時淮民被俘者衆悉縱之庚子先鋒察呼得宋沿江制置司榜來上有云今夏謀者聞北兵會議取黃陂民船繫機由陽邏堡以渡會于鄂州帝曰此事前所未有願如其言辛丑師次江北九月壬寅朔親王穆格自合州釣魚山遣使以憲宗凶問來告且請北歸以繫天下之望帝不從遂申救將帥揚旗伐鼓三道並進與宋師接戰者三殺獲甚衆遲達南岸丁未遣王冲道李宗傑督郊招諭鄂城比至東門矢下如雨冲道墜馬爲敵所獲宗傑郊奔還帝駐濟黃洲己酉抵鄂屯兵教場庚戌圍鄂冬十一月丙辰烏蘭哈達略地諸蠻由交趾歷邕桂抵潭州閩帝在鄂遣使來告時先朝諸臣阿勒達爾輝塔噶托里斯托里齊等謀立額呼布格額呼布格者睿宗第七子帝之弟也於是阿勒達爾發兵於漠北諸部托里齊括兵於漠南諸州而阿勒達爾乘傳調兵去開平僅百餘里皇后聞之使人謂之曰發兵大事太祖皇帝曾孫珍馐在

此何故不令知之阿勒達爾不能答繼又聞托里齊亦至燕后卽遣托歡額默根馳至軍前密報請速遣丁卯發牛頭山聲言趣臨安留大將巴圖爾等卽諸軍圍鄂爾月辛未臨江岸遣張文謙還諭諸將曰遲六日當去鄂退保許黃州命文謙發降民二萬北歸宋賈似道遣宋京請和命趙璧等語之曰汝以生靈之故來請和好其意甚善然我奉命南征豈能中止果有事大之心當請於朝是日

大軍北還 元史世祖紀

中統元年春三月戊辰朔車駕至開平親王哈坦阿濟格率西道諸王塔齊爾額森克呼魯古爾卓多率東道諸王皆來會與諸大臣勸進帝二讓諸王大臣固請辛卯卽皇帝位辛丑以卽位詔天下詔曰朕惟祖宗肇造區宇奄有四方武功迭興文治多缺五十餘年於此矣蓋時有先後事有緩急天下大業非一聖一朝所能兼備也先皇帝卽位之初風飛雷厲將大有爲憂國愛民之心雖切於已尊賢使能之道未得其人方董夔門之師遽遺鼎湖之泣豈期遺恨竟勿克終肆予冲人渡江之後蓋將深入焉乃聞國中重以僉軍之擾黎民驚駭若不能一朝居者予爲此懼驛騎馳歸目前之急雖紓境外之兵未戢乃會羣議以集良規不意宗盟輒先推戴左右萬里名王巨臣不召而來者有之不謀而同者皆是咸謂國之家大統不可久曠神人之重寄不可暫虛求之今日太祖嫡孫之中先皇母弟之列以賢以長止予一人雖在征伐之間每存仁愛之念博施濟衆實可爲天下主天道助順人謀與能祖訓傳國大典於是乎在孰敢不從朕峻辭固讓至於再三祈懇益堅誓以死請

於是俯得輿情勉登大寶自惟寡昧屬時多艱若涉淵冰罔知攸濟爰當臨御之始宜新弘遠之規
祖述變通正在今日務施實德不尚虛文雖承平未易遽臻而饑渴所當先務嗚呼歷數攸歸欽應
上天之命勳親斯託敢忘烈祖之規體極建元與民更始朕所不逮更賴我遠近宗族中外文武同
心協力獻可替否之助也誕告多方體予至意五月丙戌建元中統詔曰祖宗以神武定四方淳德
御羣下朝廷草創未遑潤色之文政事變通漸有綱維之目朕獲纘緒服載擴丕圖稽列聖之洪規
講前代之定制建元表歲示人君萬世之傳紀時書王見天下一家之義法春秋之正始體大易之
乾元炳煥皇猷權輿治道可自庚申年五月十九日建元爲中統元年惟卽位體元之始必立經陳
紀爲先故內立都省以總宏綱外設總司以平庶政仍以興利除害之事補偏救弊之方隨詔以頒
於戲秉錄握樞必因時而建號施仁發政期與物以更新敷宣懷惻之辭表著憂勞之意凡在臣庶

體予至懷

元史世祖紀

至元元年九月壬申朔以改元詔諭高麗

元史世祖紀

八年冬十一月建國號曰大元詔曰誕膺景命奄四海以宅尊必有美名紹百王而紀統肇從隆古
匪獨我家且唐之爲言湯也堯以之而著稱虞之爲言樂也舜因之而作號馴至禹興而湯造夏名
夏大以殷中世降以還事殊非古雖乘時而有國不以利而制稱爲秦爲漢者著從初起之地名曰
隨曰唐者因卽所封之爵邑是皆徇百姓見聞之狃習要一時經制之權宜槩以至公不無少貶我

太祖聖武皇帝握乾符而起朔土以神武而膺帝國四靈天聲大恢土宇輿圖之廣歷古所無頃者
書宿詔庭奏草申請謂既成於大業宜早定於鴻名在古制以當然於朕心乎何有可建國號曰大
元蓋取易經乾元之義茲大治流形于庶品孰名資始之功予一人庶寧于萬邦尤切體仁之要事
從因革道協天人於戲稱義而名固匪爲之溢美乎休惟永尙不負於投艱嘉與敷天共隆大號

元史

十六年己卯滅宋

續通考
帝系考

二十一年春正月乙卯帝御大明殿右丞相和禮霍孫率百官奉玉冊玉寶上尊號曰憲天述道仁
文義武大光孝皇帝諸王百官朝賀如朔旦儀赦天下

元史世
祖紀

三十一年春正月壬子朔帝不豫免朝賀庚午帝大漸癸酉帝崩于紫橧殿在位三十五年壽八十
親王諸大臣發使告哀於皇孫夏四月皇孫至上都甲午卽皇帝位丙午中書右丞相完澤及文武
百官議上尊諡壬寅始爲壇于都城南七里甲辰遣司徒兀都帶平章政事不忽木左丞張九思率
百官詣于南都五月戊午遣攝太尉臣兀都帶奉冊上尊諡曰聖德神功文武皇帝廟號世祖國
語尊稱曰薛禪皇帝是日完澤等議同上先皇后弘吉刺氏尊諡曰昭睿順聖皇后世祖度量弘廣
知人善任使信用儒術用能以夏變夷立經陳紀所以爲一代之制者規模宏遠矣

元史世
祖紀

建元一

中統 至元三
四 十一

謹按世祖至元十一年十二月丞相呼圖克岱爾與百寮請上尊號不許是則上尊號之事遲至

二十一年而始許之也

續通考
帝系考

成宗欽明廣孝皇帝諱鐵穆耳世祖之孫裕宗眞金第三子也母曰徽仁裕聖皇后弘吉烈氏至元二年九月庚子生三十年乙巳受皇太子寶撫軍於北邊三十一年春正月世祖崩親王諸大臣遣使告哀軍中夏四月壬午帝至上都左右部諸王畢會先是御史中丞崔彥得御璽于故臣之家其文曰受命于天既壽永昌上之徽仁裕聖皇后至是手授於帝甲午卽皇帝位受諸王宗親文武百官朝於大安閣詔曰朕惟太祖聖武皇帝受天命肇造區夏聖聖相承光熙前緒迨我先皇帝體元居正以來然後典章文物大備臨御三十五年溥海內外罔不臣屬宏規遠略厚澤深仁有以行皇元萬世無疆之祚我昭考早正儲位德盛功隆天不假年四海缺望顧惟眇質仰荷先皇帝殊眷往歲之夏欽授皇太子寶付以撫軍之任今春宮車遽馭奄棄臣民乃有宗藩昆弟之賢戚畹官僚之舊謂祖訓不可以違神器不可以曠體承先皇帝夙昔付託之意合辭推戴誠切意堅朕勉徇所請於四月十四日卽皇帝位可大赦天下尙念先朝庶政悉有成規惟慎奉行罔敢失墜更賴祖親勲戚左右忠良各盡乃誠以輔台德布告遠邇咸使聞知追尊皇考曰皇帝尊太母元妃曰皇太后庚子遣攝太尉兀都帶等請諡于南郊五月戊午遣攝太尉兀都帶奉玉冊玉寶上大行皇帝尊諡曰聖德神功文武皇帝廟號世祖皇后尊諡曰昭睿順聖皇后皇考尊諡曰文惠明孝皇帝廟號裕

宗冬十一月壬申詔改明年爲元貞元年

元史成宗紀

大德元年春二月詔改元赦天下

元史成宗紀

十一年春正月丙辰朔帝大漸免朝賀癸酉崩于玉德殿在位十有三年壽四十有二是年九月乙丑諡曰欽明廣孝皇帝廟號成宗國語曰完澤篤皇帝成宗承天下混壹之後垂拱而治可謂善於守成者矣惟其末年連歲廢疾凡國家政事內則決于宮壺外則委於宰臣然其不致然廢墜者則以去世祖爲未遠成憲具在故也

元史成宗紀

改元一 元貞 大德 十一

武宗仁惠宣孝皇帝諱海山順宗答剌麻八剌之長子也母曰興聖皇太后弘吉刺氏至元十八年

七月十九日生成宗大德二年以寧遠王闊闊出總兵北邊慮於備禦命帝即軍中代之八年十月

封帝懷寧王賜金印置王傅官食瑞州六萬五千戶十年七月自脫忽思圖之地踰按台山追叛王

幹羅思獲其妻孥輜重執叛王也孫禿阿等及駙馬伯馬八月至也里的失之地受請降王禿滿明

里鐵木兒阿魯灰等降海都之子察八兒逃于都瓦部盡俘獲其家屬營帳駐冬按台山降王禿曲

滅復叛與戰敗之北邊悉平十一年春聞成宗崩三月自按台山至於和林諸王勲戚畢會皆曰今

阿難答明里鐵木兒等榮感中宮潛有異議諸王也只里昔嘗與叛王通合亦預謀既辭服伏誅乃

因闡辭勸進帝謝曰吾母吾弟在大都俟宗親畢會議之先是成宗遺豫曰入政出中宮命仁宗與

皇太后出居懷州至是仁宗聞訃以二月辛亥與太后俱至京師安西王阿難答與諸王明里鐵木
兒已於正月庚午先至左丞相阿忽台平章八都馬辛前中書平章伯顏中政院使怯烈道興等潛
謀推成宗皇后伯要眞氏稱制阿難答輔之仁宗以右丞相哈喇孫之謀言於太后曰太祖世祖
創業艱難今大行晏駕德壽已薨諸王皆疎屬而懷寧王在朔方此輩潛有異圖變在朝夕俟懷寧
王至恐亂生不測不若先事而發遂定計誅阿忽台怯烈等而遣使迎帝五月上都乙丑仁宗侍
太后來會左右部諸王畢至會議乃廢皇后伯要眞氏出居東安州賜死執安西王阿難答諸王明
里鐵木兒至上都亦皆賜死甲申皇帝卽位於上都受諸王文武百官朝於大安關大赦天下詔曰
昔我太祖皇帝以武功定天下世祖皇帝以文德洽海內列聖相承丕衍無疆之祚朕自先朝肅將
天威撫軍朔方殆將十年親御甲冑力戰却敵者屢矣方諸藩內附邊事以寧遽聞宮車晏駕廼有
宗室諸王貴戚元勳相與定策於和林咸以朕爲世祖曾孫之嫡裕宗正派之傳以功以賢宜膺大
寶朕謙讓未遑至於再三遷至上都宗親大臣復請於朕間者姦臣乘隙謀爲不軌賴祖宗之靈母
弟愛育黎拔力八達稟命太后恭行天罰內難既平神器不可久虛宗祧不可乏祀合辭勸進誠意
益堅朕勉徇輿情於五月二十一日卽皇帝位任大守重若涉淵冰屬嗣服之云初其與民更始可
大赦天下是日追尊皇考曰皇帝尊太母元妃曰皇太后六月丁酉中書右丞相哈喇孫答剌罕
左丞相塔刺海言臣等與翰林集賢太常老臣集議皇帝嗣登寶位詔追尊皇考爲皇帝皇考大行

皇帝同母兄也大行皇帝耐廟之禮尚未舉行一帝神主依兄弟次序耐廟爲宜今擬請諡皇考昭聖衍孝皇帝廟號順宗大行皇帝曰欽明廣孝皇帝廟號成宗太祖之室居中睿宗西第一室世祖西第二室睿宗西第二室順宗東第一室成宗東第二室先元妃弘吉刺氏失憐苔里宜諡曰貞慈靜懿皇后耐成宗廟室制曰可九月乙丑請諡皇考皇帝大行皇帝于南郊命中書右丞相塔刺海攝大尉行事壬申命塔刺海奉玉冊玉寶上皇考及大行皇帝尊諡廟號又上先元妃弘吉烈氏尊諡耐于成宗廟室

冬十二月庚申詔曰仰惟祖宗應天撫運肇啓疆宇華夏一統罔不率從逮朕嗣服丕圖續膺景命遵承詒訓恪慕洪規祇揚畏兢未知攸濟永思創業艱難之始兢兢軫念而守成萬事之統在予一人故自卽位以來溥從寬大量能授官俾勤乃職夙夜以永康兆民爲急務間者歲比不登流民未還官吏並緣侵漁上下因循和氣乖戾是以責任股肱耳目大臣思所以盡瘁贊襄嘉猷朝夕入告朕命惟允庶事克諧樂與率土之民共享治安之化邇邇遠肅顧不遑歎可改大德十二年爲至大元年誕布惟新之令式孚永固之休

元史武宗紀

至大二年春正月辛卯皇太子諸王百官上尊號曰統天繼聖欽文英武大章孝皇帝

元史武宗紀

四年春正月癸酉朔帝不豫免朝賀大赦天下庚辰帝崩於玉德殿在位五年壽二十一夏五月乙未文武百官也先鐵木兒等上尊諡曰仁惠宣孝皇帝廟號武宗國語曰曲律皇帝是日請諡南郊

閏七月丙午附於大廟武宗當富有之大業既然欲創治改法而有爲故其封爵太盛而遙授之官衆錫資太隆而泛之賞恩滿至元大德之政於是稍有變更云

元史武宗紀

改元一至大

四

仁宗聖文欽孝皇帝諱愛育黎拔力八達順宗次子武宗之弟也母曰興聖太后弘吉剌氏至元二十二年三月丙子生大德九年冬十月成宗不豫中宮秉政詔帝與太后出居懷州十一年春正月成宗崩時武宗爲懷寧王總兵北邊戊子帝與太后聞哀奔赴二月辛亥至大都與太后入內哭盡哀復出居舊邸日朝夕入哭奠左丞相阿忽台等潛謀推皇后伯要眞氏稱制安西王阿難答轄之時左丞相哈剌哈孫答剌罕稱疾守宿掖門凡三月密持其機賜許之夜遣人啓帝曰懷寧王這不能猝至恐變生不測當先事而發二月丙寅帝率衛士入內召阿忽台等責以亂祖宗家法命執之鞫問辭服戊辰伏誅諸王濶濶出牙忽都等曰今罪人斯得太子寔世祖之孫宜早正天位帝曰王何爲出此言也被惡人潛結宮壺構亂我家故誅之豈欲作威說望神器耶懷寧王吾兄也正位爲宜乃遣使迎武宗於北邊五月乙丑帝與太后會武宗於上都甲申武宗卽位六月癸巳詔立帝爲皇太子受金寶至大四年春二月庚寅卽皇帝位於大明殿受諸王百官朝賀詔曰惟昔先帝事皇太后撫朕眇躬孝友天至由朕得託順考遺體重以母弟之嫡加有削平內難之功於其踐阼嘗未踰月授以皇太子寶領中書令樞密使百揆機務聽所總裁於今五年先帝奄棄天下勲感元老咸

謂大賈之承既有成命非與前聖實天而始徵集宗親議所宜立者比當稽周漢晉唐故事正位宸極朕以國恤方新誠有未忍是用經時今則上奉皇太后勉進之命下徇諸王勸戴之勤二月十八日於大都大明殿卽皇帝位凡尙書省誤國之臣先已伏誅同惡之徒亦已放殛百司庶政悉歸中書命丞相鐵木迭兒平章政事李道復等從新拯治可大赦天下敢以赦前事相告言者罪以其罪夏六月甲子請大行皇帝諡於南郊上尊諡曰仁惠宣孝皇帝廟號武宗秋九月壬子改元皇慶詔曰朕賴天地祖宗之靈纂承聖緒永惟治古之隆羣生成遂國以又寧朕夙興夜寐不敢怠遑任賢使能興滯補闕庶其臻茲欲時五福用敷錫厥庶民朕之志也踰年改元厥有彝典其以至大五年爲皇慶元年

元史仁宗記

延祐元年春正月丁未詔改元

元史仁宗記

七年春正月丁亥帝不豫辛丑帝崩於光天宮壽二十有六在位十年五月乙未羣臣上諡曰聖文欽孝皇帝廟號仁宗國語曰普顏篤皇帝仁宗天性慈孝聰明恭儉通達儒術妙悟釋典嘗曰明心見性佛教爲深修身治國儒道爲切又曰儒者可尙以能維持二綱五常之道也平居服御質素澹然無欲不事遊畷不喜征伐不崇貨利事皇太后終身不違顏色待宗戚勸善始終以禮大臣親老時加恩賚大官進膳必分賜貴近有司奏大辟每慘惻移時其孜孜爲治一遵世祖之成憲云

元史仁宗

改元三 皇慶 延祐

英宗睿聖文孝皇帝諱碩德八剌仁宗嫡子也母莊懿慈聖皇后弘吉剌氏以大德七年二月甲子生仁宗欲立為太子帝入謁太后固辭曰臣幼無能且有兄在宜立兄以臣輔之太后不許延祐三年十二月丁亥立為皇太子授金寶開府置官屬六年十月戊午受王冊詔命百司庶務必先啟太子然後奏聞七年春正月戊戌仁宗不豫帝憂形於色夜則焚香泣曰至尊以仁慈御天下庶績順成四海清晏今天降大厲不如罰殛我身使至尊永為民主辛丑仁宗崩帝哀毀過禮素服寢于地日飲一粥三月庚寅帝即位詔曰洪惟太祖皇帝膺期撫運肇開帝業世祖皇帝神機睿畧統一四海以聖繼聖迨我先皇帝至仁厚德涵濡羣生君臨萬國十年于茲以社稷之遠圖定天下之大本叶謀宗親授子冊寶方春宮之與政遽昭考之寶天諸王貴戚元勳碩輔咸謂朕宜體先帝付託之重皇太后擁護之慈既深繫於人心詎可虛于神器合辭勸進誠意交孚乃于三月十一日即皇帝位于大明殿可赦天下尊太后為太皇太后冬十二月乙巳朔詔曰朕祇遙貽謀獲承丕緒念付託之惟重顧繼述之敢忘爰以延祐七年十一月丙子被服袞冕恭謝于太廟既大禮之告成宜普天之均慶屬茲踰歲用易紀元予以導天地之至和予以法春秋之謹始可以明年為至治元年乙卯率百官奉玉冊玉寶加上太皇太后尊號曰儀天興聖慈仁昭懿壽元全德泰寧福慶徽文崇祐太

皇太后 元史英宗紀

至治元年冬十一月戊寅御大明殿羣臣上尊號曰繼天體道敬文仁武大昭孝皇帝

元史英宗紀

二年秋八月御史大夫鐵失知樞密院事也先鐵木兒大司農失禿兒前平章政事赤斤鐵木兒前雲南行省平章政事完者鐵木迭兒子前治書侍御史鎖南鐵失弟宣徽使鎖南典瑞院使脫火赤樞密院副使阿散會書樞密院事章台衛士禿滿及諸王按梯不花孛羅月魯不花曲呂不花兀魯思不花等謀逆以鐵失所領阿速衛兵爲外應鐵失赤斤鐵木兒殺丞相拜住遂弒帝於行帳年二十一泰定元年二月上尊諡曰睿聖文孝皇帝廟號英宗四月上國語廟號曰格堅

元史英宗紀

改元一

至治二

泰定皇帝諱也孫鐵木兒顯宗甘麻剌之長子裕宗之嫡孫也初世祖以第四子那木罕爲北安王鎮北邊北安王慕顯宗以長孫封晉王代之統領太祖四大幹耳朵及軍馬達達國土至元十二年十月二十九日帝生于晉邸大德六年晉王薨帝襲封是爲嗣晉王仍鎮北邊至治二年八月英宗遂遇弒于握殿諸王按梯不花及也先鐵木兒奉皇帝璽綬北迎帝于鎮所癸巳卽皇帝位於龍居河大赦天下詔曰薛禪皇帝可憐見嫡孫裕宗皇帝長子我仁慈甘麻剌爺爺根底封授晉王統領成吉思皇帝四箇大幹耳朵及軍馬達達國土都付來依著薛禪皇帝聖旨小心謹慎但凡軍馬人民的不得揀甚麼勾當裏遵守正道行來的上頭數年之間百姓得安業在後完澤篤皇帝敎我繼承位次大幹耳朵裏委付了來已委付了的大營盤看守著扶立了兩箇哥哥曲律皇帝普顏篤皇帝

姪碩德八剌皇帝我累朝皇帝根底不謀異心不圖位次依本分與國家出氣力行來諸王哥兒哥弟每衆百姓每也都理會的也者今我的姪皇帝生天了也麼道巡南諸王大臣軍士的諸王駙馬臣僚達達百姓每衆人商量著大位次不宜久虛惟我是薛禪皇帝滿派裕宗皇帝長孫大位次裏合坐地的體例有其餘爭立的哥哥兄弟也無有這般晏駕其間比及整治以來人心雖測宜安撫百姓使天下人心得寧早就這裏即位提說上頭從著衆人的心九月初四日於成吉思皇帝的大斡耳朵裏大位次裏坐了也交衆百姓每心安的上頭赦書行有冬十二月戊辰請皇考皇妣諡于南郊皇考晉王曰光聖仁孝皇帝廟號顯宗皇妣晉王妃曰宣懿淑聖皇后丁亥下詔改元詔曰朕荷天鴻禧嗣大歷服側躬圖治夙夜祇畏惟祖訓是遵乃開歲甲子景運伊始思與天下更新稽諸典禮踰年改元可以明年爲泰定元年

元史泰定帝紀

致和元年春二月庚申詔天下改元秋七月庚午帝崩壽三十六乙酉皇后皇太子降旨諭安百姓丙戌太白犯軒轅大星九月倒刺沙立皇太子爲皇帝改元天順詔天下泰定之世災異數見君臣之間亦未見其引咎責躬之實然能知守祖宗之法以行天下無事號稱治平茲其所以爲足稱也

元史泰定帝紀

帝雖裕宗長孫以自立故文宗不爲立廟諡止稱爲泰定帝

續通考帝系考

改元一

泰定 致和 元

王禕曰武宗以兄弟相及約繼世子孫迭居大位而仁宗惑於儉言不踐宿諾傳位英宗乃使武宗一子明宗文宗出居於外及英宗遇弒而明宗在北文宗在南晉邸乘閒入繼大統或謂晉邸非所宜立雖然晉王於世祖孫也於次爲長雖守藩服嘗有嬰以今國統之不繼則求所當立者舍晉王之系將誰屬耶然則謂晉王非所宜立亦過也舊傳英宗之弒晉邸與聞焉故其歿不舉請謚升祔之典明其爲賊也然考之實錄皆不得其實

續通考
帝系考

明宗翼獻景孝皇帝諱和世球武宗長子也母曰仁獻章聖皇后亦乞烈氏成宗大德二年命武宗撫軍北邊帝以四年十一月壬子生成宗崩十一年武宗入繼大統立仁宗爲皇太子命以次傳於帝武宗崩仁宗立延祐二年春讓建東宮時承相鐵木迭兒欲固位取寵乃議立英宗爲皇太子於是封帝爲周王出鎮雲南延祐七年仁宗崩英宗嗣立是歲夏四月丙寅子妥懽帖木爾生是爲至正帝至治二年八月癸亥御史大夫鐵失等弒英宗晉王也孫鐵木兒自立爲皇帝改元泰定五月遣使扈從皇后八不沙至自京師二年帝弟圖帖睦爾以懷王出居于建康三年三月癸酉子懿璘質班生是爲寧宗歲戊辰七月庚午泰定皇帝崩于上都倒刺沙專權自用踰月不立君朝野疑懼時僉樞密院事燕鐵木兒留守京師遂謀舉義八月甲午黎明召百官集興聖宮兵皆露刃號於衆曰武皇有聖子二人孝友仁文天下歸心大統所在當迎立之不從者死乃縛平章烏伯都刺伯顏察兒以中書左丞哀朵參知政事王士熙等下于獄燕鐵木兒與西安王阿剌忒納失里固守內廷

於是帝方遠在沙漠猝未能至慮生他變乃迎帝弟懷王于江陵且宣言已遣使北迎帝以安衆心復矯稱帝所遣使者自北方來云周王從諸王兵整駕南轅旦夕即至矣丁巳懷王入京師羣臣請正大統固讓曰大兄在北以長以德當有天下必不得已當明以朕志播告中外九月壬申懷王即位是爲文宗改元天曆詔天下曰僅俟大兄之至以遂朕固讓之心時倒刺沙在上都立泰定皇帝子爲皇帝乃遣兵分道犯大都而梁王王禪右丞相答失鐵木兒御史大夫紐澤太尉不花等兵皆次于榆林燕帖木兒與其弟撒敦子唐其勢等帥師與戰屢敗之上都兵皆潰十月辛丑齊王月魯帖木兒元帥不花帖木兒以兵圍上都倒刺沙乃奉皇帝寶出降兩京道路始通於是文宗遣哈散及撒迪等相繼來迎朔漠諸王皆勸帝南還京師遂發北邊諸王察阿台沿邊元帥朵烈捏萬戶買驢等咸帥師扈行舊臣孛羅尙家奴哈八兒禿皆從至金山嶺北行省平章政事撥皮奉迎武寧王徹徹禿僉樞密院事帖木兒不花繼至乃命孛羅如京師兩京之民聞帝使者至驪呼鼓舞曰吾天子實自北來矣諸王舊臣爭先迎謁所至成聚天曆二年正月乙丑文宗復遣中書左丞躍里帖木兒來迎乙酉撒迪等至入見帝于行幄以文宗命勸進丙戌帝卽位于和寧之北扈行諸王大臣咸入賀天曆二年四月丙子文宗受皇太子寶八月乙酉朔次王忽察都之地丙戌皇太子入見是日宴皇太子及諸王大臣于行殿庚寅帝暴崩年二十是月己亥皇太子復卽皇帝位十二月乙巳知樞密院事臣也不倫等議請上尊諡曰翼獻景孝皇帝廟號明宗三年三月壬申附于太廟

文宗聖明元孝皇帝諱圖帖睦爾武宗之次子明宗之弟也母曰文獻昭聖皇后唐兀氏大德三年武宗總兵北邊帝以八年春正月癸亥生十一年武宗入繼大統至大四年武宗崩傳位于弟仁宗延祐三年丞相鐵木迭兒等議立英宗爲皇太子明宗以武宗長子乃出之居于朔漠至治元年五月出帝居于海南三年六月英宗在上都謂丞相拜住曰朕兄弟實相友愛曩以小人譖愬俾居遠方當亟召還明正小人雜開之罪未幾鐵木兒等爲逆而晉王遂立爲皇帝改元泰定召帝于南海之瓊州還至潭州復命止之居數月乃還京師十月封懷王賜黃金印二年正月又命出居于建康致和元年三月遷帝居江陵七月庚午泰定皇帝崩于上都剗刺沙及梁王王禪遠王脫脫因結黨害政人皆不平時燕鐵木兒實掌大都樞密符印謀於西安王阿剌忒納失里陰結勇士以圖舉義八月甲午黎明百官集興聖宮燕鐵木兒率阿剌鐵木兒孛倫赤等十七人兵皆露刃乃手縛平章政事烏伯都剗伯顏察兒分命勇士執中書左丞朶朶參知政事王士熙參議中書省事脫脫吳秉道侍御史鐵木哥丘世傑治書侍御史脫歡太子詹事丞王桓等皆下之獄卽遣前河南行省參知政事明里董阿前宣政使蒼里麻失里馳驛迎帝於江陵丙辰燕鐵木兒奉法駕郊迎丁巳帝至京師入居大內九月壬申帝卽位於大明殿受諸王百官朝賀大赦詔曰洪惟我太祖皇帝混一海宇爰立定制以一統緒宗親各受分地勿敢妄生覬覦此不易之成規萬世所共守者也世祖之後成宗武宗仁宗英宗以公天下之心以次相傳宗王貴戚咸遵祖訓至於晉邸具有盟書願

守藩服而與賊臣鐵失也先帖木兒等潛通陰謀冒干寶位使英宗不幸罹於大故朕兄弟播越南
北備歷艱險臨御之事豈獲與聞朕以叔父之故順承惟謹于今六年災異迭見權臣倒刺沙烏伯
都剌等專權自用疎遠勳舊廢棄忠良變亂祖宗法度空府庫以私其黨類大行上賈利於立幼顯
握國柄用成其奸宗王大臣以宗社之重統緒之正協謀推戴屬於眇躬朕以菲德宜俟大兄固讓
再三宗戚將相百僚耆老以爲神器不可以久虛天下不可以無主周王遼隔朔漠民庶遑遑已及
三月誠懇迫切朕故從其請謹俟大兄之至以遂朕固讓之心已於致和元年九月十三日卽皇帝
位於大明殿其以致和元年爲天曆元年可大赦天下

元史文
宗紀

天曆二年春正月丙戌皇兄明宗卽皇帝位於和甯之北二月辛丑中書省議追尊皇妣亦乞烈氏
曰仁獻章聖皇后唐兀氏曰文獻昭聖皇后命有司具冊寶夏四月癸卯明宗遣武甯王徹徹禿中
書平章政事哈八兒禿來錫命立帝爲皇太子秋七月庚寅明宗崩帝入臨哭盡哀燕鐵木兒以明
宗后之命奉皇帝寶授於帝己亥帝復卽位于上都大安閣大赦天下詔曰朕惟昔上天啟我太祖
皇帝肇造帝業列聖相承世祖皇帝旣大一統卽建儲貳而我裕皇天不假年成宗入繼纒十餘載
我皇考武宗歸膺大寶克享天心志存不私以仁廟居東宮遂嗣宸極甫及英皇降割我家晉邸違
盟構逆據有神器天示譴告竟隕厥身於是宗戚舊臣協謀以舉義正名以討罪接諸統緒屬在眇
躬朕興念大兄播遷朔漠以賢以長曆數宜歸力拒羣言至於再四乃曰艱難之際天位久虛則朕

志弗固恐察大業朕雖從請而臨御秉初志之不移是以固讓之詔始願奉迎之使已遣尋命阿剌
忒納失里燕鐵木兒奉皇帝寶璽遠迓于途受寶卽位之日卽遣使授朕皇太子寶朕幸釋重負實
獲素心乃率臣民北迎大駕而先皇帝跋涉山川蒙犯霜露道里遠遠自春徂秋懷艱阻於歷年望
都邑而增慨徒御弗愼屢爽節宣信使往來相望於道路彼此思見交切於衷懷八月一日大駕次
王忽察都朕欣瞻對之有期獨兼程而先進相見之頃悲喜交集何數日之間而宮車弗駕國家多
難遽至於斯念之痛心以夜繼旦諸王大臣以爲祖宗基業之隆先帝付托之重天命所在誠不可
違請卽正位以安九有朕以先皇帝奄棄方新摧怛何忍銜哀辭對固請彌堅執誼伏闕者三日皆
宗社大計乃以八月十五日卽皇帝位於上都可大赦天下自天曆二年八月十五日昧爽以前罪
無輕重咸赦除之於戲戡定之餘莫急乎與民休息丕變之道莫大乎使民知義亦惟爾中外大小
之臣各究乃心以稱朕意冬十月丙申中書省臣言臣等謹集樞密院御史臺翰林集賢院奎章閣
太常禮儀院禮部諸臣僚議上大行皇帝尊諡曰翼獻景孝皇帝廟號明宗國言諡號曰護都篤皇

帝

元史文
宗紀

至順元年夏五月戊午帝御大明殿燕帖木兒率文武百官及僧道耆老奉玉冊玉寶上尊號曰欽

天統聖至德誠功大文孝皇帝是日改元至順

元史文
宗紀

三年秋八月己酉帝崩壽二十有九在位五年元統二年正月己酉太師右丞相伯顏率文武百官

等議上尊諡曰聖明元孝皇帝廟號文宗國言諡號曰扎牙篤篤皇帝請諡于南郊三月己酉祔于太廟後至元六年六月以帝謀爲不軌使明宗飲恨而崩詔除其廟

元史文宗紀

改元二

天歷

至順

天歷元年

即致和元年

寧宗冲聖嗣孝皇帝諱懿璘質班明宗第二子也母曰皇后乃蠻真氏明宗有子二人長安權帖木耳次卽帝也天曆二年二月乙己封帝爲郟王至順三年八月己酉文宗崩于上都皇后導揚未命申固讓初志傳位於明宗之子時安權帖木曰出居靜江帝以文宗眷愛之篤留京師太師太平王右丞相燕鐵木兒請立帝以繼大統冬十月庚子帝卽位于明明殿大赦天下詔曰洪惟太祖皇帝敢闢疆宇世祖皇帝統一萬方列聖相承法度明著我曲律皇帝入纂大統修舉庶政動合成法授大寶位于普顏篤篤皇帝以及格堅皇帝曆數之歸實當在我忽都篤篤皇帝扎牙篤篤皇帝而各播越遼遠時則有若燕鐵木兒建義效忠或平內難以定邦國協恭推戴扎牙篤篤皇帝登極之始卽以讓兄之詔明告天下隨奉璽紱遠迓忽都篤篤皇帝朔方言還奄棄臣庶扎牙篤篤皇帝薦正宸極仁義之至視民如傷恩澤旁被無間遠邇顧育眇躬尤篤慈愛資天之日皇后傳顧命於太師太平王右丞相答剌罕燕帖木兒太保浚寧王知樞密院事伯顏等謂聖體彌留益推固讓之初志以宗社之重屬諸大兄忽都篤篤皇帝之世嫡乃遣使召諸王宗親以十月一日來會于大都與宗王大臣同奉遺詔授諸成憲宜御神器以至順三年十月初四日卽皇帝位于大明殿可大赦天下十一月壬辰帝崩

年七歲明年六月己巳明宗長子安懼帖木耳卽位至元四年三月辛酉諡曰沖聖嗣孝廟號宣宗

四月乙酉祔于太廟

元史附完紀

順帝名安懼帖睦爾明宗之長子母罕祿魯氏名邁來迪郡王阿兒廝蘭之裔孫也延祐七年四月丙寅生帝于北方當泰定帝之崩太師燕鐵木兒與諸王大臣迎立文宗文宗旣卽位以明宗嫡長復遣使迎立之明宗卽位于和寧之北而立文宗爲皇太子及明宗崩文宗復正大位至順元年四月辛丑明宗后八不沙被讒遇害遂徙帝于高麗使居大青島中閱一載復移于廣西之靜江三年八月己酉文宗崩燕鐵木兒請文宗后立太子燕帖古思后不從而命立明宗次子懿璘只班是爲宣宗十一月壬辰寧宗崩燕鐵木兒復請立燕帖古思文宗后曰吾子尙幼安懼帖睦爾在廣西今年十三矣且明宗之長子禮當立之乃命中書左丞闕里吉思迎帝于靜江帝至京久不得立俄而燕鐵木兒死后乃與大臣定議立帝四年六月己巳帝卽位于上都詔曰洪惟我太祖皇帝受命于天肇造區夏世祖皇帝奄有四海治功大備列聖相傳丕承前烈我皇祖武宗皇帝入纂大統及致和之季皇考明宗皇帝遠居沙漠札牙篤皇帝裁定內難讓以天下我皇考睿天札牙篤皇帝復正宸極治化方隆奄輿臣庶今皇太后召大臣燕鐵木兒伯顏等曰昔者闕徹脫脫木兒只兒哈郎等謀逆以明宗太子爲名又先爲八不沙始以妬忌妄構誣言疎離骨肉逆臣等旣正其罪太子遂遷于外札牙篤皇帝後知其妄尋至大漸願命有曰朕之大位其以朕兒子繼之時以朕遠征南服以朕弟

二十四史通考卷之百一十一
先二百三十一
懿璘只班登大位以安百姓乃遷至大故皇太后體承札牙篤皇帝遺意以武宗皇帝之元孫明宗皇帝之世嫡以賢以長在予一人遣使迎還徵集室室諸王來會合辭惟載今奉皇太后勉進之篤宗親大臣懇請之至以至順四年六月初八日卽皇帝位于上都於戲惟天惟祖宗全付予有家慄慄危懼若涉淵水罔知攸濟尙賴宗親臣鄰交修不逮以底隆平其赦天下冬十月戊辰改元詔曰在昔世祖皇帝紹開丕圖稽古建元立經陳紀列聖相承恪遵成憲肆予冲人嗣大厯服茲圖治之云初嘉與民而更始乃新紀號誣告多方其以至順四年爲元統元年於戲一元運於四時惟裁成之有道大統綿於萬世思保佑於無疆

元史順帝紀

至元元年冬十一月辛丑下詔改元詔曰朕祗紹天明入纂丕緒于今三年夙夜寅畏罔敢怠荒茲者年穀順成海宇清謐朕方增修厥德日以敬天恤民爲務屬太史上言星文示儆將朕德菲薄有所未逮歎天心仁愛俾予以治有所告戒歟再災有道善政爲先更號紀年實惟舊典惟世祖皇帝在位長久天人協和諸福咸至祖述之志良切朕懷今特改元統三年仍爲至元元年通遵成憲誕布寬條庶格禎祥永綏景祚赦天下

元史順帝紀

至正元年春正月己酉朔改元詔曰朕惟帝王之道德莫大於克孝治莫大於得賢朕早歷多難入紹大統仰思祖宗付託之重戰兢惕勵于茲八年慨念皇考久勞于外甫卽大命四海厭望夙夜追慕不忘于懷乃以至元六年十月初四日奉玉冊玉寶追上皇考曰順天立道睿文智武大聖孝皇

帝被服袞冕裸于太室式展孝誠十有一月六日勉徇大禮慶成之請御大明殿受羣臣朝

元史順帝紀

二十八年秋閏月大明兵至通州知樞密院事卜顏帖木兒力戰被擒死之左丞相失列門傳旨令太常禮儀院使阿魯渾等奉太廟列室神主與皇太子同北行阿魯渾等卽至太廟與署令王嗣宗太祝哈刺不花襲護神主畢仍留室內丙寅帝御清寧殿集三宮后妃皇太子皇太子妃同議避兵北行失列門及知樞密院事黑厮宦者趙伯顏不花等諫以爲不可行不聽伯顏不花慟哭諫曰天下者世祖之天下陛下當以死守奈何棄之臣等願率軍民及諸怯薛歹出城拒戰願陛下固守京城卒不聽至夜半開健德門北奔八月庚申大明兵入京城國亡後一年帝駐于應昌府又一年四月丙戌帝因痢疾殂于應昌壽五十一在位二十六年太尉完者院使觀音奴奉梓宮北葬五月癸卯大明兵襲應昌府皇孫買的里八剌及后妃并寶玉皆被獲皇太子愛猷識理達臘從十數騎遁大明皇帝知順天命退避而去特加其號曰順帝而封買的里八剌爲崇禮侯

元史順帝紀

改元三元統

至元六

至正二

十八

右帝號歷年

成宗卽位尊太母元妃伯奇音濟齊瀉吉哩氏

裕宗之妃

爲皇太后大德四年崩諡曰裕聖皇后至大二年加諡徽仁

志保寧止有六年乾亨則有九年較正史多一年矣志中並不載崩於何月頗爲疏漏今皆於正

史會諸王百官議立定宗朝政多出於后至元二年崩追謚昭慈皇后升祔太宗廟此豈非定宗

所當尊為皇太后者乎定宗憲宗二朝本紀禮文未備無尊為太后之文惟憲宗二年正月紀有

皇太后崩四字邵經邦弘簡錄以為此乃憲宗生母莊聖皇后繼勒噶塔納奇味氏也憲宗元年

亦未嘗有尊生母為皇太后之文皆無可詳考又王圻續通考有世祖時尊后鴻吉哩氏為皇太

后一條考世祖初年紀文並無此事且世祖與憲宗同母乃奇味氏世祖徵伯爾皇后諾爾布星

后二人則皆鴻吉哩氏王圻所載誤甚故今所纂輯斷自成宗朝始續通考 帝系考

武宗即位尊太母元妃塔濟鴻吉哩氏為皇太后后為阿禪孫昆都特穆爾之女順宗 至大三年上

尊號曰儀天興聖慈仁昭懿壽元皇太后仁宗延祐二年加上尊號曰全德泰寧福慶皇太后英宗

即位尊為太皇太后加上尊號徽文崇祐至治二年九月崩謚曰昭獻元聖續通考 帝系考

謹按昭獻元聖皇后后妃傳書至治三年二月崩紀作二年九月崩今考紀文至治二年十二月

已有定謚太皇太后曰昭獻元聖之文是紀是而傳非矣續通考 帝系考 按語

英宗即位尊母鴻吉哩氏為太后續通考 帝系考

謹按此即仁宗莊懿慈聖皇后鴻吉哩氏也傳曰英宗即位上尊號為皇太后至治二年崩考英

宗紀延祐七年正月仁宗崩三月帝即位頒詔天下尊太后為太皇太后並無尊皇后為皇太后

之語八月祔仁宗聖文欽孝皇帝莊懿慈聖皇后於太廟其明年始改為至治元年則傳云至治

二年崩之謬明矣表云延祐七上年上尊謚與祔廟之事相符但傳中備載卽位時上皇太后尊號之冊文皆是生前崇奉之語其至治二上年上謚冊中有云爲天下母而養弗違履天子位而報則豐則又似未曾身爲皇太后者續通鑑綱目延祐七年七月旣並書尊皇太后爲太皇太后尊皇太后爲皇太后矣後止書太皇太后崩而皇太后崩失載邵遠平續弘簡錄載英宗嗣位尊爲皇太后之冊文與元史后妃傳無異然后妃傳止曰遣某官某奉冊上尊號而已弘簡乃備書儀天興聖慈仁昭懿壽元全德泰寧福慶之尊號此乃仁宗延祐三年加上順宗元妃爲皇太后之號而英宗卽位再加徽文崇祐尊爲太皇太后者也其誤滋甚王圻續通考不載此事當亦闕疑之意也第思后果未曾爲太后則必崩於仁宗朝而仁宗紀並未一書且后妃傳所載尊爲皇太后之冊文語似可據意者仁宗崩時后猶未崩曾有尊爲太后之事未幾卽崩距仁宗之崩不遠故於八月同祔太廟乎今據傳文書之而存其疑以俟考焉

續通考帝系考按語

宣宗卽位尊文宗皇后鴻吉哩氏爲皇太后順帝元統二上年上尊號曰贊天開聖徽懿昭宣至元元年八月詔議加禮乃議尊皇太后爲太皇太后加上尊號曰贊天開聖徽懿昭貞文慈祐儲善行慶福元六年六月撤文宗廟主詔去太皇太后尊號安置東安州尋崩

續通考帝系考

續通鑑綱目曰至元二年尊爲太皇太后許有王諫以爲非禮且言推恩之法近重而遠輕今尊皇太后爲太皇太后是推而遠之乃反輕矣監察御史台哈布哈率同列上章言嬭母不宜加徽

稱太后聞之怒欲役言者既而怒解曰風憲有臣如此豈不守祖宗之法乎命賜金幣以旌其直

續通考
帝系考

太祖光獻翼聖皇后名旭真鴻吉哩氏特薛禪女

后妃表作字兒台旭真太皇后

世祖至元二年追諡光獻武宗至

大二年加諡翼聖

續通考
帝系考

續弘簡錄曰太祖在沙漠時有哈刺赤散只兒朶魯班塔塔兒亦乞烈思鴻吉哩等部將合謀不

利於太祖太祖起兵盡誅之惟鴻吉哩入降賜名薛禪

本名特因從太祖起兵有功賜名薛禪故兼稱之薛禪猶言大賢也其子按

陳從太祖征伐有功賜號那顏

譯言國舅也元史后妃傳云賜號國舅封王爵以統其部族矣

約曰生女世爲后生男世尙公主

特薛禪傳曰每歲四時孟月號讀所賜旨世世不絕

以故諸后多出其族

續通考
帝系考

謹按后妃傳於光憲翼聖之諡皆云世祖二年十二月所上備載冊文而弘簡錄則曰據武宗紀

有至大二年追諡光獻皇后之文又有上莊聖皇后尊諡冊文體例正同且至元初百事草創未

聞有製冊之禮故於武宗紀而正之今考世祖至元二年十二月紀並無上諡之事武宗至大二

年本紀則大書之且元史后妃表固云至元二年追諡光獻至大二年加諡翼聖則傳文之訛甚

明邵氏之言得其實矣

續通考
帝系考按語

和拉袞皇后果勒濟雅坦皇后托果斯皇后特默倫皇后額琳沁巴勒皇后巴延呼圖克皇后呼實

罕妃子

右大鄂爾多

呼蘭皇后哈勒巴津皇后伊實琳沁皇后托歡徹爾皇后伊津妃子伊勒呼圖克妃子徹辰妃子哈喇沁妃子

右第二鄂爾多

伊蘇皇后和拉哈喇皇后阿齊蘭皇后圖勒古爾皇后撒爾皇后阿實克默色皇后鄂爾哲呼圖克皇后呼嚕古岱妃子呼魯古爾妃子拉拜妃子

右第三鄂爾多

伊蘇肯皇后瑋塔噶皇后哈達皇后鄂爾哲和斯皇后雅爾皇后托歡妃子鄂勒哲妃子金蓮妃子鄂勒哲台妃子納蘭妃子瑪爾沁妃子索隆噶妃

右第四鄂爾多

以上並編通考帝系考

巴拜岱妃子

見歲賜錄不知所守鄂爾多

續通考帝系考

謹按傳云后妃有四鄂爾多四十餘人不記氏族其名悉見於表今表中所列止三十九人豈尙有闕佚耶又考金史本紀宣宗貞祐二年奉衛紹王公主歸於大元太祖皇帝是爲公主皇后不

知是元史表中何后也

續通考帝系考按語

元初因其國俗不娶庶姓非此族也不居嫡選蓋有姬姜之遺意固可嘉也然其居則有曰鄂爾多之分沒復有繼承守宮之法位號之消名分之瀆則亦甚矣元史后妃表

太宗正宮巴喇噶沁皇后

弘簡錄無沁字

昭慈皇后托里格訥爾瑪錦氏

號六皇后

至元二年崩追諡昭慈續通考帝系考

憲按后妃傳六皇后崩於世祖至元二年追諡昭慈考世本紀后妃表皆不言六皇后崩年夫果

至元二年則書法不當云追諡疑傳文或有誤耳

續通考帝系考按語

昂輝二皇后克勒奇庫塔納三皇后塔納奇納六皇后額爾吉訥妃子

續通考帝系考

謹按憲宗紀曰太宗在潛邸養憲宗爲子屬昂輝皇后撫育之卽二皇后也憲宗二年紀文云遷

太宗皇后克勒奇庫納於庫騰所居地之西卽三皇后也但爾瑪錦氏旣號六皇后何以塔納奇

納又稱六皇后哉不可得而考矣表言額爾吉訥妃子係默呼之母

續通考帝系考按語

定宗欽淑皇后名烏拉海額實

后妃表止載此

定宗崩后以太宗嘗有旨以皇孫實勒們爲嗣抱之

垂簾聽政者六月諸王大臣皆不服議立憲宗憲宗二年后及實勒們母以厭禳事覺並賜死至元

二年追諡欽淑

憲宗呼爾察皇后果囉羅部人

貞節皇后名輝圖克台鴻吉哩氏阿禪之從孫孟克沁之女

表作阿禪從孫女

早崩至元二年追諡貞節

約索爾皇后貞節后之妹也出卑三皇后歲己未應宗九年從憲宗南伐七月憲宗崩九月后亦薨於六

盤莽齊呼圖克皇后泰定三年詔守巴圖爾營帳以上並續通考帝系考

謹按莽拉呼圖克皇后弘簡錄載之考憲宗長子封爲巴圖爾大王所云詔守巴圖爾營帳其卽

此乎但憲宗時至泰定帝三年己幾七十年考泰定帝紀亦無此支疑后妃表所載或誤今據書

之以俟考續通考帝系考按語

世祖太皇后名特古掄鴻吉哩氏濟寧忠武王阿禪裔孫托里女

右大鄂爾多續通考帝系考

徹伯爾皇后鴻吉哩氏濟寧忠武王阿禪諾延女中統初立爲皇后至元十年授冊寶十八年崩本

作十四年全以世祖紀及后妃表改正成宗卽位上尊諡曰昭睿順聖續通考帝系考

謹按后妃傳表皆載徹伯爾后授冊寶後尋上尊號曰貞懿昭聖順天睿文光應皇后弘簡錄亦

載之而存其疑曰世祖至元二十一年始受尊號而后以十八年崩恐無先受尊號之理今考傳

表所載尊號乃至元十二年羊臣欲上而帝不許者定屬誤載續通考帝系考按語

諾爾布皇后鴻吉哩氏納沁孫仙童之女至元二十年納爲皇后繼守正宮

右與徹伯爾后皆第二鄂爾多

塔喇海皇后諾木歡皇后

右第三鄂爾多

巴延烏珍皇后庫庫楞皇后

右第四鄂爾多

以上並續通考帝系考

巴拜哈斯妃子

見歲時錄不知所守鄂爾多

蘇喀達實皇后

奉定三年詔守世祖鄂爾多

薩巴罕妃子

成宗布爾罕皇后巴約特氏駙馬托里和斯之女貞元初立為皇后大德三年授冊寶大德十年后

謀貶順宗妃塔濟與其子仁宗往懷州明年成宗崩后謀立安西王阿南達實哩

亦作阿南達無實哩二字仁宗

自懷州入清宮禁誅安西王并構后以私通事出居東安州賜死

克勒奇庫塔納皇后

武宗宣慈惠聖皇后名珍格鴻吉哩氏托里子班巴爾之女至大三年冊為后奉定四年崩諡曰宣

慈惠聖

蘇喀實哩皇后鴻吉哩氏阿禪從孫哈爾吉之女珍格皇后之從妹也又有鄂勒哲岱皇后

妃伊奇哩氏世宗子安西王莽噶拉之女所出

傳作紐倫公主之女公主即莽噶拉女

生明宗天歷二年追諡仁獻章

聖皇后至正六年改諡莊獻嗣聖唐古氏生文宗天歷二年追文獻昭聖皇后

仁宗莊懿慈聖皇后名阿南達實哩鴻吉哩氏生英宗皇慶二年三月冊為皇后

期年未詳說見前皇太后門諡

曰莊懿慈聖

達爾瑪實哩皇后

英宗莊靜懿聖皇后續表名蘇喀巴拉伊奇哩氏昌國公主伊勒噶雅女至治元年冊爲后泰定四

年崩諡曰莊靜懿聖

雅本呼圖克皇后多爾濟巴勒皇后

泰定帝巴拜哈斯皇后瀉吉哩氏阿禪探鄂爾徹爾之女表作邁宗泰定元年冊爲后文宗天曆初

徙居樂定州呼喇皇后伊蘇皇后布延庫哩頁額實皇后實喇特穆爾皇后塔納皇后又有額琳沁

巴拉皇后昌國公主伊勒噶雅女也又有薩都巴拉皇后弘簡錄帝姊壽寧公主女也泰定三年六

月納於中宮早卒以上並續通考帝系考

右皇太后皇后

元太祖六子三爲太宗餘五人長卓池太子早薨次二察罕台太子次四睿宗圖類次五皇拉齊次

六科爾戩太子圖類太宗同母弟太祖崩後監國者踰年太宗壬辰歲薨其子憲宗世祖相繼爲

帝憲宗初立追諡英武皇帝世祖至元十一年改諡景襄廟號睿宗續通考

太宗七子長爲定宗餘六人次二庫騰太子次三庫春太子太宗八年薨次四哈喇徹爾王次五哈

斯大王次六哈坦大王次七默呼大王續通考

弘簡錄曰至元二年分四親王南京屬州鄭州隸哈坦鈞州隸明琦睢州隸博囉齊蔡州隸海都

蓋皆太宗子孫博囉齊乃庫春之孫海都乃哈斯之子而明塔應即默呀音相通也

續通考
帝系考

宗室世系表曰按憲宗紀有云太宗以子裕隆不材故不立為嗣今考經世大典帝系篇及歲賜

錄並不見裕隆名故不敢列之世表

續通考
帝系考

謹按今元史憲宗紀無此文表中所引當是元代國史

續通考
帝系考按語

宗三子長呼察大王次二諾果太子次三和和大王

憲宗五子長巴爾圖大王次二烏蘇岱大王次三玉隆哈寶大王次四河平王錫里濟次五瑣都

世祖十子長多爾濟王次二裕宗皇帝珍噉次三安西王莽噶拉至元十七年薨次四北安王諾木

罕大德五年薨次五雲南王和克齊至元八年薨次六阿呀噶齊大王次七西平王鄂囉齊次八靈

王庫庫楚皇慶二年薨次九鎮南王托歡大德五年薨次十和搭拉特穆爾王

按世祖諾爾布皇后
傳云有子一人名特

默齊表中不
載不可詳考珍噉世祖嫡子至元十年立為皇太子後世祖春秋高南臺御史請內禪帝震怒太子

憂懼得疾薨帝追悔諡明孝太子其次三子成宗即位追諡文惠明孝皇帝廟號裕宗長子噶瑪拉

至元中出鎮北邊封梁王進晉王大德六年薨泰定帝即位追尊元聖仁孝皇帝廟號顯宗文宗時

毀其廟室次子達爾瑪巴拉至元二十九年薨武宗即位追諡昭聖行孝皇帝廟號順宗

成宗一子德壽大德九年立為皇太子未幾薨

仁宗二子長為英宗餘一人安王溫都遜布哈英宗即位後被殺

泰定四子長阿爾濟雅巴泰定元年立爲皇太子泰定帝崩丞相都爾蘇立以爲帝齊王伊嚕特穆爾舉兵圍上都都爾蘇奉之出降後不知所終次二晉王巴特瑪雅爾藏布次三蘇蘇太子次四允丹藏布太子俱早薨

以上並續通
考帝系考

右皇子

二十四史九通政典類要合編卷二百三十八

元二

封建 諸王表 同姓封建 異姓封爵 不辨同異
姓諸王 外戚封建 繙流封爵 乳保封爵

元興宗室駙馬通稱諸王歲賜之頒分地之入所以盡夫展親之義者亦優且渥然初制簡朴位號無稱惟視印章以為輕重厥後遂有國邑之名而賜印之等猶前日也得諸掌故具著于篇作諸王表

金印獸紐

金印螭紐

并

見火帖木兒雅定三年肅宗至德封

承豐

世漢駙馬慶元年封詔改封安遠王

燕 真金中統二年封至元十四年而為皇太子

安西 帖兀利至元九年封出鎮長安阿難答至元十七年襲封大德十一年

王

脫脫木兒雅定三年封天曆元年立為皇帝

郡王

安德 不答失里皇慶二年封

王 阿剌答魯納天歷二年封三年汪為皇太子其年薨

王 年諱月魯帖木兒至治三年封

懷

脫脫木兒雅定三年封天曆元年立為皇帝

王

秦 德壽初至元十年詔安西王益封秦王別賜金印其符在長安舊其安西在六

北安 那木罕至元十九年賜印大德五年襲位七年賜諡昭定

王

阿忒思納失里天曆元年封

永寧

小額帖木兒 卯遷至順元年封

王 至印額阿難答既為安西王其妻王印宜上之然其後復稱秦王可魯答

鎮 脫脫木兒二十一年封出鎮揚州十二年奉旨定安南大德五年襲

王

寬徹天曆二年封

王

晉 封麻刺至元二十九年由梁王改封出鎮大野察為元金裏察武節顯宗也

南 老童大德五年襲封 脫不花 年襲封

王

寬徹天曆二年封

汾陽

別帖木兒延祐七年封

也探帖木兒大德六年襲封至治二年立為皇帝

王 帖克溫 襲封大德元年封 魯羅不花天曆二年襲封

王

寬徹天曆二年封

王

王 八的麻赤兒聞 泰定元年封天曆元年襲子上都

懷遠 海山大德八年封出鎮海州十年立為皇帝

郊

徹徹克至順三年由武寧王封

威遠

巴都帖木兒至治三年封

封建

一約雅堂藏板

梁 其孫則至元二十七年封出於北南二
十九年改封晉王
王
王
王

北宣 逃里野兒不花大德十一年封
至大二年改封湘宣王
王
王
王

越 年帥與太平王燕帖木兒之子和林
兵敗身歿
王
王
王

湘宣 逃里野兒不花至大二年改封
八刺失里至道年襲封
王
王
王

營 其孫帖木兒大德十一年與雲南王進
封
陽翟 秀滿至大元年封
典春
慶
昭武 合伯帖馬大德十一年封
王
王
王

王 帖木兒亦
王
王
王

鄒 蓋吉帖馬由北平王進封
世孫帖馬至大元年襲封
雲陽
潘 高麗至順大德十一年以驛馬封
高麗王至憲德六年以驛馬襲封
王
順陽 亦都魯不花至德七年西遷至隆封驛馬
王
王

王 恩平 塔思不花至大四年封
無國 按只吉歹大王
延安 也不干
王
王
王

王 阿剌赤
王
名者
濟寧 雙子白駒馬後遷封魯王
王
王

齊 八爪沙大德十一年封
王龍帖木兒 年出臣王改封
北平 蓋吉帖馬 封後遷封
鄒馬 王謙至元年封
王
王
王

王 月魯帖木兒 德定元年封
王
高麗 關里吉思帖馬
王
王

楚 鄂魯帖木兒至大二年封延祐二年改
泉帖木兒至大二年封延祐二年改
安遠 丹漢帖馬 德定元年改封
國王
高唐
王
王

王 八都兒
王
緬國
王

王 八都兒
王
緬國
王

唐昭大德十一年由威武置王進封
博德里延祐七年襲封

汝寧 齊八兒延祐元年封
忽刺魯泰定元年襲封

王

高昌 魏林所置延祐三年封
帖木兒普化至治三年封天德二年襲其弟

王

安南

陳光嗣

王

魏天德二年襲封
太平奴至順三年封

濟 桑納納大德十一年封曼慶元年改封
曼聖

宣德 不美里曼慶二年封

國王

自蘭

瑛南獻主至治元年封後出家
泰定四年遷徙他處

王

王

金鏡銀印駝紐

王

魏 阿木哥
完德哲木兒

文濟 慎子

西平

奧魯赤至元年封
八刺麻力

無

也速不夜至元年賜印
五羅者失大至元年三年賜印

王

王

王

普不八

國

帖失帖木兒至大德二年
南木忽里至大元年

魯 魯魯由濟至運封
阿不剌馬大德十一年襲封

保恩 訶帖木兒延祐二年封
年進封

鎮西

帖木兒至大德元年封
柳惠班

邑

帖木兒至延祐二年
察元都兒王至祐四年

王

王

武靖

名

八八刺大至延祐元年
則失帖木兒至泰定元年

定 藥不剌失至大元年封定遠進封
薛魯至治三年封

武宣 徹徹先泰定三年封至德二年進封
都正

王

宣遠

徹徹先至大德十一年進封至
徹徹先至大德七年封十一年進封王

龐 大耶撒至大元年封
忽魯牙

威順 夜敵可尼 年賜金印

王

雲南 忽魯牙至元五年封出巡雲南
王至治七年封泰定元年進封

王

王

王

威順

帖木兒先泰定元年襲封

王

趙 志烈至大元年封
阿魯克 延祐六年封

威靖 火里元察均喇均泰定進封也素
定二年封

王

威順 寶魯化泰定三年封金鏡印
寶魯化

王

王 馬札罕明馬泰定元年封

王

宣靖

寶魯化三年由泰國王傳封
鎮益都

王

嘉 嘉火帖木兒延祐四年封後襲封
升王

西安 阿以納答夫至天德九年封

王

靖遠 合寶至元十七年

王

王 火兒忽
殺宜 阿都赤泰定三年封
定遠 葉木忽兒大德二年封

荆 也速不堅
宣讓 帖木兒不花天曆三年由額爾齊斯王改封
王 王
肅遠 帖木兒不花至元二十八年封

王 脫火赤
王 王
靖安 闊不花泰定四年封
肅遠 帖木兒不花至元二十八年封

昌 忽魯附馬
西宜 忽魯里迷失天曆二年封
王 王
鎮東 也失鐵木兒至元二十八年封

王 八刺失附馬
王 廣平 水刺忽魯附馬
鎮東 帖木兒不花至元二十八年封

衛 完達至三年由新安王遷封
柳城 亦魯真八天曆三年封
王 王
泰宜 買合魯四年封泰定三年從封買合魯王
亦速魯多兒加泰定元年封

王 買合魯至三年封
王 靖恭 脫魯忽魯至元元年封
王 泰宜 買合魯四年封泰定三年從封買合魯王
亦速魯多兒加泰定元年封

王 西靖 阿魯至元元年封
王 懿德 沙藍兒魯附馬至元元年封
無國 定遠大王 年賜印大德九年

吳 朵列魯王慶元年由濟王遷封
廣宜 必都中統三年封至元十三年賜印
王 王
邑 無國 封衛安王

王 廣陽王
王 寧海
王 邑

壽 脫魯山
保宜 幹即天統二年封
王 王
銀印龜紐

王 乃蠻歹至大元年封
王 南平 先制至元九年封仍賜金銀符各五

周 木失刺延祐二年封天曆元年去為
無國 移相哥大王 年賜印
王 王

王 邑名
廣宜 必都中統二年封
王 求豐 字魯

安 元都思不廷祐二年封王
唐高祖孫

金印駝紐

王

郡王

王

河間

元百福至九年封

建昌

廣昌

元百福至九年封
不備言

遼

元百福至九年封
牙納失宜

王

王

郡王

王

河平

元百福至九年封

無

元百福至九年封
齊金時

宣宣

元百福至九年封
阿保城元百福至九年封

冀

元百福至九年封

王

名

元百福至九年封
伯帖木兒大王

郡王

王

雲南

元百福至九年封

國

元百福至九年封
亦思丹至四年封

懷仁

恩

元百福至九年封

王

邑

元百福至九年封

郡王

王

濟南

元百福至九年封

保德

岐

元百福至九年封

王

郡王

王

威武

元百福至九年封

寧漢

西寧

郡王

王

駙馬

元百福至九年封

鎮寧

元百福至九年封

濮陽

王

王

衛安

元百福至九年封

無

元百福至九年封

王

威定

藥木忽爾大德九年申世運王通封

王

窩肅

脫脫大元年封

王

襄寧

也速不干里大元年封
阿魯克

王

安南

迭哥兒不花里大四年封

王

武陽

王

安定

桑兒只城
脫脫大元年封

王

國

忙里牙那至元十一年
何澤帖木兒王

邑

完者不干王
藥木忽爾大王

名

命必赤大王
八八大王延祐四年詔以世祖所賜印賜其子

者

命質帖木兒王
忽都魯帖木兒王

出信大元至元二十五年賜封威武烏魯王
昌高斯魯拔密魯魯魯王

岳魯孫至大德二年賜印

元史諸王表

右諸王表

元太宗八年七月詔以中原諸州民戶分賜諸王貴戚

憲宗二年七月詔以中州封同姓

憲宗六年春定擬諸王歲賜錢穀

食貨志曰元制凡諸王及后妃公主皆有食采分地其路府州縣得薦其私人以爲監秩祿受命如王官而不得以歲月通選調其賦則五戶出絲一斤不得私徵之皆輸諸有司視所當得之數給與之其歲賜則銀幣各有差始定於太宗之時而增於憲宗之日及世祖平江南又各益以民戶時科差未定每戶折支中統鈔五錢至成宗復加至二貫其親親之義若此可謂厚之至矣至於勳臣亦然又所以大報功也

以上續通考封建考

謹按元史世表係以各帝之子孫悉按其支分派別爲之敘列庶便觀覽其宗室惟伯勒格台卓沁太子越王圖喇楚王伊克圖威順王庫春布哈淮王布哈特穆爾六人有傳餘概無傳其事跡之湮沒者不知凡幾邵遠平續弘簡錄以宗室系屬合爲一卷然亦止據紀傳中所可徵者而彙集之非能別有所增益也今本元史與邵氏書互爲參訂其所缺畧不可得而他求矣

續通考封建考按

寧海王巴圖爾

表作巴圖爾

始祖之裔達爾札之四世孫

封年未詳

王名見延祐五年三月紀

續通考封建考

按

謹按世系表始祖之裔有達爾札之孫寧海王庫庫楚

世系表誤作寧王今從諸王表改正

庫庫楚之孫別有寧海

王伊蘇瑪勒寧海王巴圖爾寧海王阿哈二人諸王表亦列其名而封爵之年俱缺雖巴圖爾之

夕名偶見於延祐五年之紀錄則絕無可徵故事書巴圖爾而以餘人附見焉續通考封建考按

益王邁努達爾札之五世孫泰定帝初立封泰寧王以泰寧縣五千戶爲食邑三年封宣靖王鎮益

都順帝至元二年二月進封益王至正十七年毛貴陷益都邁努遁續通考封建考

謹按泰定紀英宗南坡之變諸王邁努自拔逆黨逃赴晉邸故封泰寧王至泰定元年三月泰寧

王邁努卒以其子額琳沁多爾濟嗣至三年正月並書封諸王庫春布哈爲威順王鎮湖廣邁努

爲宣靖王鎮益都順帝紀至元二年進封宣靖王邁努爲益王邵經邦弘簡錄以表中由泰寧進

封宣靖之語直斷泰定元年三月之紀爲誤未爲無見第史中凡改封進封之事皆本其原封之

爵書之其初未有封號者則僅書諸王今泰定三年之紀並不云改封泰寧王爲宣靖王而直以

諸王貫之則疑封泰寧封宣靖者或是一人且凡紀中所載有封號諸王其失載於世系諸王二

表中者頗爲不乏或別有一邁努而表中之文反爲錯誤未可定也今以世系表中又並無邁努

子額琳沁多爾濟之系睿宗子錫里庫大王之子有額琳沁多爾濟王與此名相似然紀表中皆不見其事蹟而邵氏著書時或更有所考

故姑據之而存其疑亦以見尙論之宜慎焉續通考封建考按

太祖叔達爾札官人位歲賜銀三十錠段一百四五戶絲丙申年分撥寧州一萬戶延祐六年實有

四千五百三十二戶計絲一千八百一十二斤江南戶鈔至元十八年撥南豐州一萬一千戶計鈔

四百四十錠續通考封建考

以上系出始祖

齊王班布爾實烈祖次子柴濟薩哈勒大王之裔大德十一年七月時武宗已即位封齊王

齊王伊嚕音時穆爾柴濟薩哈勒之裔據表是班布爾實之孫延祐三年七月封保恩王賜金印進封恩王又

改齊王

齊王嚕特穆爾伊嚕音特穆爾子延祐六年封恩王給印泰定三年七月嗣封齊王賜金印紀於次年七月

又觀書文宗天厯二年薨以上續通考封建考

謹按順帝至正十二年八月有齊王實勒們獻馬事不知即以上齊王諸人之系否無可詳考續通

考封建

太祖弟柴濟薩哈勒大王淄川王位淄川王惟見於食貨志而紀表皆無考淄與齊同一地當歲賜

銀一百錠段二百匹五戶絲丙申年分撥般陽路五萬四千九百九十三戶延祐六年實有七千九

百五十四戶計絲三千六百五十六斤江南戶鈔至元十三年分撥信州路二萬戶計鈔一千二百

錠

吳王圖烈納烈祖第三子和實袞大王之孫大德十一年七月時武宗已即位封齊王仁宗皇慶元年正月

改封吳王

吳王瑪納濟和實袞大王之曾孫初封濟陽王文宗至順元年徙封吳王

濟陽王普爾普圖烈納之子初封吳王文宗至順元年徙封濟陽王以上續通考封建考

謹按文宗紀云徙封濟陽王瑪納濟為吳王吳王普爾普為濟陽王事在至順元年三月但以前大厯二年二月已有稱瑪納濟為吳王之文且其初封濟陽王之事紀又不載史中之闕訛多矣表以瑪納濟普爾普為兄弟行而天厯二年八月本紀又有徵吳王普爾普及其諸父瑪納濟赴

京師之文輩行亦不盡符皆無可詳訂

續通考封建考按

濟南王星納噶爾和實袞大王之裔世祖至元二十四年十月封

續通考封建考

謹按至元二十四年紀曰僧格言諸王星納噶爾印文曰宜姪貴宗之寶寶非人臣所宜用因其分地改為濟南王為宜從之則星納噶爾之初封為濟南王明矣諸王表中於濟南王位下不載星納噶爾而專書伊勒濟至元二十四年封與紀不合王圻本又載和實袞之子昂吉濟達至元二十四年封濟南王諸王表亦有濟南王昂吉濟達之名而無封年不知何所據而云二十四年

封也

續通考封建考按

西寧王和塔拉默色和碩袞大王之裔

表作吳王瑪納濟之子

文宗天厯二年封

文宗紀天厯二年二月有西寧王和塔拉默色之文不言

封冊事今據表書續通考封建考

謹按文宗紀天厯二年十二月有給圖王呼圖克台默色王傳印之事世系表無此人諸王表圖王位下亦無之考西寧王和塔拉默色是年二月封與此名字相類而次年三月又封諸王斯隆

瑪為西寧王以此參度疑和塔拉默色由西寧進封

如幽王徽伯爾由威武西寧王進封之類

次年又別封斯隆瑪

為西寧王未可知也西寧王和塔拉默色為烈祖第三子和實衮之四世孫斯隆瑪表作色埒默

為烈祖第四子特默格鄂齊錦之四世孫輩行正齊但支派微別且附錄於此未敢臆斷

續通考封建考

按

太祖弟和實衮大王子濟南王位歲賜銀一百錠綿六百二十五斤小銀色絲五千斤段三百匹羊

皮一千張五戶絲丙申年分撥濟南路五萬五千二百戶延祐六年實有二萬一千七百八十五戶

計絲九千六百四十八斤江南戶鈔至元十八年分撥建昌路六萬五千戶計鈔二千六百錠

續通考封

建考

謹按歲賜錄有哈坦大王位五戶絲戊午年分撥濟南漏籍二百戶延祐六年實有一百九十三

戶計絲七十七斤一條考世系表中有二哈坦一為太宗子已別著其歲賜之數則此哈坦似當

為和實衮之孫

世系表亦作哈坦

但史言哈坦從納延為叛屢入寇不當仍有歲賜且世系表以濟南王

星納噶爾為其孫歲賜錄已有和實衮子濟南王位下一條何又有此終不能辨其為何系也

又按歲賜中有鄂爾根徹爾大王位下五戶絲丁巳年分撥廣平三十戶延祐三年實有五戶計

計絲二斤一條鄂爾根徹爾世系表中無考不知何系類志於此

以上續通考封建考按

壽王奈曼台烈祖第四子特默格鄂齊錦之曾孫武宗至大元年七月封

遼王托克托奈曼台之孫仁宗延祐三年封封年據表書紀文無考泰定帝崩後托克托附丞相都爾蘇上都

破時被殺以上續通考封建考

謹按文宗紀天祿二年八月封雅爾爾實哩為遼王以故遼王托克托印賜之考世系表中失載

此人不知其何系續弘簡錄亦載之疑即托克托之後續通考封建考按

西寧王斯隆瑪特默格鄂齊錦之裔文宗至順元年二月封

壽王托里齊特默格鄂齊錦之子名號見文宗至順二年紀封年未詳

太祖弟旺沁諾延位歲賜銀一百錠綿五千九十八斤段三百匹諸物折中統鈔一百二十錠羊

皮五百張金一十六錠四十五兩五斤絲丙申年分撥益都路等處六萬二千一百五十六戶延祐

年實有二萬八千三百一戶計絲一萬一千四百二十五斤江南戶鈔至元十八年分撥建寧路七

萬一千三百七十七戶計鈔二千八百五十五錠

廣寧王卓多烈祖季子伯勒格台之孫世宗中統三年封至元十三年賜駝紐金鍍銀印以上續通考封建考

謹按廣寧封年紀文無考世祖紀云中統三年正月賜廣寧王卓多駝紐金鍍銀印至至元十三

年三月又書賜郡王卓多銀印同為銀印前後兩賜疑有誤諸王表則書中統三年封至元十三

年賜印與伯勒格台傳合得其實矣

又按伯勒格台傳曰伯勒格台太祖時以腹心遇嘗立為國相又長扎爾固齊別授之印世祖至

元九年二月詔扎爾固與火齊乃太祖開創之始所置位百司右賜銀印立左右司即伯勒格台

之所部也此雖無國號而實元初封建之制故追錄於此以上續通考

廣寧王徹爾特穆爾伯勒格台之曾孫封年未詳

廣寧王阿固察徹爾特穆爾之子文宗至順元年七月封賜金印以上續通考

謹按順帝紀至正十三年九月廣寧王呼圖克特穆爾薨十四年正月命特穆爾布哈襲封當即

阿固察之後但世系諸王二表皆無可考續通考按

定王色徹肯伯勒格台之曾孫至治三年封續通考

謹按泰定紀即位之十二月時尙稱至治三年書授諸王色徹肯以其父故金印不言封定王事表則書

至治三年封當是泰定初封也續通考按

定王徹爾台色徹肯子泰定四年封封年僅據表書紀文無考

太祖弟巴勒噶岱大王子廣寧王位巴勒噶岱即別里古台歲賜銀一百錠段三百匹五戶絲丙申年分撥恩

州一萬一千六百三戶延祐六年實有二千四百二十戶計絲一千三百五十九斤江南戶鈔至元

十八年分撥鉛山州一萬八千戶計鈔七百二十錠

呼喇濟大王世系表作呼喇齊五戶絲丁巳年分撥廣平等處一百五十戶延祐三年實有八十七戶計絲

三十四斤以上續通考

二約准

謹按呼喇濟未見國邑之號故考中不載以其亦為伯勒格台之孫故附錄於此續通考封建考按

以上系出烈祖

寧肅王托克托太祖長子卓沁太子之子武宗至大元年封據表書紀文無考二年十一月賜金印續通考封建考

謹按卓沁傳曰國初以親王分封西北其地極遠去京師數萬里駟騎急行二百餘日方達京師

以故其地郡邑風俗皆莫得而詳焉此亦封建之得其實者第無王號耳續通考封建考按

肅王庫春托克托之子文宗天祿二年封

太祖長子卓沁大王位歲賜段三百匹常課段一千匹五戶絲丙申年分撥平陽四萬一千三百二

戶戊戌年眞定晉州一萬戶江南戶鈔至元十八年分撥永州六萬戶計鈔二千四百錠

究王邁珠韓太祖第二子察罕台之曾孫武宗至大三年十月封

威遠王呼圖克特穆爾察罕台之曾孫英宗至治三年七月封金印以上續通考封建考

謹按世系表書呼圖克特穆爾之父為威遠王阿濟格今以紀文無考諸王表威遠王位下亦止

書呼圖克特穆爾一人故不列續通考封建考按

越王圖喇察罕台之裔大德十一年七月時武宗已即位封賜金印以越州路為分地至大二年二月以罪

賜死續通考封建考

初仁宗之入也阿固台有勇力人莫敢近諸王圖喇實手縛之以功封越王哈喇哈斯力爭之曰祖

宗之制非親王不得加一字封圖喇疏屬豈得以一日之功廢萬世之制哉不聽

元史哈喇哈斯傳

豫王喇特納實哩越王圖喇子初封西安王

表作天厯元年封考泰定帝初崩時已有西安王之號疑封年尚在前也

文宗天厯元年十

二月進封豫王賜南康路爲食邑二年正月賜黃金印十一月以其有功并以其父越王圖喇印與

之出鎮雲南至順元年五月遣鎮西番賜金印

續通考封建考

文宗至順二年四月中書省言越王圖喇在武宗朝以紹興路爲食邑歲割賜本路租賦鈔四萬錠

今其子襲王爵宜歲給其半從之

元史文宗本紀

謹按順帝至正十三年以喇特納實哩已爲豫王其弟達爾瑪討賊有功以西安王印與之命鎮

成格勒之地止言與印未言卽封爲西安王表於西安王位下亦無達爾瑪名故不列

續通考封建考按

太祖次子察罕台大王位

察罕台卽察合台

歲賜銀一百錠段三百匹綿六百二十五斤常課金六錠六兩

五戶絲丙申年分撥太原四萬七千三百二十戶戊戌年眞定深州一萬戶延祐六年實有一萬七

千二百一十一戶計絲六千八百三十八斤江南戶鈔至元十八年分撥澧州路六萬七千三百二

十戶計鈔二千六百九十三錠

喇特納實哩豫王天厯元年分撥江南行省南康路

靖遠王哈達

表作格藏

太祖之裔睿宗

睿宗爲太祖第四子

第六子錫里庫之後世祖至元二十七年正月賜塗金

銀印

廣平王哈喇班第亦錫庫之後

諸王表於廣平王位下止載二人無此人名

幽王徹伯爾哈喇班第之子世祖至元二十年賜印

時僅稱諸王

成宗大德八年十二月封威武西寧王

賜金印十一年進封幽王

進封事紀文不載今表書

幽王納古爾徹伯爾之子

武宗至大元年十一月賜諸王納獸古哩金印當即納古爾先賜印也

襲父封

封年未詳續通考封建考

以上

謹按諸王表云延祐七年襲封續弘簡錄亦同今考仁宗皇慶二年六月紀已有幽王納古爾之

文後亦屢見則其非遲至延祐七年襲封審矣故闕之又按明史洪武十三年五月濮英進兵齊

勤站獲故元幽王額琳沁此當即徹伯爾納古爾之後但世系人名皆無可考

續通考封建考按

睿宗子實喇大王位歲賜銀一百錠段三百匹五戶絲丁巳年分撥彰德路二萬五千五十六戶延

祐六年實有二千九百二十九戶計絲二千二百一斤

定王永和爾太祖之裔睿宗第七子額喀布格之孫成宗大德二年正月封定遠王賜金印九年六

月徙封威定王賜金印武宗至大元年六月進封定王賜金印

以上續通考封建考

謹按世系表額喀布格之子威定王裕木和爾紀文無考諸王表於威定王位下止書永和爾疑

卽一人也第子與孫則互異

續通考封建考按

翼王博羅額喀布格之孫世祖至元十三年七月賜印

時尙稱諸王

成宗大德十年二月封鎮寧王賜金

印仁宗延祐四年閏正月進封翼王

世祖成宗仁宗紀參世系諸王表

鎮寧王諾海亦額喀布格之孫武宗至大三年封封年據諸王表紀文無考

魏王巴延世系表作額諸王表作羅特穆爾亦額喀布格之孫封年紀表皆無考

太祖第四子睿宗子額喀布格大王位歲賜銀一百錠段三百匹五戶絲丙申年分撥真定路八萬

戶延祐六年實有一萬五千二十八戶計絲五千一十三斤江南戶鈔至元十八年分撥撫州路一

十萬四千戶計鈔四千一百六十錠

楚王伊克圖太祖之裔睿宗第八子博綽之孫世宗至元二十七年封鎮遠王賜塗金銀印成宗大

德十一年時武宗已即位進封楚王賜金印封鎮遠王事表作二十一年今從續弘簡錄

楚王圖烈博穆爾伊克圖之子武宗初襲封鎮遠王伊克圖薨仁宗命襲封楚王延祐中以明宗出

封兵變事坐累徙西番明宗即位詔復封楚王

楚王巴圖爾圖烈特穆爾之子封年無考以上續通考封建考

謹按伊克圖傳云巴圖爾薨其子雅克特穆爾嗣封楚王時年十一諸王表中不載紀亦無考附

志於此續通考封建考

睿宗子博綽大王位歲賜銀五十錠段三百匹五戶絲丁巳年分撥真定蠡州三千三百四十七戶

延祐六年實有一千四百七十二戶計絲六百一十二斤江南戶鈔至元十八年分撥耒陽州五千

三百四十七戶計鈔二百一十三錠

永寧王巴延特穆爾太祖之裔睿宗第九子默格之曾孫

封年無考 續通考封建考

謹按諸王表於永寧王位下書巴延特穆爾之名而缺其封年紀文中亦無可考惟英宗至治三

年七月有永寧王布木特穆爾為不法事當即此一人也

續通考封建考按

睿宗子默格大王位歲賜銀五十錠段三百匹五戶絲丁巳年分撥河南府五千五百五十二戶延祐六年實有八百九十戶計絲三百三十三斤江南戶鈔至元十八年分撥茶陵州八千五百二十二戶

計鈔三百二十四錠

荆王伊蘇伯奇太祖之裔睿宗第十子蘇都勒格之後泰定帝元年九月封荆王賜金印

以上續通考封建考

荆王托克托穆爾蘇都勒格之後順帝至元元年閏十二月詔襲封荆王賜金印

謹按世系表以托克托穆爾為蘇都勒格之孫伊蘇布奇為托克托穆爾之子諸王表於荆王位

下先列伊蘇伯奇次列托克托穆爾俱無封年今考一在泰定帝時封一在順帝時封年分迴分

先後則必托克托穆爾為伊蘇伯奇之子世系表中誤為顛倒耳以他處無明文可據故統書作

蘇都勒格之後又表中更列托和齊一人考托克托穆爾於至元元年受封而三年十一月又詔

托克托穆爾襲托和齊荆王位則托和齊之封當在順帝至元之前可知矣又按順帝至正十四

年五月有命荆王達爾瑪實哩鎮河西之事表中荆王位下無此人名世系表亦無之不可考其

何系 續通考封建考按

睿宗子蘇都勒格大王位五戶絲壬子年撥濟南等處五千戶延祐六年實有五十戶計絲二十斤

河間王烏嚕克岱太祖第六子科爾噶之後世祖至元二年二月賜印以上續通考封建考

謹按諸王表云烏嚕克岱至元二年封河間王世系表則又書河間王呼察二表不符考呼察為

科爾噶之子呼察之子曰呼嚕古岱當即烏嚕克岱襲其父之河間王封者也呼察封事紀文無

考故以烏嚕克岱賜印之事為據續通考封建考按

安定王托歡科爾噶之裔仁宗皇慶二年八月封賜金印

安定王多爾濟巴勒托歡之子爵名見泰定二年紀封年無考

太祖第六子科爾噶太子子河間王位歲賜銀一百錠段三百匹五戶絲丙申年分撥河間路四萬

五千九百三十戶延祐六年實有一萬一百四十戶計絲四千四百七十九斤江南戶鈔至元十八

年分撥衡州路五萬三千九百三十戶計鈔二千一百五十七錠以上續通考封建考

以上系出太祖

汾陽王拜特穆爾太宗第二子庫騰太子之孫仁宗延祐四年閏正月封表作七年疑誤

荆王伊蘇額布根汾陽王拜特穆爾之子封年無考續通考封建考以上

謹按此僅據世系表書之也諸王表荆王位下列伊蘇伯奇托克托穆爾托和齊三人無伊蘇額

布根之名惟泰定四年紀有岐王索諾木袞布訴荆王伊蘇額布根事稍有可徵第其時去伊蘇

伯奇之封荆王不遠豈同時有二荆王耶

續通考封
建考按

太宗子庫騰太子位歲賜銀一十六錠三十三兩段五十匹五戶絲丙申年分撥東京路四萬七千七百四十一戶延祐六年實有一萬七千八百二十五戶計絲三千五百二十四斤江南戶鈔至元十八年分撥常德路四萬七千七百四十戶計鈔一千九百九錠

靖遠王哈達襄寧王鄂爾和皆太宗第三子庫春太子之曾孫

封年
無考

襄寧王額布根庫春五世孫武宗至大二年封

續弘簡錄曰鄂爾和乃實勒們之孫太宗嘗撫實勒們於宮中稱太孫定宗崩後皇后抱之聽政憲宗立禁錮實勒們於摩多齊之地鄂爾和封襄寧王從納延叛大德十年來降至大二年以額布根襲封

太宗子庫春太子位歲賜銀六十六錠三十三兩段一百五十匹五戶絲丁巳年分撥汴梁路在城戶至元二年改撥睢州五千二百一十四戶延祐六年實有一千九百三十七戶計絲七百六十四斤

汝寧王徹伯爾太宗第五子哈斯大王之孫仁宗延祐二年四月

表作元
年疑誤封

汝寧王鄂勒哲特穆爾徹伯爾之子

封年
未詳

汝寧王呼喇台鄂勒哲特穆爾之子泰定元年襲封

此據表書紀文有是年正月賜諸王呼喇台金印事

太宗子哈斯大王位歲賜銀一十六錠三十三兩段五十五匹五戶絲丁巳年撥汴梁路在城戶至元三年改撥蔡州三千八百一十六戶延祐六年實有三百八十八戶計絲一百八十四斤

隴王呼魯蘇太宗第六子哈坦大王之孫武宗至大元年十二月封賜金印

太宗子哈坦大王位歲賜銀一十六錠三十三兩段五十五匹五戶絲丁巳年分撥汴梁路在城戶至元三年改撥鄭州延祐六年實有二千二百五十六戶計絲九百三十六斤江南戶鈔至元十八年

分撥常寧州二千五百戶計鈔一百錠

陽翟王圖們太宗第七子默哈大王之曾孫武宗至大元年九月封賜金印鎮北藩圖們傳庫春庫

春傳太平太平世系表作阿雅噶齊之子圖們之姪弘簡錄亦作圖們子當是表誤太平於泰定元年襲封此據表書紀於是年亦有賜金印事泰定崩後

黨附都爾蘇以戰被誅特穆爾齊襲封陽翟王特穆爾齊世系表作庫春之子名亦見至順二年紀陽翟王阿勒呼不特穆

爾默哈之裔於特穆爾齊後襲封世系表中載至特穆爾齊而止弘簡錄去距太平順帝至正二十二年也不知是特穆爾齊之子否封年亦無考

年以叛逆伏誅

陽翟王圖克特穆爾阿勒呼不特穆爾之弟順帝至正二十一年襲封

太宗子默哈大王位歲賜銀一十六錠三十三兩段五十五匹五戶絲丁巳年分撥汴梁路在城戶至

元三年改撥鈞州一千五百八十四戶延祐六年實有二千四百九十六戶計絲九百九十七斤

續通考
封建考

二十四史通考卷之九
卷二百三十八
以上系出太宗

大名王定宗幼子

見耶律希亮傳失其名餘俱無考續通考封建考

謹按耶律希亮傳曰世宗中統二年希亮以避亂逃至密里城乃定宗潛邸湯沐之邑也時六皇

后之妹主后政三年定宗幼子大名王憫其不能歸遣以幣帛鞍馬乃從大名王至呼濟爾之地

大名王不知何年封號世系表定宗止有三子其第三者曰和大王豈即大名歟續通考封建考按

南平王圖魯定宗第三子和和大王之子世祖至元九年封賜金印續通考封建考

以上系出定宗

衛王鄂勒哲憲宗第三子永隆哈實之子成宗元貞二年七月賜印時尙稱諸王大德二年二月封衛安

王賜金印武宗至大二年五月進封衛王續通考封建考

謹按順帝紀至元二年七月賜衛王庫春格爾衛輝路爲食邑至正十一年亦有此人名而世系

諸王二表皆無之不知即鄂勒哲之裔否并不可辨其爲同異姓矣續通考封建考按

鄭王齊齊克圖鄂勒哲之子英宗至治二年十二月封武寧王授金印泰定元年七月命襲其父鄂

勒哲所部乃給故印泰定帝崩後齊齊克圖附於明宗文宗至順二年正月以淮安路之海寧州爲

其食邑二月改封鄭王賜以金印寧宗即位又賜以胸山贛榆沈陽三縣紀文於三縣上冠以海命寧州名當即其屬縣也

出鎮遼陽順帝至元二年四月詔以太平路爲其食邑五年爲太師巴延構陷死續通考封建考

謹按齊齊克圖之名同時有相近者二人一爲此齊齊克圖一爲世祖子寧王庫庫楚之子寧王

齊齊克圖紀文中隨時紀載乍閱殊難分晰續引簡錄不載庫庫楚之子事而於此齊齊克圖傳

內則書延祐七年封寧遠王至治二年改封武寧王入朝請印帝不允泰定元年賜永福縣戶若

干爲食邑至順時改封鄭王今細檢元史頗彰其誤考寧王庫庫楚薨於皇慶二年延祐七年四

月時英宗已即位紀書封諸王齊齊克圖爲寧遠王不言賜印至至治三年七月齊齊克圖入朝請印帝

不允蓋寧王庫庫楚有謀逆之事故於其子賜印亦甚慎重若此卽爲後封鄭王之齊齊克圖則

至治二年封武寧王時已賜金印矣何煩重請爲耶泰定元年三月書賜諸王齊齊克圖永福縣

戶時僅稱諸王與後至順二年書以淮南路海寧州爲武寧王齊齊克圖食邑書法不符則邵氏

之誤以庫庫楚之子爲此齊齊克圖審矣又諸王表於寧遠王位下書齊齊克圖延祐七年封寧

遠王與紀文合又云十一年進封寧王既脫去年號而延祐七年之後惟順帝至正始有十一年

考是年紀亦無封寧王之文又書齊齊克圖皇慶二年由寧遠王進封與延祐七年封寧遠王之

文大相刺謬仁宗英宗紀文皆無可據則表之誤明甚今亦附爲辨正於此續通考封建考按

河平王錫里濟紀作習怯吉憲宗第四子世祖至元五年六月表作四封賜駝紐金印同北平王諸木歡

出鎮阿里瑪圖之地劫北平王以叛十九年爲諸王色默埒所執又爲元帥李庭等襲擒被誅

并王鳩和特穆爾錫里濟子仁宗延祐五年二月表作四封嘉王賜印泰定二年六月改封并王

文宗至順三年三月賜安陸府爲食邑

是年紀作鴻和爾布哈

順帝至元元年以謀逆自殺

撫寧王徹爾特穆爾鴻和特穆爾之子順帝至正二年十二月

弘簡錄作至元封以上續通六年與史不符考封建考

謹按諸王表無撫寧王國號而於嘉王位下又有和爾和之名世系表鴻和特爾之子

有嘉王和爾和等三

人亦無徹爾特穆爾考撫寧王封事見於順帝紀而和爾和封嘉王事紀既不見諸王表亦不載

受封之年故附誌於此

續通考封建考按

睿宗長子憲宗子烏蘇台大王位歲賜銀八十二錠段三百匹又泰定二年鴻和特穆爾大王改封

王增歲賜銀一十錠巴爾圖大王銀八錠五戶絲癸丑年查過衛輝路二千三百四十二戶延祐六

年實有二千二百八十戶計絲九百一十六斤

續通考封建考

謹按烏蘇台爲憲宗第二子世系表內不載其有嗣巴爾圖乃憲宗長子亦無嗣當日歲賜之物

大約付其憲宗系下族人或其妃配耳志又言泰定三年莽齊呼圖克皇后位下添歲賜中統鈔

一千錠撥五十匹絹五十匹此蓋守巴圖營帳者

續通考封建考按

以上系出憲宗

燕王眞戩世祖第二子中統三年封

續通考封建考

謹按封燕王事元史於中統二年三年十二年二月復載續弘簡錄則專書在三年

續通考封建考按

晉王噶瑪拉世祖之孫裕宗之長子

世王制載世尊爲裕宗

世祖至元二十七年正月封梁王賜金印出鎮雲

南二十九年進封晉王移鎮北邊更給晉王金印成宗大德六年正月薨續通考

謹按故事諸王皆置傳世祖以晉為太祖肇基之地視諸王有加特置內史以寵之後泰定帝襲

封晉王時尙有以晉府內史而封公者續通考

梁王薩克繖世祖曾孫顯宗長子晉王噶瑪拉已世祖至元三十年時噶瑪拉已進封晉王建考按詔皇曾孫出鎮雲南以

皇孫梁王印賜之武宗至大二年有風疾命婁達袞代鎮其地

梁王旺沁薩克繖子延祐七年五月時英宗封雲南王往鎮其地以代婁達袞泰定帝元年十月徙

封梁王食邑益陽州六萬五千戶泰定崩後旺沁附丞相都爾蘇上都破後賜死

雲南王特穆爾布哈旺沁子泰定元年十月時旺沁徙命襲封雲南王賜金印旺沁賜死後流於吉

陽軍

湘寧王德勒格爾布哈世祖曾孫顯宗第三子大德十一年七月時武宗封北寧王至大四年四月

時仁宗已即位改封湘寧王賜金印食邑湘鄉州寧鄉縣六萬五千戶

湘寧王巴拉實哩德勒格爾布哈之子至治三年襲封是年十二月時泰定給印襲封之文惟據表

印尚稱諸王泰定元年三月命出鎮察罕諾爾泰定崩後以兵應上都兵敗被執封當在此月也

裕宗長子晉王噶瑪拉位歲賜段一千匹絹一千匹又多爾濟延祐元年為始年例支中統鈔一千

錠五戶絲庫庫布哈所管益都二十九戶江南戶鈔皇慶元年分撥南康路六萬五千戶又德勒格

爾布哈湘寧王分撥湘鄉縣六萬五千戶計鈔二千六百錠

魏王阿穆爾克二表俱作魏王紀與弘簡錄皆作衛王世祖之曾孫裕宗之孫順帝之長子封年未詳仁宗皇慶元年正月

賜慶元路定海縣六萬五千戶爲食邑延祐五年以罪貶高麗後徙大同泰定元年召還薨

西靖王阿嚕阿穆爾克子文宗至順元年九月封

魏王博囉特穆爾阿穆爾克子封年無考

順帝子阿穆爾克王位江南戶鈔皇慶元年分撥慶元路六萬五千戶計鈔二千六百錠

秦王莽噶拉世祖第三子至元九年十月封安西王統河西土番四川諸處賜京兆爲分地十年進

封秦王佩金印至元十七年薨

安西王阿南達莽噶拉子世祖至元十七年襲封成宗崩後無子皇后布爾罕將以阿南達繼統文

宗入平內難執之賜死

世祖至元二十四年十二月僧格言先是皇子莽噶拉封安西王置王相府後封秦王綰二金印今

嗣王阿南達仍襲安西王印弟諳達布哈別用秦王印其下復以王傳印行一藩而二王於制非宜

詔以阿南達置爲安西王仍置王傳而上秦王印諳達布哈所置王傳罷之至成宗元貞二年安西

王傳請立王相府帝曰去歲阿南達已誓面陳朕諭以世祖定制今復奏請豈欲以四川京兆悉爲

彼有耶今姑從汝請惟許行傳事以上續通考封建考

謹按元代諸王每得開邸置傳其蒙恩深厚者則置王相府具載紀文考中不及備書採此事其

他可推矣續通考封
建考按

安西王伊魯特穆爾阿南達之子至治三年九月時泰定帝已即位襲封文宗至順三年四月以謀逆誅

世祖次子安西王莽噶拉位歲賜段一千匹絹一千匹江南戶鈔至元十八年分撥吉州戶六萬五

千戶計鈔二千六百錠

北安王諾穆歡亦作諾
摩罕世祖第四子至元三年六月封北平王以印給之建幕庭於和林北阿里瑪

圖之地十四年為叛王錫里濟所劫改封北安王二十一年三月自北邊歸朝賜螭紐金印二十三

年三月以臨江路為分邑成宗大德五年薨以上續通
考封建考

謹按弘備錄云十九年改封考二十一年三月紀尚書北平是年閏五月乃書賜北平王印恐邵

氏有誤續通考封
建考按

世祖次子北平王諾摩罕位歲賜段一千匹絹一千匹江南戶鈔至元二十二年分撥臨江路六萬

五千戶計鈔二千六百錠

雲南王和克齊世祖第五子至元四年八月封賜駝紐金鍍銀印遣鎮大理等處八年二月大理等

處宣慰都元帥實合丁與王傅庫庫岱毒殺之以上續通
考封建考

謹按和克齊薨於八年而十七年十月紀又書賜雲南王和克齊印其誤顯然表云十七年額森

二日... 卷二百三十一 封建 一曰約雅堂藏板

特穆爾襲封或此時賜印而誤書和克齊名耳然二十五年紀又有賜塗金駝紐印事十七年賜印又疑未的矣續通考封建考按

榮王額森特穆爾和克齊子世祖至元十七年襲封雲南王此據表書紀文不載二十五年賜塗金駝紐印命

帥兵鎮大理等處武宗至大元年正月進封榮王表作大德十一年與紀異仁宗皇慶元年二月賜福州府福安

縣一萬二千六百有四戶食其歲賦泰定帝四年出鎮北邊

梁王巴咱爾幹爾密雲南王和克齊之裔封梁王封年無考鎮雲南元亡後明太祖遣王禕諭降為梁王

所殺洪武十四年傅友德下普定王走普寧州自經明史巴咱爾幹爾密傳

世祖次子雲南王和克齊位歲賜銀五十錠折鈔一千錠段匹物件折鈔一千六百五十六錠江南

戶鈔皇慶元年分撥福州路福安縣一萬三千六百四戶計鈔五百四十四錠

西平王鄂囉齊世祖第七子封年未詳至元六年十月賜駝紐金鍍銀印時尙稱諸王則封西平王當在此時九年正月命

征建都蠻鎮西武靖王特穆爾布哈鄂囉齊子成宗大德元年三月封賜駝紐金鍍銀印

雲南王羅丹特穆爾布哈子武宗至大二年三月以梁王在雲南有疾命羅丹代鎮賜駝紐金印

鎮西武靖王緯斯本特穆爾布哈子王名見文宗天祿二年正月紀襲封之年無考以上續通考封建考

謹按世系表有羅丹之子豫王喇特納實哩與太祖系下越王圖喇之子名爵皆同諸王表於豫

王位下止載一人乃圖喇之子此世系表中所列當有誤故不列續通考封建考按

西平王巴特瑪德沁鄂囉齊之子

封年無考

世祖次子西平王鄂囉齊位歲賜段匹物料折鈔一千六百五十六錠銀五十錠折鈔一千錠江南戶鈔大德七年分撥南恩州一萬三千六百四戶計鈔五百四十四錠

寧王庫庫楚世祖第八子至元二十六年十二月封寧遠王大德十一年

時武宗已即位

封寧王賜龜紐金

鍍銀印以清州爲食邑武宗至大三年二月謀不軌詔徙高麗仁宗皇慶元年賜還二年正月薨

寧王齊齊克圖庫庫楚之子延祐七年四月

時英宗已即位

封寧遠王至治三年七月入朝請印帝以其政

績未著不允泰定帝元年賜永福縣戶萬三千六百爲食邑後進封寧王

以上續通考封建考

謹按續弘簡錄誤以此齊齊克圖事屬之郊王齊齊克圖已詳前案內

續通考封建考按

寧王阿都齊庫庫楚之子泰定帝三年七月封綏寧王給金印後進封寧王

續通考封建考

謹按齊齊克圖與阿都齊二人之封寧王事紀文皆無可徵齊齊克圖進封之年表雖書之而多誤已附見郊王條下按內至阿都齊進封之年表亦不載今姑據世系諸王二表載之無可詳考

又順帝至正十三年十二月紀書寧王蘇默格爾還大鄂爾多賜物疑亦爲庫庫楚之後二表俱

無更不可考

續通考封建考按

世祖次子平遠王庫庫楚位

平遠疑寧遠之訛

歲賜段匹物料折鈔一千六百五十六錠銀五十錠折鈔一

千錠江南戶鈔泰定元年分撥永福縣一萬三千六百四戶計鈔五百四十四錠

鎮南王托歡世祖第九子至元二十一年閏五月封賜塗金銀印駐鄂州七月詔征占城後引兵還
二十八年二月移鎮揚州大德五年薨

弘錄簡曰托歡征占城道出安南爲交兵所敗世祖怒其辱國終身不許入朝

鎮南王婁章托歡子成宗大德五年襲封封年見諸王表鎮南王圖卜布哈亦托歡之子表作婁章子誤婁章薨後

襲封封年未詳王名見至治二年十二月紀泰定帝二年十二月薨

准王特穆爾布哈亦托歡子泰定三年十一月封時圖卜布哈已薨而其子博囉布哈幼故代襲爵
及博囉布哈長時穆爾布哈固請還爵文宗天祿二年十二月改封宣讓王賜金印移鎮廬州順帝
至元五年巴延矯制貶之至正元年三月托克托爲相言其無罪給還宣讓王印二十七年進封准
王賜螭紐金印順帝北奔留命監國城破殉難

鎮南王博囉布哈圖卜布哈子文宗天祿二年四月襲封鎮揚州

威順王庫春布哈托歡之子表作婁章子誤泰定帝三年正月封鎮湖廣賜螭紐金印順帝至元五年巴延

矯制貶之至正初托克托言其無罪命復還鎮後以兵敗至成州而沒以上續通志考封建考

謹按庫春布哈傳言其鎮湖廣時湖廣行省歲供米三萬石錢三萬二千錠又日給王子諸妃飲

膳此大約出鎮諸王中供億最繁者也續通志考封建考按

義王和尚庫春布哈子順帝時封京城將破遁走不知所之

文濟王曼濟亦托歡之子順帝元統二年四月封詔鎮大名至元二年十二月賜螭紐金印以上續通考封

考建

謹按順帝至正十三年八月命布哈特穆爾襲封文濟王考世系諸王表中皆無此人以襲封事

論之當是曼濟之子

續通考封建考按

安德王布達實哩亦托歡之子仁宗皇慶元年二月賜福州路宣德縣戶一萬三千六百有四食其

歲賦二年十月封安德王

續通考封建考

謹按王名紀作安德世系表作宣德弘簡錄亦作宣德諸王表於金印螭紐內列宣德王於金印

駝紐內列安德王皆云布達實哩皇慶二年封當有重列之誤考後至元元年又有封太保中書

平章政事鼎珠爲宣德王事表失載其名故此處王名竟從紀作安德

續通考封建考按

世祖次子鎮南王托歡位歲賜銀五十錠段匹物料折鈔一千六百五十六錠江南戶鈔皇慶元年分撥福州路宣德縣一萬三千六百四戶計鈔五百四十四錠

世祖長子多爾濟太子位腹裏江南無分撥戶

世祖次子阿雅克齊大王位歲賜銀五十錠折鈔一千錠段匹物料折鈔一千六百五十六錠江南

戶鈔皇慶元年分撥都武路光澤縣一萬三千六百四戶計鈔五百四十四錠

世祖次子和塔拉特穆爾太子位歲賜銀五十錠折鈔一千錠段匹物料折鈔一千六百五十六錠

江南戶鈔皇慶元年分撥泉州路南安縣一萬三千六百四戶計鈔五百四十四錠以上續通考封建考

謹按以上三大王皆無國邑封號今附錄於此續通考封建考按

以上系出世祖

順陽王烏嚕斯布哈仁宗子延祐二年封安王七年七月時英宗已即位表作十年誤降封順陽王尋被殺續通考封建考

以上系出仁宗

晉王巴特瑪雅爾藏布泰定帝子泰定元年三月嗣封泰定由晉即繼統故曰嗣封大厯元年薨於上都續通考封建考

以上系出泰定帝

燕王喇特納達喇文宗子至順元年三月封續通考封建考

以上系出文宗

謹按以上世系皆合紀表所書而確有可徵者也外此或紀或表偶見封爵人名竊疑其當為某帝之系而無可互証者如天厯二年幽王和塔拉默色遜王雅爾實哩至正十三年襲封文濟王之布哈特穆爾以及諸王表中嘉王和里呼紀中衛王庫春格爾廣寧王呼圖克特穆爾寧王蘇默格爾諸人俱已因類附見於前其餘紀中所列或諸王表有而世系表無者或二表俱無之者謹據史文書之其中有疑為同姓者則附於同姓之後亦有不辨其為同異姓者元時宗室駙馬統稱諸王不可

以諸王之稱則附於異姓之後如肅遠王特穆爾布哈以下所列是也又按元時諸王專以印章簡為同姓

為輕重故有雖無國邑而曾賜印者較之未賜印之諸王又為稍貴如世祖中統三年四月賜諸

王伊蘇克金印烈祖子柴齊薩哈勒之子表云金印駝紐至元二年七月給諸王伊蘇布哈印烈祖子伯勒格台之子與太宗子庫騰之孫皆

有此名不知為誰表作金印駝紐賜諸王永隆哈實印憲宗之子表作金印駝紐三年三月以衛輝路為其分地七年七月賜

諸王巴爾達噶印世系無考不知同異姓表作金鑲銀印駝紐十三年四月賜諸王圖噶金印世系無考諸王表無十七年五月

賜諸王伯奇特穆爾銀印世系無考不知即仁宗時封汾陽王之拜特穆爾否表作銀印駝紐二十二年十一月賜皇子阿雅噶齊

銀印世祖第六子諸王表無二十八年正月給諸王阿雅噶齊印此非世祖子考太宗子默哈之曾孫有曰阿雅噶齊大王當即此但恐世次太遠又

烈祖子特默格鄂齊錦之孫有兩阿雅噶齊或是此二人中之一止多一哈字耳諸王表無成宗大德四年正月賜諸王達實特穆爾金印世系

無考表云四年四月賜諸王額駝根鑿金印賜印事表不載五年七月額駝根薨以其子帕克巴拉嗣此

祖子科爾噶之曾孫也世系表以額駝根帕克巴拉列作兄弟據此可訂其誤又諸王表云帕克巴拉延祐元年賜金印駝紐紀文不載泰定帝元年正月賜諸王巴

克實特穆爾金印世系無考表云金印駝紐文宗至順元年五月賜諸王托歡金印世系無考托歡之名甚多不知為誰諸王表無賜印

事順帝至正十四年十一月賜親王諾木達實金鑲銀印世系無考親王必為宗室疑為太祖子察罕台之曾孫阿南達實哩王也諸王

表無以上皆紀中所列者也又諸王表所列而紀文不載者則有延祐二年鄂羅木烏遜王四年

察必達二王列在金印駝紐世系皆無考又旺丹大王世系特穆爾大王烈祖子伯勒格台之曾孫有此名不知是否拜特豫爾大

王睿宗子默格之孫博囉齊大王太宗子庫春之孫以上皆列在金鑲銀印駝紐又有阿古特穆爾王世系鄂勒哲額布根王宗

子呼察之子有世系無考考世祖紀至元三年十二月有賜此名不知是否納默古哩大王世系哈必濟大王諸王哈必濟行軍印事恐專為行軍而設拜

拜大王延祐四年詔以世祖所賜印賜其子哈布爾特穆爾王

此太祖子科爾噶之四世五世孫也

和塔拉特穆爾

王世祖第十子以上皆列在銀印龜紐類

以上皆表中所列而紀不書者也統為類敘於此以見當時封爵之制度

等差云爾

續通考封建考按

肅遠王特穆爾布哈世祖至元二十八年二月以諸王封賜印

續通考封建考

謹按此諸王表有世系表無無可詳考太祖系察罕白之孫有特穆爾布哈王不知即此人否也

續通考封建考按

鎮東王額森特穆爾世祖至元二十八年封

續通考封建考

謹按此僅見諸王表餘無可考表中僅稱至元亦不云是世祖之至元然順帝時所封表中往往

不列則此必世祖時可知也此人疑其為同姓

續通考封建考按

靖安王扣布哈泰定帝四年正月封

諸王表有

出鎮陝西文宗天厯初據陝西以叛尋即降服順帝至正

十五年六月薨

降服事見阿爾哈雅德

無後命其姪襲封十六年二月以滿滿為靖安王

諸王表無

賜金印

西平王巴勒瑪爾西平王袞布巴勒

以上續通考封建考

謹按巴勒瑪爾僅見於表而紀文無考袞布巴勒僅一見於文宗至順二年三月紀文此豈皆世

祖子西平王鄂囉齊之後裔歟又順帝至元三年七月有賜袞布巴勒西平王印事諸王表并無

其名更不可考

續通考封建考按

威武西寧王阿哈瑪特封年無考其子伊爾格齊順帝元統二年五月詔襲其父爵續通考封建考

謹按此世系諸王二表皆無考睿宗子錫里庫之裔幽王徹伯爾先封威武西寧王後進封幽王

此豈其後裔歟續通考封建考按

雲南王阿嚕順帝元統二年五月命鎮雲南續通考封建考

謹按此世系諸王二表皆無豈世祖子鄂囉齊後雲南王婁達罕之裔歟續通考封建考按

吳王綽斯戩見順帝至元二年六月紀吳王綽斯戩見至正十三年六月紀續通考封建考

謹按此世系諸王二表皆無之豈烈祖子和實袞後吳王瑪納濟諸人之苗裔歟二人名音相近

或卽一人未可知也

又按二人封年紀文無考綽斯戩見至正十三年六月有賜金銀鈔幣事當是時有奸臣綽斯戩

者曾從托克托平徐州後於十六年拜丞相十八年加太保詔封其曾祖孛魯海爲雲王祖額森

布哈爲瀛王父額琳沁爲翼王通封三代王事見本傳而綽斯戩之本身紀傳皆無封號竊疑其三代既追

封自身應亦受封或卽是此吳王但紀傳皆無可據不敢臆斷弘簡錄亦無可考且號爲奸臣則

或爲異姓未可知也以上續通考封建考按

西寧王英實順帝至正十二年二月命鎮西川續通考封建考

益王呼圖克時穆爾元史續通考封建考

謹按此世系表無諸王表并無益王名位不可詳考疑其爲益王邁努之裔

謹按此世系諸王二表皆無順帝紀文中有時或稱寧王豈其爲西寧王阿爾達勒歐色與斯隆瑪之後裔歟或爲寧王庫庫楚諸人之後裔歟皆不可詳考

以上續通考
封建考按

右同姓封建

謹按王圻續通考所載元代異姓封建之事追封者十居六七考元史選舉志正從一品例封贈國公二品例封贈郡公三品例封贈郡侯凡追封之勳爵官階每與易名之制並行非可以云封建今已全爲刪去止以生前錫爵者爲斷但元自世祖以前開國佐治之臣垂名汗簡者指不勝計特以時方用武典禮未暇舉行故往往僅襲萬戶總管達魯噶齊之類而無國邑封號及成宗武宗而後始追贈王公之爵今因不敘追封故凡如博爾濟耶律楚材察罕史天澤張弘範廉希憲劉秉忠之儔姓名皆不列於考內或有於其子孫封爵之事一爲追述否則竟缺焉後之欲考有元一代之開國名臣者固自有全史在也其一門之內子孫相繼襲爵者皆從類列以便檢閱不以受封之先後爲分至色辰一門雖本因有功故世爲外戚之選然自阿禪之後其子孫亦未

見有冠世之勳故直列之外戚云

續通考封
建考按

國王穆哩呼姓扎挂氏事太祖以忠勇稱十二年八月詔封太師國王都行省承制行事賜大駕所建九旂大旗以山號令又賜誓券黃金印曰子孫傳國世世不絕十八年三月卒於軍穆哩呼卒子

博囉襲博囉卒子塔斯襲塔斯卒其子蘇都爾幼以其弟博囉次子蘇肯徹爾襲蘇肯徹爾卒子和爾濟

襲蘇都爾既長別賜名三千戶爲食邑得建國王旗幟以五品七品印賜其家臣置官屬如列侯蘇

都爾卒子呼塔噶襲呼塔噶卒子呼圖克特穆爾襲呼圖克特穆爾卒子寶格襲寶格卒子道通襲

又博囉之子曰巴圖爾其子曰和通亦襲國王又穆呼哩五世孫奈曼台之父和斯和哩亦嗣國王

又穆呼哩六世孫多爾濟多爾濟爲蘇肯徹爾孫托克托之子亦於文宗天曆二年襲國王先是天曆元年嗣國王

多羅台附見和爾濟傳當是和斯和爾之子以附大都兵被誅故多羅台襲爵至順帝至元四年朶羅台多奈曼台賄

太師巴延奪其爵至至正九年復爲國王十五年多爾濟卒子阿木喀實哩襲其中承襲世次每有不能細考者奈曼台

以先受郡王封故別立於後又穆呼哩之弟曰岱遜者爲郡王無傳不可詳考

國王奈曼台穆呼哩五世孫文宗至順元年知嶺北行樞密院事封宣寧郡王賜金印鎮北邊順帝

至元三年詔襲國王賜金印至元八年卒以上續通考封建考

謹按自穆呼哩至多爾濟生前皆止稱國王其稱魯國王魯王及東平郡王魯國公者皆薨後追

贈之名也續弘簡錄於太祖十二年丁丑八月卽書封穆呼哩魯國王似爲小誤

又按廉希憲傳世祖至元十一年以嗣國王特納克行省遼陽擾民不便命希憲在代之又洪奇

俊傳至元六年高麗權臣林衍叛詔以其軍三千從國王特納克討平之嗣國王之稱惟見於穆

呼哩之子孫者爲多而並無特納克之名不知其爲何族矣附誌於此以上續通考封建考按

遼王耶律瑠格契丹人當太祖癸酉年遼東未定眾推瑠格爲王以其屬伊實布爲郡王乙亥年與其子色徹入覲太祖仍封爲遼王自瑠格納欵後遼東反覆伊實布金山通古喊合四人遞相僭號

至己卯春瑠格復定之庚辰年卒

續通考
封建考

謹按瑠格之爲遼王本由眾人推立太祖紀言其改元元統傳不載至伊實布僭帝號改元天威金山又自稱國王改元天德似非元初所能臣屬然瑠格仗義納欵不從稱帝之請孳子入覲時曾賜金虎符仍命爲遼王則其臣服於元可謂無貳心者故據元史列傳載之又本傳載其後太

祖命其子色徹爲第三千戶凡其子孫襲爵當是千戶而非其舊封明矣

續通考
封建考

濮國公耶律圖爾哈遼之故族與其兄阿哈由金歸元封圖爾哈爲太傅濮國公

邵國公舒穆魯明安桓州人由金歸元元破金中都加太傅邵國公丙子年卒

邵王孟克姓莽畏氏父鄂約達爾太祖時以戰死太宗思其功故以北方萬戶封其子爲郡王丙申年授泰安州民二萬戶爲食邑孟克卒孫

此當是鄂約達爾
孫非孟克之孫

珠爾噶岱奇塔特魯斯呼圖克烏納和

囉噶齊俱襲封爲郡王又鄂約達爾之五世孫尼瑪僧格亦襲郡王

德清郡王奇塔特姓鄂爾和達氏卓沁台之子自太宗及世祖屢事四朝以勞封德清郡王賜金印丙申年賜德州戶二萬爲食邑世祖至元十八年增食邑二萬一千戶肇慶路連州德州泊屬邑皆隸焉奇塔特卒其子都沁襲爵奇塔特二子曰都沁曰哈達哈達三子曰托歡曰額琳沁巴勒曰慶

通托歡二子曰達實特穆爾曰托迪達實特穆爾一子曰伊勒布哈自奇塔特而下凡九人皆封郡王以上續通考封建考

謹按成宗紀元貞二年六月書郡王慶通有疾以其子伊勒布哈代之不知卽此九人中之慶通

否伊勒布哈之名傳又不載無可詳考續通考封建考按

蔡國公張柔易州定興人弘畧弘範皆其子自金來歸戰功最多官至順天等路萬戶世祖中統二年請致

仕封安肅公至元四年進封蔡國公五年卒

濟南公張榮濟南麻城人有戰功官濟南萬戶世祖中統二年封致仕卒

鄂國公史弼一名塔爾輝蠡州博野人成宗元貞三年官至平章政事封以上續通考封建考

秦國公托克托大德十一年八月時武宗已即位官御史大夫封

鞏國公特們德爾大德十一年十月時武宗已即位官御史大夫封以上元史武宗本紀

句容郡王綽和爾其先欽察國人從武宗時未即位與海都戰勝尙雅蘇圖楚王公主察球爾武宗即位

由知樞密院事封容國公賜銀印至大二年加封句容郡王改賜金印仁宗紀延祐三年六月重書綽和爾爲句容郡王

英宗至治二年卒文宗天祿二年正月以其子達朗達賚襲封句容郡王

太平王雅克特穆爾綽和爾第三子泰定帝崩後定策迎明宗文宗文宗卽位封太平王加達爾罕

之號子孫世襲以太平路爲其食邑賜黃金印卒後順帝元統元年命其子騰吉斯襲太平王旋以

謀逆誅

榮王薩敦亦綽和爾子順帝元統元年十月官中書左丞相封賜廬州路爲食邑

以上續通考封建考

謹按綽和爾曾尙主雅克特穆爾其女爲順帝后然綽和爾所尙主公主表不載當是疎屬雅克特穆爾文宗時已有大功非由后父錫爵故不列入外戚門也以下泰王巴延一門亦同此例

續通考

考封建考按

淇陽王伊徹察喇功臣博爾濟曾孫武宗初命爲和林等處行中書省右丞相太師封淇陽王至大

三年以清州民戶萬七千一百一十九爲食邑賜黃金印四年卒

續通考封建考

謹按仁宗紀皇慶元年正月授太師錄軍國重事知樞密院事托里齊延開府儀同三事嗣淇陽王未知卽伊徹察喇子否又泰定帝卽位之年九月紀文有淇陽王額森特穆爾之名亦不知是其子否又按至大元年淇陽王伊徹察喇請置王傅中書省謂異姓王無置傅例不許此可以見

元時同異姓王之制

續通考封建考按

康國公阿實克布哈本康里國王族也武宗時官中書右相行平章政事至大元年三月封康國公

二年卒

應國公庫春西土人武宗入平內難拜平章政事加特進應國公

以上續通考封建考

賓國公希沙武宗至大元年四月封

魏國公嘉理武宗至大元年四月官平章政事授太子太保太尉平章軍國重事封至正二年九月
爲江南行省所劾奪爵

楚國公三寶弩武宗至大元年四月封勃國公六月加錄軍國重事中書右丞相改封應國公三年
五月又改封楚國公以常州路爲分地仁宗即位尙書省言其變亂舊章伏誅

義國公托克托武宗至大三年十一月官太師錄軍國重事封仁宗即位尙書省言其變亂舊章伏
誅

宣寧王特穆爾布哈至大四年四月時仁宗已即位官知樞密院事封賜龜紐銀印

安遠王伊蘇丹至大四年六月時仁宗已即位封懷仁郡王賜銀印後封安遠王以上元史武宗本紀

謹按伊蘇丹進封之文紀表皆不載然仁宗紀皇慶二年七月有安遠王伊蘇丹之名其去至大
四年僅二年耳名既相同年亦相近其爲一人無疑續通考封建考按

永豐郡王博囉至大四年六月時仁宗已即位官樞密使封澤國公皇慶元年二月進封永豐郡王元史武宗本紀

謹按紀中雖無進封之文然同在一時當爲一人可知表於永豐郡王位下亦有博囉名但不云
何時封

又按安遠王與永豐王皆曾爲特色辰之裔綽哈所封爵且其封亦在皇慶元年不應同時有二

安遠王是不可解伊蘇丹與博囉或亦是綽哈之族皆無可考以上續通考封建考按

趙國公穆蘇至大四年十一月時仁宗由司徒封元史仁

秦國公溫普至大四年十二月時仁宗由宣政會福使封

已即位宗本紀續通考

封建考

謹按百官志宣政院掌釋教僧徒及吐番之境其用人則軍民通攝僧俗並用至元初立總制院領以國師後更名宣政又有大禧宗禮院掌享祀典禮天祿時罷會福殊祥二院改置大禧院志雖不言僧俗並用而二院職守相通當亦兼用緇衣也考世祖至元三十年二月從阿喇卜丹燕公楠之請以嘉木揚喇勒智子宣政院使溫普為浙江行省此時所封當即其人考中於僧人封爵概不載入而此由居官得封故仍為列之且以見一時用人之制其由徽政院等官得封者恐尚有僧人不可得而詳辨矣續通考

建考按

韓國公李孟潞州上黨人仁宗初官中書平章政事封秦國公授以印章皇慶二年奏還國公印延祐二年改封韓國公英宗初立為太師特們德爾所搆盡收前後封拜制命降授集賢侍講至治二年卒續通考

封建考

謹按此據本傳載之也仁宗紀止書封秦國

在即位之年七月

不載改封韓國至英宗紀書奪李孟所受

秦國制命亦無韓國字蓋紀視傳多疎畧矣續通考

建考按

廣平王穆哩庫阿爾拉氏國初功臣博爾濟之曾孫仁宗皇慶元年四月知樞密院事封文宗天祿二年十二月毀廣平王穆哩庫印命喀巴代之更鑄印以賜順帝至元三年以穆哩庫子阿魯圖為

中書右丞相襲封廣平王卒後無嗣

續通考封建考

謹按博爾濟於太祖時賜廣平路一萬七千三百有奇為分地故其子孫為廣平王然自博爾濟與其子博囉台孫伊實特穆爾皆於薨後追封廣平王而生前止襲萬戶博爾濟傳末亦止書穆哩庫仍襲爵為萬戶則身膺廣平之封者其必始於皇慶初可知矣喀巴當亦博爾濟之裔但傳中無考諸王表於廣平王位下書穆哩庫駙馬考穆哩庫並無尚主事而公主表趙國公主有下嫁節忠襄王摩和納者表以其名相似而訛作廣平王穆哩庫駙馬王圻續通考遂以外戚封事中列之且作天厯二年封無稽甚矣又英宗紀即位之年六月書收圖塔哈廣平王印考博爾濟傳呼喇珠弟曰托琳曰托克托呼為御史大夫當即此人而亦曾襲爵故有收印之事特傳中不載耳又順帝紀至正十三年九月以集養官廣平王約約征討慢功削其王爵當亦即其族屬也

續通考封建考按

河南王布琳濟達仁宗皇慶元年官河南行省丞相封

續通考封建考

謹按仁宗紀延祐元年六月書封河南省丞相布琳濟達為河南王而王約傳曰皇慶改元約奏

河南行省丞相布琳濟達勳闕舊臣不宜久外召至封河南王郝天挺傳亦載之在皇慶二年之

前則紀文之誤明甚故從傳

續通考封建考按

趙國公常布哈齊仁宗皇慶元年三月由同知徽政院使封

吳國公伊克穆蘇輝和爾人世祖時屢奉使招諭海外諸國家居仁宗念其勞詔封之

秦國公阿錫葉西域弗林人成宗大德時爲平章政事仁宗時封仁宗紀不載以阿哩雅尋卒皇慶

元年正月以其子崇福使阿哩雅爲秦國公以上續通考封建考

謹按文宗至順元年正月以太醫院使阿哩雅封秦國公人名封號皆與皇慶所封同且阿錫葉

工星屢醫藥故掌二司事則太醫院是其世職史或因其兼官誤作兩人而前後複載耳其封年

孰是孰非不可得而訂正矣弘簡錄止書文宗所封之人曰阿爾哈雅而仁宗時所封不載續通考封

建考

安吉王乞塔時布濟克武宗至大三年五月賜安吉州民戶五百仁宗皇慶二年正月以前尙書右

丞相封延祐五年四月卒續通考封建考

謹按封安吉王事紀書在仁宗皇慶二年然武宗紀至大二年賜民戶時已稱安吉王則當是武

宗時封恐仁宗紀有誤續通考封建考按

授都王囊嘉特奈曼人仁宗初官河南江北行省平章政事封續通考封建考

謹按此事紀文不載傳文則云仁宗卽位以其家河南特授河南江北平章政事佩金虎符終其

身封浚都王則疑其爲卒後追封也今以無追封追贈明文姑列之續通考封建考按

威靈郡王托哩哈仁宗延祐二年十月封賜金印

趙國公和爾齊特穆爾布哈仁宗延祐二年十月封

壽國公呼圖克岱爾仁宗延祐三年正月以前中書左丞相封

魯國公阿爾坦綽克仁宗延祐四年十二月以晉王即泰定帝內史特加金紫光祿大夫封

魯國公邁珠仁宗延祐五年正月以湖廣平章封

桓國公實德哩仁宗延祐五年三月以晉王內史加榮祿大夫封以上元史仁宗本紀

薊國公達實特穆爾延祐七年六月時英宗已即位以知樞密院事封元史英宗本紀

謹按泰定二年十二月又書封開府儀同三司上柱國達實特穆爾薊國公當即此人未知何年

所封爲是續通考封建考按

和國公布塔齊英宗至治元年七月以太尉封

蘭國公塔齊爾英宗至治二年正月封以上元史英宗本紀

朔國公徹伯爾都王保賽音之家臣泰定帝元年十月保賽音言其有功授開府儀同三司封朔國

公賜銀印

和國公阿里默色泰定帝二年二月封

蔡國公張珪弘範之子官中書平章政事泰定二年封刻印以賜四年卒

昭武王和碩泰定二年七月以知樞密院事封郡王止稱郡王無國號文宗天厯二年正月封昭武王時亦稱封

却樞密院事和碩爲昭武王恐秦定帝紀或誤書也諸王表於昭武王位下無此人以上元史秦定帝本紀

梁國公圖烈納秦定三年正月封續通考封建考

謹按秦定紀止云封國公無國邑之號考文宗天厯二年九月有元師梁國公圖烈納之名都朵

音近其爲梁國無疑續通考封建考按

惠國公諾海齊秦定四年三月皇子允丹藏布出鎮北邊命諾海齊商議內史府事故封

某國公庫春秦定四年三月封以上元史秦定帝本紀

岐王索諾木袞布名號見秦定四年七月紀諸王表岐王位下亦有此名餘無可考

寧國王必克楚喇實秦定四年八月有給印事餘無可考

秦王巴延默爾吉濟特氏文宗至順元年以迎立功尙世祖闕出太子女孫曰布延德濟二年封浚

寧王賜金印以汴梁路尉氏縣爲食邑三年又賜陳州順帝元統元年以高郵府爲食邑進封秦王

賜金印至元二年四月又以集慶廬州饒州圖塔哈民戶賜之至元六年二月以罪黜尋安置南恩

州陽春縣死

忠王滿濟爾噶台巴延之弟順帝至元三年議封王爵以兄弟不宜並王辭七年以其子托克托爲

右丞相有功封滿濟爾噶台爲忠王至正七年以議安置甘肅卒

申國公哈喇章托克托子托克托得罪時哈喇章亦安置肅州至正二十二年御史張冲等訟托克

托寬乃召還封中國公

以上續通
封建考

謹按巴延雖有迎立翊戴之功而驕縱專恣有無君之罪賴其姪托克托明於大義滅親之旨為順帝除之至正四年五月詔封托克托為鄭王食邑安豐賜金印俱辭不受惟加達爾罕之號後以讒言安置其父於甘肅托克托同行及後召還以治河功賜淮安路為食邑十四年又以討張士誠老師費財削官爵安置淮安又流雲南哈麻矯詔鳩之二十三年始以御史言召封其子而

托克托前後俱無封號當時國事已急故不暇追封耳

續通考封
建考按

保德郡王特穆爾文宗天曆二年五月以明宗之命錫封

諸王表於保德
王下無此人名

柳城郡王額琳沁八文宗天曆二年封

諸王表有餘無可考
以上續通考封建考

興國公雅克布林文宗天曆二年九月以知樞密院事封

梁國王圖沁特穆爾文宗天曆二年十月以太禧宗禮使封

以上元史
宗本紀

昌寧王伊蘇額布根文宗至順元年四月封桓國公順帝元統二年二月封昌寧王賜金印

元史文
宗順帝

本
紀

謹按紀中雖無進封之文然其名全同必即一人也表中無昌寧王之位

續進考封
建考按

宣寧郡王奈曼台文宗至順元年閏七月官甘肅平章政事封賜金印

元史文
宗本紀

謹按表於宣寧郡王位下有二人其一書額琳特穆爾至順元年封與奈曼台之名迥異無可詳

考額琳特豫爾紀傳中皆不載

續通考封
建考按

武平郡王布哈特穆爾文宗至順元年以知樞密院封薊國公托音文宗至順元年五月以宣政使封

靖公王托琳和塔拉文宗至順元年八月封給以塗金銀印

魯國公趙世延雍古族人阿勒楚爾之孫文宗時官中書平章政事至順元年封魯國公二年改涼

國公順帝至元改元仍封魯國公二年卒

以上元史
文宗本紀

謹按紀文止載初封魯國紀餘皆闕

續通考封
建考按

豐國公齊哩克文宗至順元年八月以內史封

幽國公齊博班文宗至順二年十一月封

以上元史
文宗本紀

岐陽王鄂勒哲特穆爾

人名

宜國公奇爾濟蘇順帝至元元年八月以知樞密院事封

宣德王鼎珠順帝至元元年八月以太保中書平章政事封

諸王表宣德王
位下無鼎珠名

順國公實保齊寒食順帝至正元年十月封

岐王阿爾奇

亦稱阿爾齊巴
順帝至正九年十月命鎮西番
以上元史
順帝本紀

謹按諸王表岐王下無此人名又明史馮勝傳勝師兵出西塞外時元岐王多爾濟巴勒遁去此

不知即岐王阿爾奇之後裔否也續通考封建考按

邠王烏呼與岐王阿爾齊巴同賜物

武國公伯嘉努順帝至正十三年五月以知樞密院事封以上元史順帝本紀

榮國公和尼齊順帝至正十八年官江西左丞以升平章政事加封榮國公夏四月陳友諒來攻江

西和尼齊見城將陷遁去元史道童傳

和寧王婁章順帝至正二十一年官少保知樞密院事以討平叛王阿爾呼木特穆爾封和寧王嶺

北行省丞相鎮北藩

薊國公和尼齊人名以上元史順帝本紀

梁王鄂爾根頴州沈邱人察罕特穆爾之父也順帝時察罕特穆爾被刺死追封忠讓王封其父鄂爾根

為汝陽王後又進封梁王明太祖洪武元年四月圖河南鄂爾根以河東降

河南王庫庫特穆爾頴州沈邱人察罕特穆爾之甥養以為子至正二十二年山東賊刺殺察罕特

穆爾詔繼領其兵二十五年封河南王總天下兵以汝州為食邑二十八年以扈跋不臣削爵邑尋

復之及明兵至太原庫庫特穆爾遁走沙漠

邠國公李思齊順帝至正二十五年正月封許國公皇太子又加封為邠國公以上續通考封建考

賓國公五十八人名

趙國公丁好禮真定蠡州人官中書平章政事順帝至正二十七年封明兵入京城殉難

雲國公邁珠人

賈之王巴咱爾順帝至正二十七年以太師封

蘇濟諾爾順帝至正二十七年以司徒淮南行省平章政事封

阿南王軍軍順帝至正二十七年十月以平章內史封秦國公平章知院溫普人名以上元史順帝本紀

魯文國王魯文恭

梁王聘爾魯爾爵皆已載入其有不能辨其為同異姓者附載於左以見存疑之意又前所列

薩國公味只齊史順帝之紀而餘無可考者亦多不能確知其為異姓如威寧郡王托果齊保德郡

北平魯遜味難史順帝考按

味寧王璽章順帝至正二十

西味只齊貝蘇額額童五月紀云封法喇王為郡王不知其為何族人續通考封

榮國公味只齊順帝至正五十八年官月封續通考

近國公帖嘉魯順帝至正五十九年五月封賜印續通考

張王烏平齊王同順帝至正九年十月封賜印續通考

不味唱翅王阿爾齊齊王同順帝至正九年十月封賜印續通考

謹按此諸王表有世系表無考延祐五年紀云封諸王鴻和特穆爾爲嘉王圖們特穆爾爲武平王並賜印或疑其爲同姓然或爲駙馬亦未可知特古斯布哈亦僅見於泰定三年正月之紀至以樞密院得封之布哈特穆爾則當的是異姓故已列入前矣

續通考封
建考按

保寧王汗濟文宗至順二年十一月以諸王封賜印并以其先所受印賜諸王呼圖克特穆爾之子

庚兀台

續通考
封建考

謹按此諸王表有世系表無不能辨其爲同異姓封年表作天厯二年誤

續通考封
建考按

卯王布延特穆爾文宗至順二年封

續通考
封建考

謹按此世系表無之不可辨其爲同異姓

續通考封
建考按

右不辨同異姓諸王

河西王阿禪姓布斯格爾鴻吉哩氏托音色辰之子也爲太祖國員從征伐有功歲丁亥賜號國員

阿禪諾延壬辰封河西王賜銀印以統其國族仍授萬戶使領之後卒

續通考
封建考

謹按阿禪之子孫多封濟寧王魯王而阿禪生前止封河西王其濟寧王之號則元貞元年追封

故從其身膺之實書之

續通考封
建考按

濟寧郡王特穆爾阿禪之孫世祖至元二十四年以征納延有功封

續通考
封建考

謹按特穆爾傳中並不載其尙主事公主表作尙囊嘉特章公主誤也世祖紀又書二十四年十

一月封駙馬特穆爾為濟寧郡王則又似曾尙主者今以傳文為斷故不書駙馬

續通考封建考按

濟寧王曼濟白亦阿禪之孫尙囊嘉特章公主繼尙裕宗女納木喀巴拉公主成宗元貞元年正月封賜金印魯王瑪阿多阿克巴拉之子尙僧格拉實公主成宗大德十一年封

時武宗即位賜金印至大

三年卒

魯王阿哩雅實哩多阿克巴拉子至大四年

時仁宗即位

襲封尙多爾濟巴勒公主元統元年卒

以上續通考封

建考

謹按文宗紀至順元年閏七月有魯王阿拉克實喇之名當即此人

續通考封建考按

魯王僧格巴拉多阿克巴拉之弟成宗時尙普納公主

即耶安大長公主

至順間封耶安王授金印元統二

年加封魯王

懿國公德喀勒阿禪弟冊之曾孫至元四年封賜銀印

傳中止云至元四年封當是世祖之至元也但按其世次不應早封若此豈封時年尙幼

耶

毓德王

傳作也德今從紀

博囉特穆爾阿禪裔孫名托里者之孫順帝至元二年封賜金印

以上續通考封建考

謹按泰定帝紀二年七月有封駙馬博囉特穆爾為郡王之文當即此人先封郡王後加毓德之

號但傳中不載耳

續通考封建考按

安漢王綽哈阿禪次子伯克之裔孫尙息和塔拉公主仁宗皇慶元年封永豐郡王旋改安遠王以

兵守莽來

威靖王浩里烏齊爾泰定帝后之父泰定二年四月封

以上續通考封建考

謹按此以后父得封諸王表亦稱駙馬列在金印螭紐類公主表無此人考泰定帝后鴻吉哩氏其父爲阿禪孫鄂蘭徹爾見特色辰傳其名與紀中所書小異然后妃傳中泰定帝止此一后則

浩里烏齊爾當卽鄂蘭徹爾也故從其族屬附載於此

續通考封建考按

初鴻吉哩氏族居於庫喀勒溫都爾肯德喀穆爾額爾古納河之地歲甲戌太祖在特默格爾時有

旨分賜阿禪及其弟和和冊等農土

農土猶言經界也

至至元七年阿禪之孫襲萬戶額勒春及其妃囊嘉

特章公主請於朝曰本藩所受農土在上都東北三百里塔喇海子實本藩駐夏之地可建城邑以

居帝從之遂名其城爲應昌府二十二年改爲應昌路元貞元年濟寧王曼濟台亦尙囊嘉特章公

主復與公主請以應昌路東七百里駐冬之地創建城邑復從之大德元年名其城爲全寧路鴻吉

哩之分邑得任其陪臣爲達嚕噶齊者有濟寧路三州一十六縣

濟寧汀州永平各州縣地名全見傳中此不錄

賜也汀州路六縣至元十三年所賜也永平路六縣至大元年所賜也若平江稻田一千五百頃則

至大二年所賜也其應昌全寧等路則自達嚕噶齊總管以下諸官屬皆得專任其陪臣而王人不

與焉此外復有王傅府王傅六人而下其羣屬官以署計者四十餘以員計者七百餘其五戶絲金

鈔之數則濟寧路三萬戶汀州路四萬戶絲以斤計者歲二千二百有奇鈔以錠計者歲一千六百

有奇此所謂歲賜者也

昌王阿實克伊奇喇斯氏追封昌王巴圖之四世孫尙成宗文伊塔哈雅公主復尙憲宗曾孫女滿

達勒公主成宗時封昌王置王府官屬紀作武宗至大元年六月封與傳異其賜金印傳又不載賜金印阿實克卒其子巴拉實

哩襲封尙雅克哈雅公主泰定元年四月命往鎮阿南達昔所居地

懿德王實喇卜多爾濟巴拉實哩之子尙伊嚕公主文宗至順二年八月封賜塗金銀印後進襲昌

王以上續通考封建考

謹按巴圖傳生前止以功封冠懿二州不言何官歿後始進昌王其子繼勒噶孫扎古喇沁曾孫和琳

皆於歿後始襲封昌王直至阿實克始身膺封爵觀置王府官屬事其以前並未開府可知故皆

不列至實喇卜多爾濟之進封昌王紀文不載考文宗至順二年三月尙有昌王巴拉實哩之名

則當父存時先封懿德父歿後進襲昌王也續通考封建考按

寧昌郡王蘇都爾格巴圖之後其兄爲布哈布哈之父爲特默格表中尙魯爾于公主又尙羅壘公

主世祖至元二十二年正月封賜龜紐銀印其子布琳濟達尙卜顏奇爾默色公主亦封寧昌郡王

布琳濟達封年紀文無考專據表書

北平王鎮國汪古部人阿勒古斯托克塔古哩此追封高唐王者之姪太祖時封鎮國卒子尼固爾台襲尙

睿宗女塔瑪噶公主

阿爾古斯托克塔古哩納欵太祖後歸鎮本部爲人所殺其妻攜幼子巴約特與姪鎮國來巴約特尙幼故先封其姪

北平王巴約特幼從攻西域還封北平王尙阿拉克心濟公主

兩次封年紀傳皆無考

鄒王尼古爾岱鎮國之子尙塔瑪噶公主田北平王進封

高唐王奇爾濟蘇巴約特次子阿爾布哈之子尙呼圖克台默色公主繼尙阿裕實哩公主有戰功

成宗卽位封給金印大德二年以乘勝深入爲西北敵兵所執不屈死之

成宗大德三年十一月紀書賜諸王

高唐王摩和納奇爾濟蘇之弟尙阿實克圖噶公主兄歿兄之子幼故詔令襲封

烏呼訥銀印或賜銀印以上續通考亦卽此人也

謹按諸王表卽王位下載哲古訥駙馬至大二年襲封考此事紀傳皆無之哲古訥當卽此摩和

納卽與高唐二號名異而實同其必先封高唐後又襲卽王之一字王也至大二年則又當進趙

王而以讓專云

續通考封建考按

趙王專奇爾濟蘇之子尙晉王女喇特納巴拉公主武宗至大二年摩和納當進封趙王卽以讓專

遂封趙王

續通考封建考

謹按諸天表趙王位下書主忽駙馬至大元年封當卽摩和訥之誤

續通考封建考按

趙王阿噶圖仁宗延祐元年三月封趙王滿濟勒噶勒巴約特之曾孫

準布哈之子囊嘉特之子

泰定元年封天

趙王阿噶圖仁宗延祐元年三月封趙王滿濟勒噶勒巴約特之曾孫

封建

約雅堂藏板

厥元年承上都之命起兵南侵被執又有趙王博囉至順二年三月有趙王巴哩納食邑事餘俱無考續通考封建考

謹按阿爾古斯托克塔古哩之族公主表中皆稱趙國然阿爾古斯托克塔古哩與其子巴約特

皆薨後始追封高唐王巴約特則又進趙王奇爾濟斯亦於薨後追封趙王直至專始得身膺趙

王之號也又公主表中載巴約特子準布哈爾布哈準布哈之子囊嘉特又準布哈之弟察克

布哈傳中巴約特子無察克布哈名皆稱趙王考之紀傳皆不見其受封事不列至博囉一人其名僅見於紀

他無可徵然既稱趙王則必其一族故亦附書續通考封建考按

高昌王納琳德濟巴哩珠阿爾坦德濟伊都呼之四世孫也尙太宗女孫布爾罕公主巴拜徹爾公

主又尙安西王女烏拉噶公主武宗朝嗣爲伊都呼賜金印仁宗始封爲高昌王別以金印與之設

王傳官其王印行諸內都伊都呼印行諸輝和爾之地延祐五年卒

高昌王特穆爾布哈納琳德濟長子也大德中尙庫騰太子孫女多爾濟斯滿公主延祐時襲封

高昌王沁結亦納琳德濟子文宗時封年未詳襲兄之封至順三年五月薨其弟太平努襲

高昌王伊嚕特穆爾封年未詳順帝至正十三年六月薨詔其子僧格襲見順帝紀又有高昌王舒蘇德濟其

子爲荆南王多喇德濟以上續通考封建考

謹按高昌國主本號伊都呼巴哩琳阿爾坦德濟與其子伊嚕勒德濟孫茂穆爾德濟曾孫和爾

齊哈喇德濟是爲納琳德濟之父雖皆繼世襲爵然止循舊號未有高昌王之名故皆不載其後襲高昌王

之事傳中敘至沁結而止公主表亦無可考其太平努以下五人皆專據紀文與忠義傳載入惟

是傳中止言納琳德濟有子二人而紀文又云沁結後其弟襲位諸王表載至則當不止二人太平努而止

矣伊嚕特穆爾之上距太平努行輩封年皆無可徵中間不知更有傳襲之人否忠義巴延布哈

德濟傳云是駙馬都尉中書丞相封高昌王舒蘇德濟之孫駙馬都尉江浙行省丞相封荆南王

多喇德濟之子舒蘇德濟之輩行封襲亦無可考又水東日記載高昌王世勳碑云特穆爾布哈

長子布達實哩嗣高昌王此則紀傳表中皆無一載者故不以列入而存其語於此續通考封建考按

寧僕郡王昌吉尙耶國大長公主孟克台成宗紀作下嫁岐王圖卜特穆爾非昌吉也未知孰是世祖至元二十四年二月封

岐王圖卜特穆爾公主表云尙爵格巴拉拉公主成宗紀作尙孟克台公主未成宗大德十年五月封

濮陽王賜金印仁宗皇慶元年十一月進封岐王以上續通考封建考

謹按濮陽王圖卜特穆爾與岐王托克托穆爾分見於成宗仁宗之紀不云進封諸王表云由濮

陽進封岐王自當不誤但仁宗皇慶元年十一月書封駙馬托克托穆爾為岐王而諸王表作延

祐四年進封則異矣續通考封建考按

昭武郡王駙馬赫伯成宗大德十年正月封其所尙主及氏族皆不可考續通考封建考

齊國公約蘇武宗至大三年二月以尙書左丞相駙馬都尉封仁宗即位尙書省言其變亂舊章伏

誅元史武宗仁宗本紀

元史武宗仁宗本紀 卷一百三十一 封建 約雅堂藏板

永宣王瑪展尙鄂勒哲台公主文宗至順元年閏七月封賜金印續通考

鄂國公駙馬錦濟勒文宗至順元年閏七月封元史文宗本紀

謹按此僅見文宗紀餘無可徵其所尙主當亦鄂國公主位但表中不載續通考

雍王婁達實順帝時官御史大夫因監察御史劾宦官保布哈事為帝所怒以帝之母舅故封為雍

王遣歸國匿於叛臣博羅特穆爾軍中同稱兵犯闕復命為中書平章尋伏誅續通考

右外戚封建

謹按元時崇尙釋教封帝師國師而下即有王公之封如武宗至大二年十二月封西僧瑪爾布

允則為寧國王賜金印二年十月封伊琳沁策喇實為文國公賜金印英宗至治元年十二月封

索諾木藏布為白蘭王賜金印至泰定三年四月又稷書錫王爵文宗天厯二年十一月西夏僧總特封國公瓊

布卒以其弟嘉勒燦巴勒藏布襲仍賜印章之類雖皆見於紀文然非中居官得封終不可入之

列爵分土之內故皆不載續通考

右涓流封爵

又按元代於乳保之勞加恩優渥如成宗即位之年六月封乳母夫巴延巴延為冀國公武宗即

位之年五月封皇太子乳母夫楊燕家勞為壽國公仁宗即位之年五月改封乳母夫楊德榮即燕

家勞為雲國公虞集傳文宗時封乳母夫為營都王奸臣哈瑪爾傳其父為圖噶其母為寧宗乳母

故封圖魯英國公之類出自私恩原非令典至若英宗至治三年二月封鷹師布哈爲趙國公則

更無稽矣故亦不載

續通考封
建考按

右乳保封爵



二十四史九通政典類要合編卷二百三十九

元三

職官

官制總敘 宰相 吏部 戶部 禮部 兵部 刑部 工部 樞密院 大都督府
御史臺 廉訪司 大宗正府 大司農司 大兵農司 大都督兵農司 國史院

翰林院

內入府宰相 集賢院 宣政院 宣慰使司 宣慰院 大禮宗禮院 起

太常禮儀院

典瑞院 太史院 太醫院 奎章閣學士院 藝文監 侍正府 內

居法

將作院 通政院 中政院 儲政院 都成衛使司 衛候直都指揮使 內

守司

諸總管府 都運府 崇瀆司 內史府 萬戶都總使司 諸驛馬 大御宿

宣寺

上都留守司 武備寺 太僕寺 尙乘寺 長信寺 長秋寺 承慶寺 長

司天監

回回司天監 行中書省 儒學提舉司 官醫提舉司 鹽運使司 鹽

提舉司

市舶提舉司 茶鹽轉運司 運糧萬戶府 諸路總管 府州牧制史 鹽

提舉司

勸諭 提舉司 勸諭 提舉司 勸諭 提舉司 勸諭 提舉司 勸諭 提舉司 勸諭 提舉司

提舉司

勸諭 提舉司 勸諭 提舉司 勸諭 提舉司 勸諭 提舉司 勸諭 提舉司 勸諭 提舉司

提舉司

勸諭 提舉司 勸諭 提舉司 勸諭 提舉司 勸諭 提舉司 勸諭 提舉司 勸諭 提舉司

提舉司

勸諭 提舉司 勸諭 提舉司 勸諭 提舉司 勸諭 提舉司 勸諭 提舉司 勸諭 提舉司

提舉司

勸諭 提舉司 勸諭 提舉司 勸諭 提舉司 勸諭 提舉司 勸諭 提舉司 勸諭 提舉司

提舉司

勸諭 提舉司 勸諭 提舉司 勸諭 提舉司 勸諭 提舉司 勸諭 提舉司 勸諭 提舉司

元太祖起自朔土統有其眾部落野處非有城郭之制國俗淳厚非有庶事之繁惟以萬戶統軍旅以斷事官治政刑任用者不過一二親貴重臣耳及取中原太宗始立十路宣課司選儒術用之金人來歸者因其故官若行省若元帥則以行省元帥授之草創之初固未暇為經久之規矣世祖即位登用老成大新制作立朝儀造都邑遂命劉秉忠許衡酌古今之宜定內外之官其總政務者曰中書省秉兵柄者曰樞密院司黜陟者曰御史臺體統既立其次在內者則有寺有監有衛有府在外者則有行省有行臺有宣慰司有廉訪司其牧民者則曰路曰府曰州曰縣官有常職位有常員其長則蒙古人為之而漢人南人貳焉於是一代之制始備百年之間子孫有所憑藉矣大德以後

職官

約雅堂藏板

承平日久彌文之習勝而質簡之意微僥倖之門多而方正之路塞官冗於上吏肆於下言事者屢

疏論列而朝廷訖莫正之

元史百官志

元一萬六千四百二十五員

續通典職官典

右官制總敘

元之相職較前代獨多曰中書令曰左右丞相曰平章政事曰左右丞曰參政雖分長貳皆佐天子出令

續通典職官典

中書令一員銀印典領百官會決庶務太宗以相臣爲之世祖以皇太子兼之

右丞相左丞相各一員正一品銀印統六官率百司居令之次令缺則總省事佐天子理萬機國初職名未創太宗始置右丞相一員左丞相一員世祖中統元年置丞相一員二年復置右丞相二員左丞相二員至元二年增置丞相五員七年立尙書省置丞相二員八年罷尙書省乃置丞相二員二十四年復立尙書省其中書省丞相二員如故二十九年以尙書再罷專任一相武宗至大二年復置尙書省丞相二員中書丞相二員四年尙書省仍歸中書丞相凡二員自後因之不易文宗至順元年專任右相其一或置或不置

平章政事四員從一品掌機務貳丞相凡軍國重事無不由之世祖中統元年置平章二員二年置平章四員至元七年置尙書省設尙書平章二員八年尙書併入中書平章復設三員二十三年詔濤兀職平章汰爲二員二十四年復尙書省中書尙書兩省平章各二員二十九年罷尙書省增中

書平章爲五員而一員爲商議省事三十年又增平章爲六員成宗元貞元年改商議省事爲平章
軍國重事武宗至大二年再立尙書省平章三員中書五員四年罷尙書省歸中書平章仍五員文
宗至順元年定置四員自後因之

右丞一員正二品左丞一員正二品副宰相裁成庶務號左右轄世祖中統二年置左右丞各一員
三年增爲四員至元七年立尙書省中書右丞左丞仍四員八年尙書併入中書省左右丞各一員
二十二年汰冗職右左丞如故二十四年復立尙書省右左丞各一而中書省缺員二十八年復罷
尙書省三十年設右丞二員而一員爲商議省事成宗元貞年右丞商議省事者又以昭文大學
士與中書省事武宗至大一年復立尙書省右左丞二員中書右左丞五員四年罷尙書右左丞中
書右左丞止設四員文宗至順元年定置右丞一員左丞一員而由是不復增損

叅政二員從二品副宰相以叅大政而其職亞於右左丞世祖中統元年始置叅政一員一年增爲
二員至元七年立尙書省叅政三員八年尙書併入中書叅政二員二十三年汰冗職叅政二員如
故二十四年復立尙書省叅政二員中書叅政二員二十八年罷尙書省叅政武宗至大二年復置
尙書省叅政二員中書叅政二員四年併尙書省入中書叅政三員文宗至順元年定叅政爲二員
自後因之

叅議中書省事秩正四品典左右司文牘爲六曹之管轄軍國重事咸預決焉中統元年始置一員

至元二十二年累增至六員大德元年止置四員後遂爲定額其治曰叅議府令史二人

右宰相

吏部尙書三員正三品侍郎二員正四品郎中二員從五品員外郎二員從六品掌天下官吏選授之政令凡職官銓綜之典吏員調補之格封勳爵邑之制考課殿最之法悉以任之世祖中統元年以吏戶禮爲左三部尙書二員侍郎二員郎中四員員外郎六員至元元年以吏禮自爲一部尙書三員侍郎仍二員郎中仍四員員外郎三員三年復爲左三部五年又合爲吏禮部尙書仍二員侍郎郎中員外郎各一員七年始列尙書六部吏部尙書一員侍郎一員郎中二員員外郎二員八年仍爲吏禮部尙書侍郎郎中各一員員外郎仍二員十三年分置吏部尙書增置七員侍郎三員郎中二員員外郎四員十九年尙書裁爲二員侍郎一員郎中一員員外郎二員二十一年尙書三員侍郎一員郎中員外郎如故二十三年定六部尙書侍郎郎中員外郎員外郎各二員二十八年增尙書爲三員主事三員蒙古必闡赤三人令史二十五人回回令史二人怯里馬赤一人知印二人奏差六人蒙古書寫二人銓寫五人典史一十九人

右吏部

戶部尙書三員正三品侍郎二員正四品郎中二員從五品員外郎三員從六品掌天下戶口錢糧田土之政令凡貢賦出納之經金幣轉通之法府藏委積之實物貨貴賤之直歛散准駁之宜悉以

任之中統元年以吏戶禮爲左三部尙書二員侍郎二員郎中四員員外郎六員至元元年分立戶部尙書三員侍郎郎中四員員外郎省爲三員三年復爲左三部五年復分爲戶部尙書一員侍郎郎中各一員員外郎又省爲二員七年始列尙書六部尙書二員侍郎二員郎中二員員外郎如故十三年尙書增置一員侍郎郎中員外郎如故十九年郎中員外郎俱增至四員二十三年六部尙書侍郎郎中定以二員爲額明年以戶部所掌視他部特爲繁劇增置二員成宗大德五年省尙書一員員外郎亦省一員各設三員主事八員蒙古必闡赤七人令史六十一人回回令史六人怯里馬赤一人知印二人奏差三十二人蒙古書寫一人典史二十二人司計官四人

右戶部

禮部尙書三員正三品侍郎一員正四品郎中二員從五品員外郎二員從六品掌天下禮樂祭祀朝會燕享貢舉之政令凡儀制損益之文符印簡冊之信神人封諡之法忠孝貞義之褒送迎聘好之節文學僧道之事婚姻繼續之辨音藝膳供之物悉以任之世祖中統元年以吏戶禮爲左三部置尙書二員侍郎二員郎中四員員外郎六員總領三部之事至元元年分立爲吏禮部尙書二員侍郎仍二員郎中仍四員員外郎四員七年別立禮部尙書三員侍郎一員郎中二員員外郎如舊明年又合爲吏禮部十三年又別爲禮部二十三年六部尙書侍郎郎中員外郎定以二員爲額成宗元貞元年復增尙書一員領會同館事主事二員蒙古必闡赤二人令史一十九人回回令史二

人怯里馬赤一人知印二人奏差十二人典吏三人

右禮部

刑部尙書三員正三品侍郎二員正四品郎中二員從五品員外郎二員從六品掌天下刑名法律之政令凡大辟之按覆繫囚之詳獻孳收產沒之籍捕獲功賞之式冤訟疑罪之辨獄具之制度律令之疑議悉以任之世祖中統元年以兵刑工爲右三部置尙書二員侍郎二員郎中五員員外郎五員以郎中員外郎各一員專署刑部至元元年析置工部而兵刑仍爲一部尙書四員侍郎仍二員郎中四員員外郎置五員三年復爲右三部七年始別置刑部尙書一員侍郎一員郎中一員員外郎二員八年改爲兵刑部十三年又爲刑部二十三年六部尙書侍郎郎中員外郎定以二員爲額大德四年尙書增置一員其首領官則主事三員吏屬則蒙古必闌赤四人令史三十人回回令史二人怯里馬赤一人知印二人奏差十人書寫三人典吏七人

右刑部

兵部尙書三員正三品侍郎二員正四品郎中二員從五品員外郎二員從六品掌天下郡邑郵驛屯牧之政令凡城池廢置之故山川險易之圖兵站屯田之籍遠方歸化之人官私芻牧之地馳馬牛羊鷹隼羽毛皮革之徵驛乘郵運祗應公廨皂隸之制悉以任之世祖中統元年以兵刑工爲右三部置尙書二員侍郎二員郎中五員員外郎五員總領三部之事至元元年別置工部以兵刑自

爲一部尙書四員侍郎三員郎中如舊員外郎五員三年併爲右三部五年復爲兵刑部尙書二員
省侍郎二員郎中如故員外郎一員七年始列六部尙書一員侍郎仍舊郎中一員員外郎仍一員
明年又合爲兵刑部十三年復折兵部二十三年定尙書侍郎郎中員外郎以二員爲額至治三年
增尙書一員主事二員蒙古必闌赤二人令史十四人回回令史一人怯里馬赤一人知印二人奏
差八人典吏三人

右兵部

工部尙書三員正三品侍郎二員正四品郎中二員從五品員外郎二員從六品掌天下營造百工
之政令凡城池之脩濬土木之繕葺材物之給受工匠之程式銓注局院司匠之官悉以任之世祖
中統元年右三部置尙書二員侍郎二員郎中五員員外郎五員內二員專署工部事至元元年始
分立工部尙書四員侍郎三員郎中四員員外郎五員三年復合爲右三部七年仍自爲工部尙書
二員侍郎仍二員郎中三員員外郎如舊二十三年定尙書侍郎郎中員外郎各以二員爲額明年
以曹務繁冗增尙書二員二十八年省尙書一員首領官主事五員蒙古必闌赤六人令史四十二
人回回令史四人怯里馬赤一人知印一人奏差三十人蒙古書寫一人典吏七人又司程官四員
右三部照磨一員典吏七人

以上元史百官志
續通典續通考同

右工部

樞密院秩從一品掌天下兵甲機密之務凡宮禁宿衛邊庭軍翼征討戍守簡閱差遣舉功轉官節制調度無不由之世祖中統四年置樞密副使二員僉書樞密事一員至元七年置同知樞密院事一員院判一員二十八年始置知院一員增院判一員又以中書平章商量院事大德十年增置知院二員同知五員副樞五員僉院五員同僉三員院判二員至大三年知院七員同知二員副樞二員僉院一員同僉一員院判二員革去議事本韋延祐四年以分鎮北邊增知院一員五年增同知一員後定置知院六員從一品同知四員正二品副樞二員從二品僉院二員正三品同僉二員正四品院判二員正五品參議二員正五品經歷二員從五品都事四員正七品承發兼照磨二員正八品架閣庫管勾一員正九品同管勾一員從九品掾史二十四人譯史一十四人通事三人司印二人宣使一十九人銓寫二人蒙古書寫二人典史一十七人院醫二人

各省使秩從五品大使二員副使二員至元十四年置大使一員十六年增一員二十一年置副使一員延祐五年增一員天曆元年又增一員尋定置大使二員從五品副使二員從六品令史二人

斷事官秩正三品掌處決軍府之獄訟至元元年始置斷事官二員八年增二員十九年又增一員二十年又增二員大德十一年又增四員皇慶元年省二員後定置斷事官八員正三品經歷一員從七品令史六人譯史一人通事知印奏差典史各一人

行樞密院國初有征伐之事則置行樞密院大征伐則止曰行院爲一方一事而設則稱某處行樞密院或與行省代設事已則罷

西川行樞密院中統四年始置設官二員管四川軍民課稅交鈔打捕廳房人匠及各投下應管公事節制官吏諸色人等并軍官遷投征進等事始置於成都至元十年又於重慶別置東川行樞密院設官一員十三年併爲一院尋復分東川行院十六年罷兩川行院二十八年復立四川行院於成都

江南行樞密院至元十年罷河南省統軍司漢軍都元帥山東行院置荆湖等路行院設官三員淮西行院設官二員掌調度軍馬之事十二年罷行院十九年詔於揚州岳州俱立行院各設官五員二十一年立沿江行院二十二年立江西行院馬軍戍江州步軍戍撫州二十八年徙岳州行院於鄂州徙江淮行院於建康其後行院悉併歸行省

甘肅行樞密院至大四年置行院於甘州爲甘肅等處行樞密院設官四員提調西路軍馬後以甘肅省丞相提調遂罷行院

河南行樞密院致和元年分置專管調遣之事天曆元年罷

嶺北行樞密院天曆二年置知院一員同知二員副樞一員僉院二員同僉一員院判二員經歷一員都事二員蒙古必闡赤四人掾史二人怯里馬赤一人知印一人宣使四人掌邊庭軍務凡大小

事宜悉從裁決

右衛秩正三品中統三年初置武衛至元元年改爲侍衛八年改爲左右中三衛掌宿衛扈從兼屯田國有大事則調度之二十年增都指揮使一員副都指揮使一員二十一年置僉事二員大德十一年增都指揮使二員副都指揮使一員至大元年增都指揮使三員副都指揮使一員四年省都指揮使五員副都指揮使二員後定置都指揮使三員正三品副都指揮使二員從三品僉事二員正四品經歷二員從七品知事二員照磨一員俱從八品令史七人譯史通事知印各一人又其屬十有五

元史百官志

右樞密院

大都督府正二品管領左右欽察兩衛龍翊侍御東路蒙古軍元帥府東路蒙古軍萬戶府哈刺魯萬戶府天曆二年始立欽察親軍都督府秩從二品後改大都督府置大都督三員正二品同知二員正三品副都督三員從三品僉都督事二員正四品經歷二員從六品都事二員從七品管勾一員照磨一員俱正八品令史八人蒙古必闌赤二人怯里馬赤二人知印二人宣使六人

右欽察衛秩正三品至元二十三年依河西等衛例立欽察衛設官十員至治二年分爲左右衛天曆二年撥隸大都督府定置達魯花赤一員正三品都指揮二員正三品副使二員從三品僉事二員正四品經歷二員從七品知事二員照磨二員並從八品令史七人譯史通事知印各一

人鎮撫一員

行軍千戶十八所達魯花赤各一員千戶三十六員百戶一百八十員彈壓一十八員

屯田千戶所二達魯花赤二員千戶二員百戶二十員彈壓二員

門尉二員

儒學教授一員至大四年始置蒙古字教授一員延祐四年始置

左欽察衛秩正三品至治二年依阿速衛例分爲兩衛設官十員天曆二年撥隸大都督府定置衛官都指揮使三員正三品副都指揮二員從三品僉事二員正四品經歷二員從七品知事二員照磨一員從八品令史七人譯史通事知印各一人屬官鎮撫二員

行軍千戶所一十翼千戶一十員百戶八十二員彈壓九員奧魯官四員

守城千戶所一翼達魯花赤一員千戶一員百戶九員彈壓一員

屯田千戶所一翼達魯花赤一員千戶一員百戶十員彈壓一員

教官儒學教授一員

龍翔侍衛親軍都指揮使司秩正三品天曆元年始立設官十四員二年又置愛馬知事一員又
以左欽察衛唐吉失九千戶隸本衛定置官都指揮使三員正三品副都指揮使二員從三品僉
事二員正四品經歷一員從七品知事二員照磨一員並從八品令史七人譯史二人怯里馬赤

二人知印二人鎮撫二員

行軍千戶所九翼達魯花赤一員千戶六員副千戶一員百戶四十五員彈壓五員

屯田一翼欽察千戶所達魯花赤一員千戶一員百戶二十二員彈壓二員

教官二蒙古字教授一員儒學教授一員

哈刺魯萬戶府掌守禁門等處應直宿衛至元二十四年招集哈刺魯軍人立萬戶府尋移屯襄

陽後征交趾大德二年置司南陽天曆三年奏隸大都督府定置官達魯花赤一員萬戶一員經

歷知事各一員提控案牘一員鎮撫一員吏目一員

元史百官志

右大都督府

御史臺秩從一品大夫二員從一品中丞二員正一品侍御史二員從二品治書侍御史二員從二

品掌糾察百官善惡政治得失至元五年始立臺建官設官七員大夫從二品中丞從三品侍御史

從五品治書侍御史從六品典事從七品檢法二員獄丞一員七年改典事爲都事十九年罷檢法

獄丞二十一年陞大夫爲從一品中丞爲正三品侍御史爲正五品治書侍御史爲正六品二十七年大夫

以下品從各陞一等始置經歷一員大德十一年陞中丞爲正二品侍御史爲從二品治書侍御史

爲正三品皇慶元年增中丞爲三員二年減一員至治二年大夫一員後定置御史大夫二員中丞

二員侍御史二員治書侍御史二員品秩如上經歷一員從五品都事二員正七品照磨一員正八

品承發管勾兼獄丞一員正八品架閣庫管勾兼承發一員正九品掾史一十五人譯史四人知印
二人通事二人宣使十人臺醫二人蒙古書寫二人典史六人庫子二人其屬有二

殿中司殿中侍御史二員正四品至元五年始置秩正七品後陞正四品凡大朝會百官班序其
失儀失列則糾罰之在京百官到任假告事故出三日不報者則糾舉之大臣入內奏事則隨以
入凡不可與聞之人則糾避之知班四人通事譯史各一人

江南諸道行御史臺設官品秩同內臺至元十四年始置江南行御史臺于揚州尋徙杭州又徙江
州二十三年遷于建康以監臨東南諸省統轄各道憲司而總諸內臺初置大夫中丞侍御史治書
侍御史各一員統淮東淮西湖北荆東荆西江東江西湖南八道提刑按察司十五年增江南湖北
嶺南廣西福建廣東三道二十三年以淮東淮西山南三道撥隸內臺三十年增海北海南一道大
德元年定爲江南諸道行御史臺設官九員以監江荆江西湖廣三省統江東江西荆東荆西湖南
湖北廣東廣西福建海南十道大夫一員中丞二員侍御史二員治書侍御史二員經歷一員都事
二員照磨一員架閣庫管勾一員承發管勾兼獄丞一員令史一十六人譯史四人圓圓掾史通事
知印各二人宣使十人典史庫子臺醫各有差

察院品秩如內察院至元十四年置監察御史十員二十三年增蒙古御史十四員書吏十四人
又增漢人御史四員書吏四人後定置御史二十八員書吏二十八人

陝西諸道行御史臺設官品秩同內臺至元二十七年始置雲南諸路行御史臺官止四員大德元年移雲南行臺於京兆爲陝西行臺而雲南改立廉訪司延祐元年罷一年復立統漢中隴北四川雲南四道定置大夫一員御史中丞二員侍御史二員治書侍御史二員經歷一員都事二員照磨一員架閣庫管勾一員承發司管勾兼獄丞一員掾史一十二人蒙古必闡赤二人回回掾史一人通事二人知印一人宣使十人典史五人庫子二人

百官志

雄飛言於世祖曰古有御史臺爲天子耳目凡政事得失民間疾苦皆得言百官姦邪不職者卽聽

糾劾如此則紀綱舉天下治矣帝善之

元史張雄飛傳

阿哈瑪特言庶務責成各路錢穀付之轉運必繩治之事何由辨希憲曰立臺察古制內則彈劾姦邪外則察視非常訪求民瘼裨益國政事無大於此者若欲罷之必使上下專恣貪暴公行然後可

耶阿哈瑪特語塞

廉希憲傳

至元十六年阿里布復請行臺呈行省比內臺呈都省例詔集朝臣議之文用曰御史臺譬如卧虎雖未噬人人猶畏其爲虎一旦推抑之則風采銷然無復望矣伊賁特穆爾亦言其不可事遂寢

用傳

至元十九年或言臺臣今惟御史有言臣以爲臺官皆當建白又選用臺察若由中書必有偏倚合從本臺選擇御史初用漢人十六人今用蒙古十五人相參巡歷從之

崔武傳

察院監察御史三十二人司耳目之寄任刺舉之事至元五年始置御史十一人悉以漢人爲之八年增置六人十九年增置一十六人始參用蒙古人爲之二十二年參用南儒二人至正三年詔作新風憲在內之官有不法者監察御史劾之在外之官有不法者行臺御史劾之歲以八月終出巡

四月中還司

續通考
百官考

輟耕錄曰監察御史署銜無御史臺三字以爲天子耳目之官非御史大夫以下可制也行臺則不

然

續通考
百官考

右御史臺

肅政廉訪司國初立提刑按察司四道曰山東東西道曰河東陝西道曰山北東西道曰河北河南道至元六年以提刑按察司兼勸農事八年置河東山西道陝西四川道十二年分置燕南河北道十三年以省併衙門罷按察司十四年復置增立八道曰江北淮東道曰淮西江北道曰山南江北道曰浙東海右道曰江南浙西道曰江東建康道曰江西湖東道曰嶺北湖南道十五年復增三道曰江南湖北道曰嶺南廣西道曰福建廣東道十九年增西蜀四川道二十年增海北廣東道改福建廣東道曰福建閩海道以雲南七路置雲南道以女真之地置海西遼東道二十三年以淮東淮西山南三道撥隸內臺二十四年增河西隴右道是年罷雲南道二十五年罷海西遼東二十七年以雲南按察司所治立雲南行御史臺二十八年改按察司曰肅政廉訪司大德元年徙雲南行臺

于陝西復立雲南道三十年增海北海南道其後遂定爲二十二道每道兼訪使二員正三品副使
二員正四品僉事四員兩廣海南止二員正五品經歷一員從七品知事一員正八品照磨兼管勾
一員正九品書吏十六人譯史通事各一人奏差五人典史二人

內道八隸御史臺

山東東西道濟南路置司

河東山西道冀寧路置司

燕南河北道眞定路置司

江北河南道汴梁路置司

山南江北道中興路置司

淮西江北道廬州路置司

江北淮東道揚州路置司

山北遼東道大寧路置司

江南十道隸江南行臺

江東建康道寧國路置司

江西湖東道龍興路置司

江南浙西道杭州路置司

浙東海右道婺州路置司

江南湖北道武昌路置司

嶺北湖南道天臨路置司

嶺南廣西道靜江府置司

海北廣東道廣州路置司

海北海南道雷州路置司

福建閩海道福州路置司

陝西四道隸陝西行臺

陝西漢中道鳳翔府置司

河西隴北道甘州路置司

西蜀四川道成都路置司

雲南諸路道中慶路置司

右廉訪司

大宗正府秩從一品國初未有官制首置斷事官曰札魯忽赤會決庶務凡諸王駙馬投下蒙古色目人等應犯一切公事及漢人姦盜詐偽蠱毒厭魅誘掠逃廬輕重罪囚及違遠出征官吏每歲從駕分司上都存留住冬諸事悉掌之至元二年置十員三年置八員九年降從一品銀印止理蒙古公事以諸王爲府長餘悉御位下及諸王之有國封者又有怯薛人員奉旨署事別無預受宣命十四年置十四員十五年置十三員二十一年置二十一員二十二年增至三十四員二十八年增至四十六員大德四年省五員十一年四十一員皇慶元年省二員以漢人刑名歸刑部泰定元年復命兼理置札魯忽赤四十二員令史改爲掾史致和元年以上都大都所屬蒙古人并怯薛軍站色目與漢人相犯者歸宗正府處斷其餘路府州縣漢人蒙古色目詞訟悉歸有司刑部掌管正官札魯忽赤四十二員從一品郎中二員從五品員外郎二員從六品都事二員從七品承發架閣庫管勾一員從八品掾史十人蒙古必闌赤十三人通事知印各三人宣使十人蒙古書寫一人典史二人庫子一人醫人一人司獄二員

元史百官志續
通典通考同

右大宗正府

大司農司秩正二品凡農桑水利學校饑荒之事悉掌之至元七年始立置官五員十四年罷以按察司兼領勸農事十八年改立農政院置官六員二十年又改立務農司秩從三品置達魯花赤一

員務農使一員同知二員是年又改司農寺達魯花赤一員司農卿二員司丞一員二十三年仍爲大司農司秩仍正二品大德元年增領大司農事一員皇慶二年陞從一品增大司農一員定置大司農四員從一品大司農卿二員正二品少卿二員從二品大司農丞二員從三品經歷一員從五品都事二員從七品架閣庫管勾一員照磨一員並正八品掾史十二人蒙古必闡赤二人回回掾史一人知印二人通事一人宣使一人典史五人

籍田署秩從六品掌耕種籍田以奉宗廟祭祀至元七年始立隸大司農十四年罷司農隸太常寺二十三年復立大司農司仍隸焉署令一員從六品署丞一員從七品司吏一人

供膳司秩從五品掌供給應需貨買百色生料并桑哥籍入質產至元二十二年始置隸司農置達魯花赤一員提點一員並從五品司令一員正六品丞一員正七品吏一人

輔用庫秩正九品掌規運息錢以給供需大使一員副使一員

與中州等處油戶提領所秩從九品提領一員大使一員副使一員歲辦油十萬斤以供內庖至元二十九年始置

蔚州麵戶提領所提領一員副使一員掌辦白麵葱菜以給應辦歲計十餘萬斤 右屬供膳

永平屯田總管府秩從三品達魯花赤一員總管一員同知一員知事一員司吏四人至元二十四年始立於永平路南馬城縣以北京採木三千人隸之所轄昌國濟民豐贍三署各置署令一

員署丞一員直長一人吏目二人吏二人

元史百官志

分司農司至正十三年正月命中書左右丞兼大司農卿給分司農司印西自西山南至保定河間北至檀順州東至遷民鎮凡係官地及元管各處屯田悉從分司農司立法募民佃種之

續通考百官考

右大司農司

大兵農司至正十五年詔有水田去處置大兵農司招誘夫丁有事則乘機招討無事則栽植播種所置司之處曰保定等處曰河間等處曰武清等處曰京薊等處其屬有兵農千戶所共二十四處百戶所共四十八處鎮撫司各一

續通考百官考

右大兵農司

大都督兵農司至正十九年二月置於西京以博囉特穆爾領之從其所請也仍置分司十道專掌屯田之事團練安撫勸農使司至正十八年九月增置

右大都督兵農司

翰林兼國史院秩正二品中統初以王鶚為翰林學士未立官署至元元年始置秩正三品六年置承旨三員學士二員侍讀學士二員侍講學士二員直學士二員八年陞從二品十四年增承旨一員十六年增侍讀學士一員十七年增承旨二員二十年省併集賢院為翰林國史集賢院二十一年增學士二員二十二年復分立集賢院二十三年增侍講學士一員二十六年置官吏五員掌管

教習亦思替非文字二十七年增承旨一員大德九年陞正二品改典簿爲司直置都事一員至大元年置承旨九員皇慶元年陞從一品改司直爲經歷延祐元年別置回回國子監學以掌亦思替非官屬歸之五年置承旨八員後定置承旨六員從一品學士二員正二品侍讀學士二員從二品侍講學士二員從二品直學士二員從三品屬官待制五員正五品修撰三員從六品應奉翰林文字五員從七品編修官十員正八品檢閱四員正八品典籍二員正八品經歷一員從五品都事一員從七品掾史四人譯史通事知印各二人蒙古書寫五人書寫十人接手書寫十人典史三人典書二人

元史百官志
通考通典同

文宗至順二年帝欲取國史閣之編修官呂思誠曰國史記當代人君善惡自古無天子取觀之理遂止

文宗本紀

右國史院

蒙古翰林院秩從二品掌譯寫一切文字及頒降璽書並用蒙古新字仍各以其國字副之至元八年始立新字學士於國史院十二年別立翰林院置承旨一員直學士一員待制二員修撰一員應奉四員寫聖旨必闕赤十有一人令史一人知印一人十八年增承旨一員學士三員省漢兒令史置蒙古必闕赤四人二十九年增承旨一員侍讀學士一員知印一人三十年增管勾一員大德五年陞正二品九年置司直一員都事一員皇慶元年改陞從一品設官二十有八吏屬二十有四延

祐二年改司直爲經歷後定置承旨七員學士二員侍讀學士二員侍講學士二員直學士二員侍制四員修撰二員應奉五員經歷一員都事一員品秩並同翰林國史院承發架閣庫管勾一員正

九品必闕赤一十四人掾史三人通事一人譯史一人知印二人書寫一人典史三人

蒙古國子監秩從三品至元十四年始立置司業一員二十九年准漢人國學例置祭酒司業監丞延祐四年陞正三品七年復降爲從三品稜定置祭酒一員從三品司業二員正五品監丞一員正六品令史一人必闕赤一人知印一人

蒙古國子學秩正七品博士二員助教二員教授二員學正學錄各二員掌教習諸生於隋朝百官法薛台蒙古漢兒官員家選子弟俊秀者入學至元八年置官五員後以每歲從駕上都教習事案設官員少增學正二員學錄二員三十一一年增助教一員典給一人後定置博士二員正七品助教二員教授二員並正八品學正學錄各二員典書一人典給一人元史百官志

右翰林院

內八府宰相掌諸王朝覲價介之事遇有詔令則與蒙古翰林院官同譯寫而潤色之謂之宰相云者其貴似侍中其近似門下故特龍之以是名雖有是名而無授受宣命品秩則視二品焉大德九年以減怯禿等八人爲之天曆元年爲內八府宰之職故附見于此云元史百官志

右內八府宰相

集賢院秩從二品掌提調學校徵求隱逸召集賢良凡國子監玄門道教陰陽祭祀占卜祭通之事
悉隸焉國初集賢與翰林國史院同一官書至元二十二年分置兩院置大學士三員學士一員直
學士二員典簿一員吏屬七人二十四年增置學士一員侍讀學士一員待制一員尋陞正二品置
院使一員正二品大學士二員從二品學士三員從二品侍讀學士一員從三品侍講學士一員從
三品直學士二員從四品司直一員從五品待制一員正五品二十五年增都事一員從七品修撰
一員從六品元貞元年增院使一員大德十一年陞從一品置院使六員經歷二員至大四年省院
使六員皇慶二年省漢人經歷一員後定置大學士五員從一品學士二員正二品侍讀學士二員
侍講學士二員並從二品直學士二員從三品經歷一員從五品都事二員從七品待制一員正五
品修撰一員從六品兼管勾承發架閣庫一員正八品掾史六人譯史知印各二人通事一人宣使
七人典史三人元史百官志

國子監屬集賢院

凡國子監元門道教陰陽祭祀占卜祭通之事悉隸焉

掌學之教令祭酒一人司業二人

皆總勳望重者爲之監丞一

人專領監務典簿一人至元初以許衡爲集賢館大學士國子祭酒敎國子與蒙古大姓四集養人
員選七品以上朝官子孫爲國子生隨朝三品以上官得舉凡民之俊秀者入學爲陪堂生伴讀二

十四年始置監

續通考職官考

宣政院秩從一品掌釋教僧徒及吐蕃之境而隸治之遇吐蕃有事則爲分院往鎮亦別有印如大
征伐則會樞府議其用人則自爲選其爲選則軍民通攝僧俗並用至元初立總制院而領以國師
二十五年因唐制吐蕃來朝見於宣政殿之故更名宣政院置院使二員同知二員副使二員參議
二員經歷二員都事四員管勾一員照磨一員二十六年置斷事官四員二十八年增僉院同僉各
一員元貞元年增院判一員大德四年罷斷事官至大初省院使一員至治三年置院使六員天曆
二年罷功德使司歸宣政定置院使一十員從一品同知二員正二品副使二員從二品僉院二員
正三品同僉三員正四品院判三員正五品參議二員正五品經歷二員從五品都事三員從七品
照磨一員管勾一員並正八品掾史十五人蒙古必闌赤二人回回掾史二人怯里馬赤四人知印
一人宣使十五人典吏有差元史百官志

右宣政院

宣慰使司掌軍民之務分道以總郡縣每司使三人同知副使經歷都事照磨兼架閣管勾各一人
凡六道行省有政令則布於下郡縣有請則爲達於省有邊陲軍旅之事則兼都元帥府其次則止
爲元帥府其在遠服又有招討安撫宣撫等使

山東東西道

益都路置

河東山西道

大同路置

淮東道

揚州路置

浙東道

慶元路置

荆湖北道

中興路置

湖南道

大臨路置

順帝至元元年湖南道宣慰司兼都元帥府總領所轄路分鎮守萬戶府軍馬六年改立山東東西

道宣慰使司都元帥府專掌開設屯田屯駐軍馬至正十一年荆湖北道宣慰使司兼都元帥府十二年浙東宣慰司添設使同知各一人都事二人補通考職官考

右宣慰使司

宣徽院秩正三品掌供玉食凡稻粱牲牢酒醴蔬菓庶品之物燕享宗戚賓客之事及諸王宿衛怯憐口糧食蒙古萬戶千戶合納差發係官抽分牧養孳畜歲支芻草粟菽羊馬價直收受關道等事與尚食尚藥尚醢三局皆隸焉所轄內外司屬用人則自為選至元十五年置院使一員同知同僉各二員主事二員照磨一員二十年陞從二品增院使一員置經歷二員典簿三員二十三年陞正二品置院判二員省典簿置都事三員三十一年院使四員大德二年增同知二員三年陞從一品四年置副使二員皇慶元年增院使三員始定怯薛丹一萬人本院掌其給授後定置院使六員從一品同知二員正二品副使二員從二品僉院二員正三品同僉二員正四品院判二員正五品經歷二員從五品都事三員從七品照磨一員承發架閣庫一員並正八品掾史二十人蒙古必闕赤六人回回掾史二人怯里馬赤二人知印二人典史六人蒙古書寫二人

光祿寺秩正三品掌起運米粳諸事領尚飲尚醴局沿路酒坊各路布種事元史百官志

至元十五年設光祿寺卿一人少卿一人二十三年增卿一人二十四年增少卿一人隸宣徽院一十五年撥隸省部三十一年復隸宣徽院定置卿四人少卿二人補通典職官典

右宣徽院

元史百官志

大禧宗禋院秩從一品掌神御殿朔望歲時諱忌日辰禋享禮典

天曆元年罷會福殊祥二院改置大禧院以總制之置參議二人二年改大禧宗禋院置院使六人

續通考職官考

增副使二人立諸總管府為之屬凡錢糧之出納管繕之作輟悉統之後定置官如前

右大禧宗禋院

元史百官志

太常禮儀院秩正二品掌大禮樂祭享宗廟社稷封贈謚號等事

世祖中統元年中都立太常寺設寺丞一人至元二年翰林兼攝太常寺九年立太常寺設卿一人

少卿以下五人十三年省併衙門以待儀司併入太常寺十四年增博士一人十六年又增法物庫

子掌公服法服之藏二十年別置侍儀司武宗至大元年改升院設官十二人四年復為太常寺

仁宗延祐元年復改升院以太司徒領之文宗天曆二年定置官如前所屬太廟署掌宗廟行禮兼

廩犧署事令二人丞一人至元三年始置郊祀署掌郊祀行禮兼廩犧署事令丞各二人成宗大德九年始置社

稷署令二人丞一人大德元年始置大樂署掌管禮生樂工四百七十九戶令二人丞一人中統五年始置續通

考職

官

右太常禮儀院

典瑞院秩正二品掌寶璽金銀符牌中統元年始置符寶郎二員至元十六年立符寶局給六品印

職官 十三 約雅堂藏板

十七年陞正五品十八年改典瑞監秩正三品二十年降爲正四品省卿二員二十九年復正三品仍置監卿二員大德十一年陞典瑞院正二品置院使四員正二品同知二員正三品僉院二員從三品同僉二員正四品院判二員正五品經歷二員從五品都事二員從七品照磨兼管勾承發架閣庫一員正八品令史四人譯史四人知印通事各一人宣使四人典史三人

右典瑞院

太史院秩正三品掌天文曆數之事至元十五年始立院置太史令等官一員至大元年陞從二品設官十員延祐三年陞正二品設官十五員後定置院使五員正二品同知二員正三品僉院二員從三品同僉二員正四品院判二員正五品經歷一員從五品都事一員從七品管勾一員從九品令史三人譯史一人知印二人通事一人宣使二人典史二人

春官正兼夏官正一員正五品 秋官正兼冬官正中官正一員正五品 保章正五員正七品
保章副五員正八品 掌曆二員正八品 腹裏印曆管勾一員從九品

各省司曆十二員正九品 印曆管勾二員從九品 靈臺郎一員正七品

監候六員從八品 副監候六員正九品 星曆生四十四員

挈壺正一員從八品 司辰郎二員正九品 燈漏直長一人

教授一員從八品 學正一員從九品 校書郎二員正八品

右太史院

太醫院秩正二品掌醫事製奉御藥物領各屬醫職中統元年置宣差提點太醫院事給銀印二十年改爲尙醫監秩正四品二十二年復爲太醫院給銀印置提點四員院使副使判官各二員大德五年陞正二品設官十六員十一年增院使二員皇慶元年增院使二員二年增院使一員至治二年定置院使一十二員正二品同知二員正三品僉院二員從三品同僉二員正四品院判二員正五品經歷二員從七品都事二員從七品照磨兼承發架閣庫一員正八品令史八人譯史一人知印二人通事二人宣使七人

廣惠司秩正三品掌修製御用回回藥物及和劑以療諸宿衛士及在京孤寒者至元七年始置提舉二員十七年增置提舉一員延祐六年陞正二品七年仍正五品至治二年復爲正三品置卿四員少卿丞各二員後定置司卿四員少卿二員司丞二員經歷知事照磨各一員

大都上都回回藥物院二秩從五品掌回回藥事至元二十九年始置至治二年撥隸廣惠司定置達魯花赤一員大使二員副使一員

御藥院秩從五品掌受各路鄉貢諸蕃進獻珍貴藥品修造湯煎至元六年始置達魯花赤一員從五品大使二員從五品副使三員正七品直長一員都監二員

御藥局秩從五品掌兩都行篋藥餌至元十年始置大德九年分立行御藥局掌行篋藥物本局

但掌上都藥倉之事定置達魯花赤一員從五品局使二員從五品副使二員正七品

行御藥局秩從五品達魯花赤一員大使二員副使三員品秩同土掌行篋藥餌大德九年始置御香局秩從五品提點一員司令一員掌修合御用諸香至大元年始置

大都惠民局秩從五品掌收官錢經營出息市藥修劑以惠貧民中統二年始置受太醫院劄至元十四年定從六品秩二十一年陞從五品

上都惠民司提點一員司令一員中統四年始置品秩並同上

醫學提舉司秩從五品至元九年始置十三年罷十四年復置掌考校諸路醫生課義試驗太醫教官校勘名醫撰述文字辨驗藥材訓誨太醫子弟頒名處醫學提舉一員副提舉一員

右太醫院

奎章閣學士院秩正二品天曆二年立於興聖殿西命儒臣進經史之書考帝王之治大學士二員正三品尋陞爲學士院大學士正二品侍書學士從二品承制學士正三品供奉學士正四品參書從五品多以它官兼領其職至順元年增大學士二員共四員侍書學士二員承制學士二員供奉學士二員首領官參書二員典籤二員照磨一員內探四人譯文內探二人知印二人怯里馬赤一人宣使四人典書五人屬官授經郎二員

羣玉內司秩正三品天曆二年始置掌奎章圖書寶元及凡常御之物監司一員正三品司尉一

員從三品亞尉一員正四品僉司二員從四品司丞二員正五品典簿一員正七品令史二人知印一人怯里馬赤一人奉差典吏各二人給使八人司膳四人

右奎章閣學士院

藝文監秩從三品天曆二年置專以國語數譯儒書及儒書之合校讐者俾兼治之大監檢校書籍事二員從三品少監同檢校書籍二員從四品監丞參檢校書籍事二員從五品典簿一員照磨一員令史四人譯史一人怯里馬赤一人奉差二人典史三人

監書博士秩正五品天曆二年始置品定書畫擇朝臣之博識者爲之博士二員正五品書吏一人

藝林庫秩從六品提點一員從六品大使一員副使一員正七品庫子二人本把二人掌藏貯書籍天曆二年始置

廣成局秩七品掌傳刻經籍及印造之事天曆二年始置大使一員從七品副使一員正八品直長二人正九品司吏二人

右藝文監

侍正府秩正一品至順二年置侍正一十四員正二品同知二員正三品參府二員從三品侍判二員正四品經歷一員從六品都事一員從七品照磨一員從八品掌內廷近侍之事領速古兒赤四

百人奉御二十四員拱衛直都指揮使司爲其屬掾史八人譯史四人通事知印各二人宣使八人典史五人

奉御二十四員秩五品尙冠奉御二員從五品尙冠副奉御二員從六品尙衣奉御二員從五品尙衣副奉御二員從六品尙鑿奉御二員從五品尙鑿副奉御二員從六品尙沐奉御二員從五品尙沐副奉御二員從六品尙飾兼尙釐奉御二員正六品尙飾兼尙釐副奉御二員正七品奉御掌簿四員從七品天曆初置以四怯薛之速古兒赤爲之

以上元史百官志

右侍正府

給事中秩正四品至元六年始置起居注左右補闕掌隨朝省臺院諸司凡奏聞之事悉紀錄之如古左右史十五年改陞給事中兼修起居注左右補闕改爲左右侍儀奉御兼修起居注皇慶元年陞正三品延祐七年仍四品後定置給事中兼修起居注二員右侍儀奉御同修起居注一員左侍儀奉御同修起居注一員令史一人譯史四人通事兼知印一人

元史百官志

先是中書省臣言前代朝廷必有起居注故善政嘉謨不致遺失卽以和爾果斯圖古勒充翰林侍制兼起居注至元六年始置左右補闕

續通考職官考

右起居注

將作院秩正二品掌成造金玉珠翠犀象寶貝冠佩器皿織造刺繡段疋紗羅異樣百色造作至元

三十年始置院使一員經歷都事各一員三十一年增院使二員元貞元年又增二員延祐七年省院使二員後定置院使七員正二品同知二員正三品同僉一員正四品院判二員正五品經歷一員從五品都事一員從七品照磨管勾一員正八品令史六人譯史知印各二人宣使四人

諸路金玉人匠總管府秩正三品掌造寶貝金玉冠帽繫腰束帶金銀器皿并總諸司局事中統二年初立金玉局秩正五品至元三年改總管府置總管一員經歷提控案牘各一員十二年又置同知副總管各一員二十五年置達魯花赤一員大德四年又置副達魯花赤副總管各一員後定置達魯花赤二員正三品總管二員正三品副達魯花赤二員正四品同知二員從四品副總管二員正五品經歷一員從七品知事一員從八品照磨管勾各一員令史五人譯史一人奏差二人

右將作院

通政院秩從二品國初置驛以給使傳設脫脫禾孫以辨奸偽至元七年初立諸站都統領使司以總之設官六員十三年改通政院十四年分置大都上都兩院二十九年又置江南分院大德七年罷至大元年陞正二品四年罷以其事歸兵部是年兩都仍置止管達達站赤延祐七年復從二品仍兼領漢人站赤大都院使四員從二品同知二員正三品副使二員從三品僉院一員正四品同僉一員從四品院判一員正五品經歷一員從五品都事一員從七品照磨兼管勾承發架閣一員

正八品令史十三人通事一人知印二人宣使十人上都院使同知副使僉院判官各一員經歷都事各一員品秩並同大都令史四人譯史三人通事一人知印一人宣使十人

稟給司秩從七品掌諸王諸蕃各省四方邊遠使各飲食供張等事至元十九年置提領司令司丞各一員

右通政院

中政院秩正二品院使七員正二品同知二員正三品僉院二員從三品同僉二員正四品院判二員正五品掌中宮財賦營造供給并番衛之士湯沐之邑元貞二年始置中御府秩正三品大德四年陞中政院秩正二品至大三年陞從一品院使七員同知僉院同僉院判各二員四年省併入典內院皇慶二年復爲中政院設官如舊其幕職則司議二員從五品長使二員正六品照磨兼管勾承發架閣一員正八品吏屬蒙古必闌赤四人掾史十二人回回掾史二人怯里馬赤二人知印二人宣使十人

以上元史百官志

右中政院

儲政院秩正二品至元十九年立詹事院備左右輔翼皇太子之任置左右詹事各一員副詹事詹事丞院判各二員吏屬六十有二人別置宮臣賓客二員左右諭德左右贊善各一員校書郎二員中庶子中允各一員

元史百官志

至元三十一年以院之錢糧選法工役悉歸太后位下改爲樞政院大德九年復立詹事院至大四年至泰定元年罷立不一天曆二年改爲樞政院設院使六人同知僉院同僉院判司議長史照庶管勾各二人

樞通考
職官考

右儲政院

左都威衛使司秩正三品使三員副使二員僉事二員經歷知事照磨各一員至元十六年以待衛親軍一萬戶撥屬東宮立侍衛都指揮使司三十一年改隆福宮左都威衛使司隸中宮至大三年遷造作軍士八百人立千戶所一百戶翼入以領之而分局造作延祐二年置教授二至治三年罷軍匠千戶所

鎮撫所鎮撫二員都目一員

行軍千戶所千戶二員副千戶二員知事彈壓各一員百戶二十員

屯田左右千戶二所千戶二員都目一員彈壓一員百戶每所二十員

弩軍千戶所千戶二員都目一員彈壓一員

資食倉大使一員副使一員

右都威衛使司秩正三品衛使三員副使二員僉事二員經歷知事照磨各一員中統三年以世祖五投下探馬赤立總管府秩四品設總管一員二十一年撥屬東宮二十二年改蒙古侍衛親軍都

指揮使司秩正三品三十一年改隆福宮右都威衛使司秩仍舊延祐二年置儒學教授一員四年增象古字教授一員其屬附見

鎮撫司鎮撫二員都目一員

行軍千戶凡五所秩正四品千戶五員副千戶五員知事五員百戶五十員彈壓五員

屯田千戶所秩正五品千戶二員彈壓一員百戶七員都目一人

右都威衛使司

衛候直都指揮使司秩正四品至元二十年以控鶴一百三十五人隸府正司三十年隸家令司三十一年增控鶴六十五人立衛候司以領之兼掌東宮儀從金銀器物置衛候一員副衛候二員及儀從庫百戶大德十一年復增懷孟從行控鶴二百人陞都指揮使司秩正四品延祐元年陞正三品七年降正四品至治三年罷四年以控鶴六百三十人歸中宮位下泰定四年復立司秩仍正四品建魯花赤二員佩三珠虎符都指揮使二員佩三珠虎符副指揮使二員佩雙珠虎符知事一員下控案牘一員令史四人譯史通事各一人奏差一人

右衛候直都指揮使

內宰司秩三品至元三十一年既立徽政院改家令爲內宰司泰定元年復爲家令司天曆元年罷未幾復立二年罷復改內宰司內宰六員司丞四員典簿二員照磨一員令史十有一人譯史知印

通事各二人奏差六人典吏四人

以上並百官志

右內宰司

管領怯憐口諸色民匠都總管府秩正三品達魯花赤一員總管一員並正三品同知一員正四品副總管二員正五品經歷一員從七品知事一員從八品提控案牘照磨管勾各一員令史十人知印二人通事一人譯史二人奏差六人典吏四人領怯憐口人匠造作等事至大三年立總管府至治三年罷天曆元年復立隸儲政院

隨路諸色人匠都總管府秩正三品中統五年命招集析居放良還俗僧道等戶習諸色匠藝立管領怯憐口總管府以司其造作秩正四品至元九年陞正三品大德十一年改繕珍司延祐六年陞徽儀使司秩正二品七年仍爲繕珍司官屬如舊至治三年復改都總管府達魯花赤一員總管二員並正三品同知一員正五品副總管二員從五品經歷知事照磨提控案牘各一員令史四人譯史一人奏差二人典吏一人

管領大都等路打捕鷹房膳粉人戶總管府秩正四品至元十四年打捕鷹房達魯花赤招集平澤散逸人戶二十九年立總管府大德十一年撥隸皇太后位下延祐六年陞正四品置達魯花赤一員總管一員首領官一員令史四人譯史一人奏差二人

管領本投下大都等路怯憐口民匠總管府國初招集怯憐口哈赤民匠一千一百餘戶中統元年

立總管府二年給六品印掌戶口錢帛差發等事至元九年撥隸安西王位下皇慶元年又屬公主皇后位下延祐元年改隸章慶司天曆二年又改隸儲政院達魯花赤一員總管一員俱受御寶聖旨同知一員副總管一員俱受安西王令旨知事一員令史二人

管領諸路怯憐口民匠都總管府秩正三品至元七年招集析居從良還俗僧道編籍入戶爲怯憐口立總管府以領之十四年以所隸戶口善造作屬中宮十六年立織染雜造二局以司造作立提領所以司徭役二十五年改陞正三品延祐六年改繕用司仍三品七年復改府達魯花赤一員總管一員並正三品同知二員正五品副總管二員從五品經歷知事提控案牘兼照磨各一員令史五人譯史一人

汴梁等路管民總管府秩正三品達魯花赤總管同知府判各一員經歷知事提控案牘各一員副初立息州總管府領歸附六千三百餘戶元貞元年又併壽顯歸附民戶二千四百餘戶改汴梁等路管民總管府掌各屯佃戶差發子粒隸樞政院奉定元年改隸詹事院後隸儲政院其屬庫一提領所八管佃提領十二

江淮等處財賦都總管府秩正三品達魯花赤總管各一員並正三品同知一員正五品副總管二員從五品經歷知事照磨兼提控案牘各一員令史十五人奏差十五人譯史一人典史三人至元十六年以宋謝太后福王所獻事產及賈似道地土劉堅等田立總管府以治之大德四年罷命有

司掌其賦天曆二年復立其賦復歸焉

管領諸路打捕鷹房納綿等戶總管府秩正三品達魯花赤都總管同知治中府判各一員經歷知事提控案牘各一員掌八匠一萬三千有奇歲辦稅糧皮貨採捕野物鷹鷂以供內府

隨路諸色民匠打捕鷹房都總管府秩正二品總四幹耳朶位下戶計民匠造作之事達魯花赤二員都總管一員同知一員副總管二員經歷知事提控案牘各一員令史四人奏差二人至元二十四年置官吏不入常調凡幹耳朶之事復置四總管以分掌之

以上並百官志

右諸總管府

都護府秩從二品掌領舊州城及畏吾兒之居漢地者有詞訟則聽之大都護四員從二品同知二員從三品副都護二員從四品經歷一員從六品都事一員從七品照磨兼承發架閣庫管勾一員正八品令史四人譯史二人通事知印各一人宣使四人典史二人至元十一年初置畏吾兒斷事官秩三品十七年改領北庭都護府秩二品置官十二員

元史百官志

二十年置大理寺掌領舊州城及畏吾兒之居漢地者有詞訟則聽之二十二年改爲大都護府置大都護四人同知二人副都護二人廣大理不置

續通典職官典

右都護府

崇福司秩二品掌領馬兒哈皆列班也里可溫十字寺祭享等事司使四員從二品同知二員從三

品副使二員從四品司丞二員從五品經歷一員從六品都事一員從七品照磨一員正八品令史二人譯史通事知印各一人宣使二人至元二十六年置延祐二年改爲院置領院事一員省併天下也里可溫掌教司七十二所悉以其事歸之七年復爲司核定置已上官員

元史百官志

右崇福司

內史府秩正二品內史九員正二品中尉六員正三品司馬四員正四品諮議二員從五品記室二員從六品照磨兼管勾承發架閣庫從八品掾史八人譯史四人知印通事各二人宣使五人典史二人至元二十九年封晉王于太祖四斡耳朵之地改王傅爲內史秩從二置官十四員延祐五年陞正二品給印分司京師并分置官屬

延慶司秩正三品掌王府祈禳之事使三員正三品同知二員正四品典簿一員從七品令史一人譯史知印通事各一人奉差二人至元二十七年置

斷事官秩正三品理王府詞訟之事斷事官一十六員正三品經歷知事各一員令史三人典軍司秩從七品掌控鶴百二十有六人典軍二員副使二員大德四年置

右內史府

昭功萬戶都總使司秩正三品都總使二員正三品同知一員從三品副使二員正四品經歷知事照磨各一員令史六人譯史六人知印二人怯里馬赤二人奉差六人典史四人至順二年立凡文

宗潛邸扈從之臣皆領於是府其屬則宮相膳工等司

右萬戶都總使司

元有諸駙馬元制非勲臣世族及封國之君莫得尙主是以世聯戚畹者親親諸王

續通考
職官考

右諸駙馬

大都留守司秩正二品掌守衛宮闕都城調度本路供億諸務兼理營繕內府諸邸都宮原廟尙方車服殿廡供帳內苑花木及行幸湯沐宴游之所門禁關鑰啟閉之事留守五員正二品同知二員正三品副留守二員正四品判官二員正五品經歷一員從六品都事二員從七品管勾承發架閣庫一員正八品照磨兼覆料官一員部役官兼壕寨一員令史十八人宣使十七人典史五人知印二人蒙古必闌赤三人回回令史一人通事一人

元史百
官志

至元十九年罷宮殿府行工部置大都留守司兼本路都總管知少府監事二十一年別置大都路都總管府治民事并少府監歸留守司仁宗皇慶元年別置少府監延祐七年罷少府監復以留守司兼監事所屬修內司掌修建宮殿及大都造作等事領十四局人匠四百五十戶

世祖中統二年
置至元中增工
匠計一千二百
七十有二戶

大木局掌
慶園營造

之事小木局泥廈局車局裝釘局鑄局

續通考
職官考

織官考

右大都留守司

上都留守司兼本路都總管府職掌如大都留守司而兼治民事車駕還大都則領上都諸倉庫之事有留守六人同知副留守判官經歷各二人都事四人照磨兼管勾一人

續通考
職官考

右上都留守司

武備寺秩正三品掌繕治戎器兼典受給卿四員正三品同判六員從三品少卿四員從四品丞四員從五品經歷知事各一員照磨兼提控案牘一員承發架閣庫管勾一員辨驗弓官二員辨驗筋角翎毛等官二員令史十有三人至元五年始立軍器監秩四品十九年陞正三品二十年立衛尉院改軍器監爲武備監秩正四品隸衛尉院二十一年改監爲寺與衛尉並立

元史百
官志

二十四年罷衛尉院專置武備寺卿四人同判六人少卿四人丞四人

續通考
職官考

大德十一年陞爲院至大四年復爲寺設官如舊其所轄屬官則自爲選擇其匠戶之能者任之

元史

百官
志

右武備寺

太僕寺秩從二品掌阿塔思馬疋受給造作鞍轡之事中統四年設羣牧所至元十六年改尙牧監十九年又改太僕院二十年改衛尉院二十四年罷院立太僕寺又別置尙乘寺以管鞍轡而本寺止管阿塔思馬疋二十五年隸中書置提調官二員大德十一年復改太僕院至大四年仍爲寺卿二員從二品少卿二員從四品丞二員從五品經歷知事照磨管勾各一員令史七人譯史知印通

事各二人奏差四人回回令史一人典史二人

元史百官志續通典通考同

右太僕寺

尙乘寺秩從三品掌上御鞍轡輿輦阿塔思羣牧騶馬驢馱及饋隨路局院鞍轡等造作收支行省歲造鞍轡理四怯薛阿塔赤詞訟起取南北遠方馬疋等事卿四員正二品少卿二員從四品丞二員從五品經歷知事照磨管勾各一員令史六人譯史二人知印二人通事二人奏差五人典史二人

元史百官志

至元二十四年罷衛尉院始設尙乘寺領資乘庫大德十一年升爲院至十四年復爲寺

所屬資乘庫掌收支鞍轡等物提點四人大使三人副使四人至元十三年置二十年隸衛尉二十

四年隸尙乘寺

續通考職官考

右尙乘寺

長信寺秩正三品領大幹耳朶怯憐口諸事卿四員正三品少卿二員從四品寺丞二員從五品經歷知事各一員令史六人譯史知印各二人通事一人奏差四人大德五年置至大元年改陞爲院四年仍爲寺卿五員增少卿一員以宦者爲之延祐七年省寺卿少卿各一員定置如上

怯憐口諸色人匠提舉司秩從五品領大都上都二鐵局并怯憐人匠以材木鐵炭皮貨諸色備幹耳朶各枝房帳之需達魯花赤一員提舉同提舉副提舉各一員吏目一人司吏四人至元二

十五年置

大都鐵局秩從五品掌鈔耳朶上下往來造作粧釘房車大使一員副使一員直長一員至元十二年置上都鐵局大使一員副使一員至元十六年置掌職如前

右長信寺

長秋寺秩正三品掌武宗五幹耳朶戶口錢糧營繕諸事寺卿五員正三品少卿二員從四品寺丞二員從五品經歷知事各一員令史六人譯史知印各二人通事一人奏差四人皇慶二年置其屬

二

怯憐口諸色人匠提舉司秩從五品掌正官造作之役達魯花赤一員同提舉副提舉各一員吏目一人司吏四人至大元年幹耳朶三位下撥到人匠五百九十三戶始置提舉司隸中政院後屬長信寺

怯憐口諸色人匠提舉司秩從五品掌領武宗軍士北來人匠達魯花赤一員提舉一員同提舉副提舉各一員吏目一人司吏二人至大元年置

右長秋寺

承徽寺秩正三品掌答兒麻失里皇后位下錢糧營繕等事寺卿五員正三品少卿二員從四品寺丞二員從五品經歷知事各一員令史六人譯史知印各一人通事一人奏差四人至治元年置其

屬二

怯憐口諸色人匠提舉司二秩正五品各設達魯花赤一員提舉同提舉副提舉各一員吏目一人司吏三人至治三年置

右承徽寺

長寧寺秩正三品掌英宗速哥八刺皇后位下戶口錢糧營繕等事寺卿六員正三品少卿二員從四品寺丞二員從五品經歷知事各一員吏屬令史六人譯史知印各二人怯里馬赤一人奏差四人至治二年置

右長寧寺

長慶寺秩正三品掌成宗幹耳朵及常歲管辦禾失房子行幸法薛台人等衣糧之事寺卿六員少卿二員寺丞一員品秩同長寧寺經歷知事各一員令史六人譯史知印各二人怯里馬赤一人奏差四人泰定元年置寧徽寺秩正三品隸八不沙皇后位下寺卿六員少卿四員丞二員品秩同長慶寺經歷知事各一員天曆二年置

以上並元史百官志
總通考職官考同

右長慶寺

太府監秩正三品領左右藏等庫掌錢帛出納之數太卿六員正三品太監六員從三品少監五員從四品丞五員正五品經歷知事照磨各一員令史八人譯史三人通事知印各一人奏差四人中

二十四日... 統四年置至元四年爲宣徽太府監凡內府藏庫悉隸焉八年陞正二品大德九年改爲院秩從二品院判參用宦者至大四年復爲監定置如上

內藏庫秩從五品掌出納御用諸王段疋納失失紗羅絨錦南綿香貨諸物提點四員從五品大使二員正六品副使二員正七品至元二年置署上都十九年始署大都以宦者領之復有行內藏二十八年省之止存內藏及左右二庫

右藏提點四員大使二員副使二員品秩同上掌收支金銀寶鈔只孫段疋水晶瑪瑙玉璞諸物至元十九年置

左藏提點四員大使二員副使二員品秩同上掌收支常課和買紗羅布絹絲綿絨錦木綿鋪陳衣服諸物至元十九年置

右太府監

度支監秩正三品掌給馬駝芻粟卿三員正三品太監二員從三品少監三員從四品監丞二員從五品經歷二員知事一員提控案牘一員照磨兼管勾一員令史十四人譯史四人通事知印三人奏差四人典吏五人國初置字可孫至元八年以重臣領之十三年省字可孫以宣徽兼其任至大二年改立度支院四年改爲監利用監秩正三品掌出納皮貨衣物之事監卿八員正三品太監五員從三品少監五員從四品監丞四員正五品經歷知事照磨管勾各一員令史八人譯史二人通

事知印各一人奏差六人典史二人至元十年置二十年罷二十六年復置大德十一年改爲院至
大四年復爲監

寶用庫秩從五品提點二員從五品大使三員正六品副使五員正七品庫子五人至元二年置
練太府十年隸利用

怯憐口皮局人匠提舉司秩正五品提舉二員同提舉一員提舉案牘一員中秋元年置局至元
六年改提舉司

雜造雙線局秩從八品造內府皮貨鷹帽等物大使副使直長各一員至元二十年置

熟皮局掌每歲熟造野獸皮貨等物大使副使直長各一員至元二十年置

軟皮局掌內府細色銀鼠野獸諸色皮貨大使副使直長各一員至元二十五年置

絳皮局掌每歲熟造內府各色野馬皮勝副使一員至元二十年置

貂鼠局提舉司秩從五品提舉一員同提舉副提舉各一員至元二十年置

貂鼠局副使二員直長一員至元十九年立

染局副使一員直長一員管勾一員掌每歲變染皮貨至元二十年始置

熟皮局秩從七品大使一員副使一員典史一人司吏一人至元六年置

右度支監

中尙監秩正三品掌大幹耳朶位下怯憐口諸務及頒資成庫總作供內府陳設帳房帶幕車輿雨衣之用監卿八員正三品太監二員從三品少監二員從四品監丞二員正五品經歷知事照磨各一員令史七人譯史三人通事二人知印二人奏差五人至元十五年置尙用監二十年罷二十四年改置中尙監三十年分置兩都灤河三庫怯憐口雜造等九司局而總領之至大元年陞爲院四年復爲監參用宦者三人

資成庫秩從五品掌造禮貨提點三員從五品大使三員正六品副使三員正七品至元二年置轉太府二十三年始歸于監

右中尙監

掌佩監秩正二品掌宦者速古兒赤所收御服寶帶監卿五員正三品太監四員從三品少監二員從四品監丞二員正五品經歷知事照磨各一員令史七人譯史二人通事二人奏差四人至元二十二年置至大元年陞爲院秩從二品四年復爲監定置如上

御帶庫秩從五品掌繫腰偏束等帶併條環諸物供奉御用以備賜予提點三員大使三員副使二員品秩同資成至元二十八年置俱以中官爲之元貞二年增二員兼署上都之事

異珍庫秩從五品掌御用珍寶后妃公主首飾寶貝提點三員大使三員副使二員品秩同上至元二十八年置

右章佩監

經正監秩正三品掌管盤納鉢及標撥投下草地有詞訟則治之太卿一員正三品太監二員從三品少監二員從四品監丞二員正五品經歷知事各一員令史八人譯史四人至大四年置監卿太監少監並奴都赤爲之監丞流官爲之

以上並百官志

右經正監

都水監秩從三品掌治河渠井隄防水利橋梁插堰之事都水監二員從三品少監一員正五品監丞二員正六品經歷知事各一員令史十人蒙古必闌赤一人回回令史一人通事知印各一人奏差十人壕寨十六人典吏二人至元二十八年置二十九年誦河道提舉司大德六年陞正三品延祐七年仍從三品

元史百官志

至正六年五月以連年河決爲患置河南山東都水監以專疏塞之任八年二月河水爲患詔於濟寧鄆城立行都水監九年又立山東河南等處行都水監十一年立河防提舉司掌巡視河道隸行

都水監

續通考職官考

右都水監

祕書監秩正三品掌歷代圖籍并陰陽禁書卿四員正三品太監二員從三品少監二員從四品監丞二員從五品典簿一員從七品令史三人知印奏差各二人譯史通事各一人典書二人典吏一

人屬官著作郎二員從六品著作佐郎二員正七品秘書郎二員正七品校書郎二員正八品辨驗

書畫直長一員正八品

元史百官志

至元九年置其監丞皆用大臣奏薦選世家名臣子弟爲之大德九年給銀印仁宗延祐元年定置

卿四人參用宦者二人

續通考通典附

右祕書監

司天監秩正四品掌凡曆象之事提點一員正四品司天監三員正四品少監五員正五品丞四員

正六品知事一員令史二人譯史一人通事兼知印一人屬官提學二員教授二員並從九品學正

二員天文科管勾二員算曆科管勾二員三式科管勾二員測驗科管勾二員漏刻科管勾二員並

從九品陰陽管勾一員押宿官二員司辰官八員天文生七十五人

元史百官志

初中統元年因金人舊制立司天臺設官屬至元八年以上都承應闕官增置行司天監十五年別

置太史院與臺並立頒歷之政歸院學校之設隸臺二十三年置行監二十七年又立行少監

續通考職

官考

右司天監

回回司天監秩正四品掌觀象行曆提點一員司天監三員少監二員監丞二員品秩同上知事一

員令史二員通事兼知印一人奏差一人屬官教授一員天文科管勾一員算曆科管勾一員三式

科管勾一員測驗科管勾一員漏刻科管勾一員陰陽人一十八人

元史百官志

初世祖在潛邸時有旨徵回回爲星學者扎瑪里鼎等以其藝進未有官署至元八年始置司天臺
十七年置行監仁宗皇慶元年改爲監延祐元年置司天監二年命祕書卿提調監事

續通考職官考

右回回司天監

行中書省凡十秩從一品掌國庶務統郡縣鎮邊鄙與都省爲表裏國初有征伐之役分任軍民之

事皆稱行省未有定制

元史百官志

中統至元間始分立行中書省因事設官不必備皆以省官出領其事其丞相皆以宰執行某處省
事繫衝其後嫌於外重改爲某處行中書省凡錢糧兵甲屯種漕運軍國重事無不領之每省丞相
一員平章二員右丞一員左丞一員參知政事二員所屬有郎中員外郎都事等官其丞相或置或
不置尤慎於擇人至正十一年置中書分省於濟寧十二年置中書分省於彰德率以中書省官出
掌之

續通典職官典

右行中書省

儒學提舉司秩從五品各處行省所署之地皆置一司統諸路府州縣學校祭祀教養錢糧之事及
考校呈進著述文字每司提舉一員從五品副提舉一員從七品吏目一人司吏二人

右儒學提舉司

官醫提舉司秩從六品提舉一員同提舉一員副提舉一員掌醫戶差役詞訟至元二十五年置河南江浙江西湖廣陝西五省各立一司餘省並無

右官醫提舉司

兩淮都轉運鹽使司秩正三品國初兩淮內附以提舉馬里范章專掌鹽課之事至元十四年始置司于揚州使二員正三品同知一員正四品副使一員正五品運判二員正六品經歷一員從七品知事一員從八品照磨一員從九品三十年悉罷所轄鹽司以其屬置場官大德四年復置批驗所于真州宋石等處

鹽場二十九所每場司令一員從七品司丞一員從八品管勾一員從九品辨鹽各有差

呂四場 餘東場 餘中場 餘西場 西亭場 金沙場 石港場

掘港場 豐利場 馬塘場 拼茶場 角斜場 富安場 安豐場

梁垛場 東臺場 河埭場 丁奕場 小海場 草堰場 白駒場

劉莊場 五祐場 新興場 廟灣場 莞濱場 板浦場 臨洪場

徐濟浦場

批驗所每所提領一員正七品大使一員正八品副使一員正九品掌批驗鹽引

兩浙都轉運鹽使司秩正三品使二員同知二員運判二員經歷知事各一員照磨一員至元十四

年置司杭州大德三年定其產鹽之地立場有差仍於杭州嘉興紹興溫台等處設檢校四所專驗鹽袋毋過常度

鹽場三十四所每所司令一員從七品司丞一員從八品管勾一員從九品

仁和場 許村場 西路場 下沙場 青村場 表部場 浦東場

橫浦場 蘆灘場 海沙場 鮑郎場 西興場 錢清場 三江場

曹娥場 石堰場 鳴鶴場 清泉場 長山場 穿山場 袋山場

玉泉場 蘆花場 大嵩場 昌國場 永嘉場 雙鴉場 天富南監

長林場 黃巖場 杜瀆場 天富北監 長亭場 龍頭場

福建等處都轉運鹽使司秩正三品使二員同知二員運判二員經歷知事各一員照磨一員至元十四年始置市舶司領煎鹽徵課之事二十四年改立鹽運使司二十九年罷立提舉司大德四年復為運司九年復罷併入元帥府兼掌之十年復立都提舉司至大四年復置運司徑隸行省凡置鹽場七所

鹽場七所每所司令一員從七品司丞一員從八品管勾一員從九品

海口場 牛田場 上里場 惠安場 潯美場 涪州場 泗州場

右鹽運使司

廣東鹽課提舉司至元十三年始從廣州煎辦鹽課十六年隸江西鹽鐵茶都轉運司二十二年併入宣慰司二十三年置市舶提舉司大德四年改廣東鹽課提舉司提舉一員從五品同提舉一員從六品副提舉一員從七品其屬附見

鹽場十三所每所令一員從七品司丞一員從八品管勾一員從九品

靖康場

歸德場

東莞場

黃田場

香山場

埕峒場

雙恩場

咸水場

漆水場

石橋場

隆井場

招收場

小江場

廣海鹽課提舉司至元三十一年置專職鹽課秩正四品都提舉二員從四品同提舉二員從五品副提舉二員從六品知事一員提控案牘一員

右鹽課提舉司

市舶提舉司至元二十三年立鹽課市舶提舉司隸廣東宣慰司三十年立海南博易提舉司至大四年罷之禁下番船隻延祐元年弛其禁改立泉州廣東慶元三市舶提舉司每司提舉二員從五品同提舉二員從六品副提舉二員從七品知事一員

右市舶提舉司

四川茶鹽轉運司成都鹽井九十五處散在諸郡山中至元二年置興元四川轉運司專掌煎熬辦課之事八年罷之十六年復立轉運司十八年併入四道宣慰司十九年復立陝西四川轉運司通

轄諸課程事二十二年置四川茶鹽運司秩從三品使一員同知副使通判各一員經歷知事照廳各一員

鹽場一十二所每所司令一員從七品司丞一員從八品管勾一員從九品

簡鹽場 隆鹽場 綿鹽場 潼川場 遂寧場 順慶場 保寧場

嘉定場 長寧場 紹慶場 雲安場 大寧場

右茶鹽轉運司

海道運糧萬戶府至元二十年置秩正三品掌每歲海道運糧供給大都達魯花赤一員萬戶一員並正三品副萬戶四員從三品經歷一員從七品知事一員從八品照磨一員從九品鎮撫二員正五品其屬附見

海運千戶所秩正五品達魯花赤一員千戶二員並正五品副千戶三員從五品若溫台若慶元紹興若杭州嘉興若崑山崇明常熟江陰等處凡五所而平江又有海運香莎糯米千戶所

右運糧萬戶府

諸路總管府至元初置二十年定十萬為之上者為上路十萬戶之下者為下路當衝要者雖不及十萬戶亦為上路上路秩正三品達魯花赤一員總管一員並正三品兼管勸農事江北則兼諸軍奧魯同知治中判官各一員下路秩從三品不置治中員而同知如治中之秩餘悉同上至元二十

三年置推官二員專治刑獄下路一員經歷一員知事一員或二員照磨兼承發架閣一員司吏無定制隨事繁簡以爲多寡之額譯史通事各一人

以上並元史百官志

右諸路總管

散府秩正四品達魯花赤一員知府或府尹一員領勸農興魯與路同同知一員判官一員推官一員知事一員提控案牘一員所在有隸諸路及宣慰司行省者有直隸省部者有統州縣者有不統縣者其制各有差等諸州中統五年併立州縣未有差等至元三年定一萬五千戶之上者爲上州六千戶之上者爲中州六千戶之下者爲下州江南既平二十年又定其地五萬戶之上者爲上州三萬戶之上者爲中州不及三萬戶者爲下州於是陞縣爲州者四十有四縣戶雖多附路府者不改上州達魯花赤州尹秩從四品同知秩正六品判官秩正七品中州達魯花赤知州並正五品同知從六品判官從七品下州達魯花赤知州並從五品同知正七品判官正八品兼捕盜之事參佐官上州知事提控案牘各一員中州吏目提控案牘各一員下州吏目一員或二員

諸縣至元三年合併江北州縣六千戶之上者爲上縣二千戶之上者爲中縣不及二千戶者爲下縣二十年又定江淮以南三萬戶之上者爲上縣一萬戶之上者爲中縣一萬戶之下者爲下縣上縣秩從六品達魯花赤一員尹一員丞一員簿一員尉一員典史二員中縣秩正七品不置丞餘悉如上縣之制下縣秩從七品置官如中縣民少事簡之地則以簿兼尉後又別置尉尉主捕盜之事

別有印典史一員 巡檢司秩九品巡檢一員

諸軍唯邊遠之地有之各統屬縣其秩如下州其設官置吏亦如之

諸蠻夷長官司西南夷諸溪洞各置長官司秩如下州遠魯花赤長官副長官參用其土人為之以

元史百官志

右府州牧刺史

各處脫脫禾孫掌辨使臣奸偽正一員從五品副一員正七品

元史百官志 按通考作托克托和斯今從元史

右脫脫禾孫

元制勳一十階

上柱國正一品

柱國從一品

上護軍正二品

護軍從二品

上輕車都尉正三品

輕車都尉從三品

上騎都尉正四品

驍騎尉正五品

飛騎尉從五品

元制爵八等

正一品曰王從一品曰郡王正二品曰國公從二品曰郡公正從三品曰郡侯正從四品曰郡伯

正五品曰縣子從五品曰縣男

續通考職官考

勳爵若上柱國郡王公時有除拜者餘則止於封贈用之

元史百官志

右勳爵

文散官四十二

開府儀同三司

儀同三司

特進

崇進

金紫光祿大夫

銀青光祿大夫

以上俱正一品

光祿大夫

榮祿大夫

以上從一品

資德大夫

資政大夫

資善大夫

以上正二品

正奉大夫

通奉大夫

中奉大夫

以上從二品

正議大夫

通議大夫

嘉議大夫

以上正三品

大中大夫

中大夫

亞中大夫

以上從三品舊為少中延祐改亞中

中議大夫

中憲大夫

中順大夫

以上正四品

朝請大夫

朝散大夫

朝列大夫

以上從四品

奉政大夫

奉議大夫

以上正五品

奉直大夫

奉訓大夫

以上從五品

承德郎

承直郎

以上正六品

儒林郎

承務郎

以上從六品

文林郎

承事郎

以上正七品

徵事郎

從事郎

以上從七品

登仕郎

將仕郎

以上正八品

登仕佐郎

將仕佐郎

以上從八品

右文散官四十二階由一品至五品為宣授六品至九品為勅授勅授則中書署牒宣授則以

制命之一品至五品者服紫六品至七品者服緋八品至九品者服綠武官以下皆如之其官

常對品惟九品無散官則但舉其職而已武官雜職亦如之武散官三十四階

龍虎衛上將軍

金吾衛上將軍

驍騎衛上將軍以上正二品

奉國上將軍

輔國上將軍

鎮國上將軍以上從二品

昭武大將軍

昭勇大將軍

昭毅大將軍以上正三品

安遠大將軍

定遠大將軍

懷遠大將軍以上從三品

廣威將軍

宣威將軍

明威將軍以上正四品

信武將軍

顯武將軍

宣武將軍以上從四品

武節將軍

武德將軍以上正五品

武義將軍

武畧將軍以上從五品

承信校尉

昭信校尉以上正六品

忠武校尉

忠顯校尉以上從六品

忠勇校尉

忠翊校尉以上正七品

修武校尉

敦武校尉以上從七品

保義校尉

進義校尉以上正八品

保義副尉

進義副尉以上從八品

右武散官三十四階自龍虎衛上將軍至進義副尉由正二品至從八品其餘授具前

內侍散官一十四

中散大夫正二品

中引大夫從二品

中御大夫正三品

侍中大夫從三品

中衛大夫正四品

中涓大夫從四品

通侍郎正五品

通御郎從五品

侍直郎正六品

內直郎從六品

司謁郎正七品

司闈郎從七品

司奉郎正八品

司引郎從八品

右內侍品秩一十四階自中散至司引由正二品至從八品其餘授具前

司天散官一十四

欽象大夫從三品

明時大夫

頤朔大夫以上正四品

保章大夫從四品

司立大夫正五品

授時郎從五品

臺臺郎正六品

候儀郎從六品

司正郎正七品

平秩郎從七品

正紀郎

挈壺郎以上正八品

司曆郎

司辰郎以上從八品

右司天品秩一十四階自欽象至司辰由從三品至從八品其餘授具前

太醫散官一十五

保宜大夫

保康大夫以上從三品

保安大夫

保和大夫以上正四品

保順大夫從四品

保沖大夫正五品

保全郎從五品

成安郎正六品

保和郎從六品

成全郎正七品

醫正郎從七品

醫効郎

醫候郎以上正八品

醫痊郎

醫愈郎以上從八品

右太醫品秩一十五階自保宜至醫愈亦由從三品至從八品其餘授具前

教坊司散官十五

雲韶大夫

德韶大夫以上從三品

長寧大夫

德和大夫以上正四品

協律大夫從四品

嘉成大夫正五品

純和郎從五品

調音郎正六品

司樂郎從六品

協樂郎正七品

和樂郎從七品

司音郎

司律郎以上正八品

和聲郎

和節郎以上從八品

右教坊品秩一十五階自雲韶至和節由從三品至從八品其餘授員前以上並元史百官志

右官階

元世祖至元二十三年定百官奉例各品又分差等從一品有六定五定之差正二品有四定二十五兩四定一十五兩之差從二品分三等四定及三定三十五兩三定二十五兩正三品分三等三定二十五兩三定一十五兩及三定從三品分三等三定及二定三十五兩二定二十五兩正四品分三等二定二十五兩二定一十五兩及二定從四品分三等二定及一定四十五兩一定四十四兩正五品已下皆二等正五品一定四十兩一定三十兩從五品一定三十兩一定二十兩正六品一定二十兩一定一十五兩從六品一定一十五兩一定一十兩正七品一定一十兩一定五兩從七品一定五兩及一定正八品一定及四十五兩從八品四十五兩及四十兩正九品四十兩及三十五兩從九品三十五兩

續通典職官典續
通考職官考同

右俸例